

Литература Дагъистан

16+

Гьалмагъдеш

ЛИТЕРАТУРНО-ХУДОЖЕСТВЕННЫЙ И ОБЩЕСТВЕННО-ПОЛИТИЧЕСКИЙ ЖУРНАЛ

Дерхъили дакъДад!



2/2019

март - апрель



Дарғала бунёдкори ва лужанги “Поэзия Юрғлизиб”



Гьалмагъдеш



ЛИТЕРАТУРНО-ХУДОЖЕСТВЕННЫЙ И ОБЩЕСТВЕННО-ПОЛИТИЧЕСКИЙ ЖУРНАЛ

Учредитель: Министерство информатизации, связи и массовых коммуникаций
Республики Дагестан

РУКОВОДИТЕЛЬ - БЕКИ РЕДАКТОР
Мурад ГИЯХИМАДОВ

ЖАВАБЛА СЕКРЕТАРЬ
Т. ЗУРГЪАЛОВА

РЕДАКЦИЯЛА КОЛЛЕГИЯ
XI. Кьурбанов (журналла редактор)
Кь. Мигърабов
Т.СягИдов

ЖАМИГИЯТЛА СОВЕТ
А. Гябдулмананова
И. Ибрагъимов
Ш. МяхИяммадов
Х. ХИябидова
Х. Юсупов
И. МяхИяммадов

2
2019

март - апрель

Кел базили гъачам
дурабулхъан

Выходит один раз в два месяца

1952 ибил дуслизиб
акIахъубси саби

Журнал основан в 1952 году

Государственное бюджетное учреждение
Республики Дагестан “Редакция республиканских литературных
журналов “Соколенок” и “Литературный Дагестан”.

ЖУРНАЛЛИЗИР ЛЕР:

ДУГЪАБИЗ

Перзият БЯХИЯНДОВА. Батирайлис памятник.....3

СУЛАЙБАН СТИАЛЬСКИЙЛА ПОЭЗИЯЛА БАРХИИ

Поэтла гIахIгъабза поэзия.....5

ДРАМАТУРГИЯ

Къасум-Бег МИГЪРАБОВ. «Аркъутала къел».....8

ПРОЗА

Ибрагъим ИБРАГЪИМОВ. ЦIализиб ва хIилизиб.....26

НАЗМУРТИ

ШапигI МЯХИЯММАДОВ. ГехIел тугъла.....35

Тавсултан СЯГИДОВ. Нешла юрт.....39

ПРОЗА

Хадижат ХИЯБИБОВА. Чарбухъни.....42

МяхIяммад ТАХСУРМАНОВ. Дигай.....49

ХАБУРТИ

ПатИмат ВЯХИИДОВА. ТанбихIладарибти къиркъирдеш,
Хъярла галга, Дудешла зубари.....57

НУШАЧИР ГИЯХИЛАДЛИ

Мариям ИБРАГЪИМОВА. Шайх Къурба Турциялизи архIя.....63

НАЗМУРТИ

Хизри ЮСУПОВ. Агара гIяхIла хабар.....71

Имин МЯХИЯММАДОВ. Чили? Сен? Се багъандан?!.....73

ОЧЕРК

Нурулгъуда РАЖАБОВА. ХIябал Расул.....74

ХАБАР

Набигуллагъ СУЛАЙБАНОВ. ХIябал гIяббаси.....78

КРИТИКА ВА БИБЛИОГРАФИЯ

ГIябдулла ВЯХИИДОВ. Поэтла ва прозаикла устадеш.....81

Регистрационный номер: серия ПИ №ТУ05-00416
выдан Управлением Роскомнадзора по Республике Дагестан от 22.04. 2019 г.

Типография: ООО «Издательство «Феникс-пресс»
Адрес типографии: 367018, РД, г. Махачкала, пр. Петра I, 61

ГЪАЛМАГЪДЕШ №2 2019 г.

На даргинском языке

Выход в свет 16.05.2019 г. Тираж 418 экз.

Заказ № 372 Цена свободная.

Печать офсетная. Бумага офсетная.

Формат 70x108 ¹/₁₆.

Усл. печ. л. 8,4.

Усл. изд. л. 8,7.

Редакция и издатель: Государственное бюджетное учреждение Республики Дагестан "Редакция республиканских литературных журналов "Соколенок" и "Литературный Дагестан".

Адрес редакции и издателя: 367000, РД, г. Махачкала, ул. Даниялова, д. 55.

Электронный адрес редакции:

litdag@mail.ru

Дугъабиз

ХІУРМАТЛА ДАРГАНТИ!

ШалгЕббухъунси дуслa нo-
ябрьла 9-личиб Урусла театрла
халал заллизиб Дагъистa поэзияла
классик, даргала поэзияла дудеш
Гямарла Батирай акГубхІейчи-
рад 200 дус дикнилис багъишла-
барибси шадлихъ бетерхурсири.
Ил байрамличи илцадра бахъал
адамти музабухъун, театрлизиб
мераначи кабибтицад тІаишли
хІербикІутира лебри. Иличи че,
даршани адамти театрла дураб
калунтира лебри. Жузи дучІути
камбиубли бикІули хъалли, поэзия
дигути гъачамлис дебали бахъал
лебал.



Дагъистан Республикала Халал
Васильев Владимир Абдуалиевичли ва Дагъиста халкъла гъалар
халати сархибдешуначил ва республикала гъаларти халати къул-
лукъуначил декІарбухъунти адамти ва илкъяйдали тарихла къадрила
анцІубукъуни хъумхІертахънила шайчибси республикала Халалла
гъалабси Комиссияли Дагъиста писатательтала Союза, Сергокъ-
алала, Ахъушала, Лавашала, Хайдакъла, Дахадаевла районтала
руководительтанира, илди районтала халкъла собраниебанира,
«Историяла-культурала букъурдеш» бикІуси жамигІятла органи-
зациялира гъалабихъибси сипта гЕббуциб ва Дагъиста халкъанала
поэзияла хазнализилебгЕб халаси пай кабибси даргала поэзияла
классик Гямарла Батирайлис памятник тІаибалтнила хІекълизиб-
си хІукму къабулбариб. МяхІячкъала шагъарла администрацияли
биалли ил памятник тІаибатахъес «Ленинград» гостиницалара
Р.ХІямзатовла уличилси Миллатла библиотекалара ургабси май-
дайчиб, тах шагъарла байлаб, мер декІарбариб.

Ахъушала районна Усишала шилизивадси машгъурси скульптор
Шамиль КъанайхІяжиевли Москвализиб Дагъиста халкъла поэт
Расул ХІямзатовлис, МяхІячкъалализир генерал МяхІяммад Танка-
евлис, поэт Юсуп Хаппалаевлис ва цархІилти машгъурти адамтас
памятникуни далкъаахъуртири ва тІаишдатуртири. Илини Гямар-

ла Батирайлис багъишлабарибси памятниклара проект-макет балкъаахъурли сай ва жармализибад ил памятник ишдус илис декларбарибси мерличиб тлаибатес чесили сай.

Пачалихъли тлаибатурсилаван ахли, халкъли тлаибатурси памятникла къадрира къиматра гъатлира халати дирути сари. Гямарла Батирайлис памятник тлаибалтнеличил дархдасунти лерилра хлянчилис хляжатдиркути арц халкълизирад сари дурчутти. Гяхлбаркъла баркъудилизир бутлакьяндеи дирутала лугли Дагъистайзибра дусличи дус имцлабикгули саби. «Историяла-культурала букъурдеи» бикгуси нуни бекдеи дируси жамигятла организацияли ил мягичибси баркъуди дурабуркчилис бекдеи дарес чекасили саби. Батирайлис памятник барахъес ну регли 300 азир къуруш кадирхъулра. Дагъистайзибти баркъудила адамтира ил пергер баркъудилизир жигарла бутлакьяндеи дарахъес жибирулра. Гъарил дарган адамли вирар ил баркъудилизир бутлакьяндеи дарес. Ил балбуцлизир школабала бучлантанира, студентунанира, писательтанира, поэтунарира, далайчибанира, цархилван буралли, поэзия дигути лебилра адамтанира бутлакьяндеи дарес бирар. Ил мурадли «Историяла-культурала букъурдеи» бикгуси жамигятла организацияли Дагъистайзибси Россияла Сбербанклизиб абхъибси счетличи арц дархъес бирар. Банкла адрес ишгъуна саби:

Дагестанское отделение Сбербанка России № 8590/054

Г. Махачкала, ул. Магомедтагирова, 39 А\З

Наименование организации:

ДРОО «Историко-культурное наследие»

ИНН /КПП 0571003366/057101001

Расчетный счет: 40703810060320001281

Хазнализи арц цаладиркнеличил ва илди харждирнеличил тяниш-бизс дигути лебтасалра ил барес имканра бирар.

Ну рирхулра хлушала икъайчил ишдус Мяхлячкъалализиб Гямарла Батирайлис памятник тлаибатес ва ил чебаэс бажардидиркнеличи.

Бяхляндова Перзият КЪУРБАНОВНА,

«Дарганти» бикгуси программала бекI,

«Историяла-культурала букъурдеи» ДРОО-ла руководитель.

Тел. 89882923019

г. Махачкала, ул. Радищева, 3
E-mail – ттоisроikот@mail/ru



Сулайбан СтАльский поэзияла бархИи



ПОЭТЛА ГЯХІГЪАБЗА ПОЭЗИЯ

(Сулайбан СтАльский акЛубхІейчирад –150 дус)

Гяжаибли аркюли
Саби къалли иш дунья,
Гьундури хІедалули,
БикЮли саби гьуя.

Щахдеш бирхахюли саб
Халаси хІурматличил,
Къабулли саб хІербиэс
ХІерзибти гІузрумачил.

Мазаличи шурбухюн
Гяжаибли адамти,
Мазагюнти саб илди
Бала дялгес бигюнси.

Хьубзурира бикЮли
Саби хьу хІеделгЮти,
УмцЮлихьар хІебургид
Ванза бацес дигути.

Гъай сецад-дигара лер,
БаркюдикЮн агара,
Гъамадли дирхахюли
Саб къанцІара варъара.

Гябли, миршби дируси
Чезс вирули ахІен.
Шушкни-ханжулти дирес
Кабархибти лебил сен?

Дагъиста дахъал миллатунар халкъли гьар дус майла І8-личиб Дагъиста халкъла поэт Сулайбан СтАльский акЛубси бархИи байрамван дурабуркЮли саби. Гьарли-марли халкъла поэт сайри С. СтАльский: ВагІан дигахъуси, бархъдеш бурес уруххІекЮси, халкъанала гьалмагъдеш черяхІли къиматладируси. Халкъли марварибси ва чевяхІли къиматлаируси поэт сайри ил.

Поэтунира декІар-декІарти бирар. ЦабехІ поэтуни бекІибхІели, илдани делкЮнти назмуртира халкъли хьумуртули дирар, цархІилти поэтуни биалли чула произведениебани бекІаагартти бетарахъу. Сулайбан СтАльскийра бекІаагарттала лугІилизивад ца сай. Илала умути рухІлизир халати гъабзадеш лерти тугъи алкЮтири, илдани адамтала уркІбази гьуни бургусири.

«Гъаибил даршдусла Гомерли» дебали жапати гЪямру деркИиб, къиянти имтихИян дучес чебуркъиб илис гЪямрулизир. Беркес къацІла бутІа баргес ил вецІани дусмазив Дагъиста дурав чаркайКІули калун: Гянжализив батракли калун, Средня Азияла дянг авлахъуначив узи, Сырдарья хІеркІличиб гуми лушули узусири ил. Калун Бакула набтла буругъуначив ялчили узулира. КъацІла бутІа баргес дурала мер-мусаличив чаркайКІули калунси Сулайбан СтІальскийли дахъал чедаиб ва дахъал дагъур. Илини багъур бузерила адамлис чинабалра къиянни биъни. Ялчи адам чинавалра къиян-жапали савцахъили виъни аргъиб. Илала поэзияра илдигъунти къиян-жапализибти адамтала гЪямру чедиахъилис багъишлабарибси саби.

Къиян-жапали ил къухІхІейзахъур, ил зулкукар дунъалис мутІигІхІекІиб. Сунезир халати гъабзадеш лерси адам сайри ил. «Адам сунечивад сай чиналра арукъес вирус ахІен», – тикрарбирусири чевяхІси поэтли. Илала чевяхІси пагъмура бузерилизиб акІубсири. УчІули ахІенри ил гІякъуличи викибси, жапати гЪямрули сайри ил пасихІси ветаахъурси. Халаси пагъму биалли илис тІабигІятли бедилри.

«Поэт мицІирли левалцадхІи лехІкахъили уэс хІейрар. Илала уркІи далайхІебикІахъес селилра хІебирар. Поэт лехІкахъили хІевъар, эгер ил гъарли-марси поэт виалли», – бурусири илини. Сулайбан СтІальскийлис биалли дурести дахъал лерри.

Къиянти диаллира, гЪямру дигуси, адам сайри С. СтІальский. Илини гІяхІ-сира вайсира декІардарес ункъли бали. Халкъла гЪямруличила далайикІусири ил. Илбагъандан сари илала назмурти халкъли къабулдирути ва хъумхІертути.

Пе, илини Совет хІукумат кабизахъурти гІяхІгъубзнас багъишладарибти гІяхІцад одаби делкІун. Ил Совет хІукумат къабулбарибси адам сайри. Амма илала творчество дебали давлачбси саби. ГІяхІцад илала прпроизведениеби нашачи дебали къанни даиб. Ил чевяхІси лирикра сайри, гЪямру черяхІдирули далайикІусири ил. Лер илала произведениебала ургар адаб-хІяяла, философияла темабас багъишладарибтира. Илди дучІухІели багъес вирули сай, секъяйдали пасихІси адам сайрил дубуртазив акІубси ва дахъал мер-муса къьяйцІадарес чебуркъибси ил гІядатла дубурлан адам.

Сулайбан СтІальский Дагъиста советская литературалис хъулчи кабихъиб-тазивад ца сай. Илала творчество сай мицІирли левалли ахъли къиматла-барибсири. Ил поэт ва писатель сайливан жявли машгъуриубсири. Илала произведенияби халаси лугІиличил дурайутири ва халкъли пикриличил дучІутири. Амма илала гЪямрулис гъамадтири викІес хІейрар. Нушала улкала тарихлизирра илдигъунти жапати замунти диубтири, илди Сулайбайчира къячдикунтири. Челукути секІал илала уркІили дебали къиянни къабулди-рутири, ил гІязабтазив вирусири.

Политикала лирикали ил къиянти аги-къяйдализи виркахъусири. Пикрибараягу ца ишгъуна секІал: Совет хІукуматла гъалар халати къулукуни лерси Н. Самурский палакатварес балбизурхІели, С. СтІальскийлизибад ил валтІути назмурти делкІахъес тІалаббириули буили саби. СулайбанкІун илис далай-икІули калунсири. ИлкІун дягІла шинкъан ахІенри, илцад гъамадли сунела пикруми дарсдирес, чила-биалра хъарбаркъуначи пикриагарли лехІихъес.

С. СтІальский гІяхІцад дусмазив Азербайжа гІялим ва литература руркъян ХІ. ХІяжибековличил уржибти бархбасуни дузахъули калунсири. КІелра пагъмукар адам гІяхІти гъалмагъуни бирутири. С. СтІальскийла творчество

руркънилизивра XI. XIяжибеков сабухъчевли узули калунсири. XIяжибековли С. СтАльскийла произведениеби урус мезличи шурдатахъес подстрочникуни дирусири. Илди гъаман кършибиркутири, поэзияла чебкад ихтилатбиклүтири. Илдала гъалмагъдешличила бурусири пагъмукар литература руркъян Н. Капиеванира. С. СтАльскийла гIяхIцад произведениеби Э. Капиевали сарри урус мезличи шурдатурти. ЦархIилван буралли, лебилра улкализид С. СтАльский вагъахъурси Э. Капиевли сайри. XI. XIяжибеков «халкъла душмайзи» халварибхIели, С. СтАльский халаси децIлизи викибсири. ИлкIун вирхули ахIенри, XIяжибеков верша виъниличид. Амма илис кумекбарес цIакъани даргес хIейрулри, илбагъандан дебали къакъаикIулри. Н. Самурский ватIес къабулхIейкибхIели, Сулайбанра вайхIуйзи викибсири. Иличила суненира ункъли балусири.

«Бархъдеш бурахъес валтули ахIен, поэт биалли дархъагарта угъес вирусид ахIен», – викибсири итхIели С. СтАльский.

Сулайбан СтАльскийли сунела гIергъитигъунти назмурти МяхIячкъалализир 1937 ибил дусли ноябрьла 7-личид Ленинна площадьличид делчIунтири. Назмулизид Сулайбан Дагъиста халкълис баркаллаикIулри, сунела асилти дурхIнас бархъси кымат бедес бажардибиркур викибсири. Бахъал адамтачид сабабагарти къиян-жапа дяхIчиабсид Сорокиннира Ломоносовлира иличид гъими чекабуцибсири.

ИтхIели Сулайбан СтАльский СССР-ла Верховный Советла депутатдешлизи кандидатли гъалаихъилри. Амма илис депутат ветаэс къадархIебиуб. Илини чебяхIли кыматлабирути XI. XIяжибеков, М. Далгат, Н. Самурский, К. Мамедбеков ва цархIилти илхIейс туснакъбарилри. Дебали вайсид гъавличил чарухъунсири С. СтАльский итхIели республикала тах шагъарлизивад сунела шилизи. Ил дебали къакъавакIилри. Ил зягIипикиб ва 1937 ибил дусли ноябрьла 23-личид таманкайуб. Халкъла душмантазид халбарибти республикала руководителътачид кършили, илди балтIути назмурти делкIес поэт къабулхIейкиб. Ил сунела адаб-хIяялис марли калун. Сай викибуливан «сунела халкълис марли калун». Сулайбан СтАльский вебIили гIергъид жалладуни Сорокинра Ломоносовра сабид пужбарибтири ва кабушибтири.

Итди дусмазид Э. Капиев С. СтАльскийлис багъишлабарибсид «Поэт» бикIусид жуз лукIули узулри. БелкIид балкъхIеурсид ил жузлизид кабурхусид «XIукмат» бикIусид новеллалис Э. Капиевли эпиграфлис ишдигъунти тугъид чердикIибтири: «Берцудид, берцудид наб! ГъатIира ца гъигъ абатесалра! БебкIализиб бегIлара декIсид – лехIкахъни бургар». Э. Капиевла бекIла чедибра итхIели зак дебали бамкъурлири. Илис Дагъистайзивад арукъес булан чебуркъиб. ГIур дергъ бехIбихъиб, нукъсансид арадешла вегI адам фронтлизид арякъунсири. Илала «Дургъбала очеркунид» ватIа дергъла дусмачила бурути бегIлара цIакъти произведениебазид халдирули сарид ишбархIира лебилра улкализир.

С. СтАльскийла творчество, гъайгъай, ахъли кыматлабарибсири. Ил 1925 ибил дусличивад ДагъЦИК-ла член сайри. 1934 ибил дуслизид илис Дагъиста халкъла поэтла хIурматла у бедибсири. Илини СССР-ла писателътала цаибил съездличид бутIакъяндеш дариб. С. СтАльский акIубсид Ашагъа-СтIалла шид лебсид Къасумкентла районнис илала у бедибсири. Дагъиста писателътала Союзла Правлениела хIукму хIясибли ил акIубсид майла 18 ибил бархIид Дагъиста халкъла поэзияла БархIид сабливан багъахъурсид сабид.

С. СтАльский ишбархIира халкъли чевяхIли кыматлаирули сай.

Драматургия



Къасум-Бег МИГЪРАБОВ

АРКЪУТАЛА КЪЕЛ

(Хъарахъуд)

УХЪНА. Гъм... *(Разихлейубли)*. Ге, ге, гямруличила *(ЛехИдеи)* Гъа!.. Хебалутачила! Гядатли биубли, илкъяйда саби, илкъяйда. Ца секІал хеба-лули виалли, итил иличи ургебли ункъли балули саби. Дила пикрили хІуша писателтира илдигъунти дургудая. Пагъму агаркъи лукІуси, гямрулизив сакІубси, серхурси ургар, сунела балбуц бетерхахъес балуси. Пагъмучевси гъати, ил пагъмули бихуси разидешли ва къабулдешли гямрулизив ан-цукъунси ургар...

ЛИГИМАТ. *(Тамашавиубли вякъизурли)* Балулрив гъанна хІуни бурибси пикри лебгеб тамашала саби. Иличила сенрил ну пикрихІевхъунра. Тамашала пикри саби!.. ХІятта вирхаэсра къиянни саби – ил хІуни бурниличи.

УХЪНА. *(Сунела кроватьличи гъамирар, ита-иша хІеризурли субхІян кисала кабирхъу. Кроватьла дубличи кайрар)*.

ХІу набчи вирхаъни яра вирххеъни се сабив? Лябкъян ит бархІи – *(мурхъси гъигъбуршу)* лебилра бирхарахъуси. Лебилра...

ЛИГИМАТ. ХІу се бархІиличила сайрив? БебкІаличила ахІенрив?

УХЪНА. *(Харчли алзан. ЛигІматличи вайтІа хІерилзан)* АхІе... а... ахІенра!.. *(хъехІ-хъехІулхъан. СалкІан)* АхІенра...

ЛИГИМАТ. ГІур, се бархІиличиларив...

УХЪНА. Къиямала бархІиличила сайра ну викІуси. Гъарилли барибси гІяхІра вайра умцантачир дитІикІуси бархІиличила.

ЛИГИМАТ. Нунира Къуръанна жуз белчІунси саби. ЛергІер мурхъти сураби лер илар. Илди поэзияла сураби сари. Илар лер Маккала, Идбагла.

(Селра хІебакъибсиван) Къиямала бархІиличила белкІи саби илизи. Амма цархІил белкІлизиб, гъарил гъигълизиб аргъесли саби – Къуръанна жуз беб-кІаличила мурталра хъумхІертахъес, гъарил инсан иш дунъяличивад аркъуси виъни багъахъес белчІунси биъни. *(ЛехИдеи)* БебкІаличила пикрихІейкІу-сикІун, се-дигара барес гІелумхІелзан... Иличила хъумуртуси гъунар барес гъуцІхІейкІар. Адамла у ахъбируси гъунар барес.

УХЪНА. Се сари, хЕла бекИличира, хЛуни дурути? БекИа... гьунар... Кьуръан! Сен илди дирхахъулрив? ХЛу... хЛу... бекИлил урухКули ахЕнри бунагълизивад... илкъяйда асухЕбитар Кьуръайчила гъайикЕс.

ЛИГИМАТ. Нуни, дила пикрили, иличила селра вайси хЕбурра. Рахли бураслира, илизибад барсбируси селра агара. СенахЕнну, лебилра дунъяла халкъли балули саби ил лебГЕб чебяхИси ва дурхъаси жуз биъни. Динна адам-лис биалли лебГЕб дурхъаси (*ЛехИдеи*) Бунагъличила викIадли, наб хЕзи хъарбаэс дигулра: се сабивбунагъ? Ил цаибил суал саби. КИибилра: хЕла пикрили, чис биусив ил бунагъ? Се барибсилис?

УХЪНА. (*Разиагарли*) Ил Аллагъли бала! Чис сабил биуси ва се багъандан... (*Хапли цухилзан. Журугирар, кроватьличивад каркур*).

ЛИГИМАТ. (*Къалабали иличи салхъан, ахъуцес валилзан, хЕйубхЕлиун-заличивяхI дуцIулхъан. Илди абхъили ахъли тIамадиру*) – Сестра! Тухтур! Къалабадикирая палатализи! Ишис вайтIа саби...

Палатализи тухтурра сестрара абицIур. Ухъна ахъурцу, кроватьличи каркъу, тухтурли хИла тимхъ умцу. Сестрази се сабил или, къалабали дураулхъан. Ца камси замана дикибхЕли чаррулхъан тухтурла гIягИниахълумачил. КЕлра бархили ухъна аргъалаличи левку. ЛигИмат илдачи кахли, къакъавакИли хЕрикIар. Абхъибти ухънала хЛулби чедаили илини паргъатиънила мурхъси гъигъбалта, кроватьличи ватирхъур.

ТУХТУР. (*ЛигИматличивяхI ласяхъили*) Секъяйда бетаура? ХЛуша жалдикIадав?

ЛИГИМАТ. Кьуръайчила ихтилатдикIулри... жал-декIар дикIули ахЕнри, хапли ил вархиб... гIур... (*хъехIбуришу*) кайкиб...

ТУХТУР. ХIябилра тамашала зягИпти къаршидиубра къалли хЛуша набчи... даим жалдикIулрая, даим! ЖалхЕдикIули диадалра хЛушала арадешлис диргалабулхъуси темаличилаихтилатдикIулрая. НуникIун хЛушази чуйнарабурира, хЛушаб дачадархес асухЕбитарну, паргъатли дуэная или. (*Алзан*) Се бируси хЛушаб? ДекIарти палатабази кадаркъадалли хЕбалас хЛуша.

ЛИГИМАТ. Вирхаи, тухтур, селра дачадархеси бетхЕур . Нуша-ургабси даршуси ихтилат сабри.

ТУХТУР. (*ДукарирхIур*) Тамашала адам леври къалли хЛу, масхурта угъуси. Даршули гъайбикIути адамти яргали къагъдеш дашули бирутив? Кьуръан биалли, бекИлил жалдикIеси жуз ахЕн. Даршудируси саби. (*ЛехИдеи*) Гьу, гIяхИси. (*Ухъначи ласирхъур. Илала хЛулби хIясибдиру. Сестрази се-сабилили, дураулхъан. Илис гЕларад сестрара аркъян, къумурличил чарриубли ухънас уколбиру. ЛигИматличира хЕрризурли, илизира иргъахъу, укол барес замана баъни. Илсера укол барили аркъян. Ил замана ХIява рухIнарулхъан. Кабихъунти КЕлра зягИптаци хЕрризурлирочарирхур, васвасрухъи ита-иша гъачам гъатIи хЕррилзан ЛигИматличи ретухъи симкърулхъан. ЛигИмат алзан.*)

ЛИГИМАТ. Ну хЕчи даршал дус хЕрли калунра, ХIява? Даршал. (*Ухъначи хЕрилзан. Ил кайхъи левал*). – Чум? – Даршал (*гъинчIрилзан*).

ХIЯВА. – Чум?

ЛИГИМАТ. Даршал (*ГъинчIилзан*).

ХIЯВА. Нура гьуцIрикIулри хЕчи ракЕс, ца жумягIялра акъуратаба или тиладибарра, разихЕйкиб режиссер. (*ЛехИдеи*) РазихЕйкалра авара агара, ца жумягI ишар руус ну. АсухЕбирусив наб-декIар...

ЛИГИМАТ. ЦарХил актрисара хер ил роль бузахъеси. Дигра дигули сари. Режиссерличи ралли гымруклибсигъуна сари сунес хЛебедили или.

ЛИГИМАТ. ХЕдра дигахъусиригу ил роль, хатІахІеркули виасли, илгъуна роль – хЕла гІямрула хъул сабригу.

ХІЯВА. ИтхЕли сабри. Амма гъанна аргъира, илизир нуни ну таманай гъарграрес хЕрирни. Ил хъунул адамла тІабигІят набчи балбикили ахЕн. дила, бархъли бурасли, уркІи-уркІилабад иличи уркІи кабизурлира ахЕн.

ЛИГИМАТ. ХІява?! Нуни хЕла иргъули ахЕнра. ХІуни ахЕнрив, гъари, ил роль багъандан пьеса нушала мезличи шурбатахъурси? Рирхаи набчи нуни ил шурбатурси хІу багъандан сабри. Наб ил бекІлил гІяхІхЕбилзан... ЛебГлеб кункли белкІунсигъуна саби ил, къиян агарли. КИибилгъуна, Тереза, гъарли-марси ахЕн, ил къалип сари. Нура хЕйраси илгъуначил хЕриэс...

ХІЯВА. *(Разили)* Иличила хІуни набзи гъанна ахІи хЕбурри. Иличи ургЕбли, хІу иличила левГлев чихъли гъайухъунри, гъар-секІал тІинтІли гъаргдарили.

ЛИГИМАТ. ХЕд ил итхЕли гІяхІрилзулри...

ХІЯВА. Балулрив, ЛигІмат, ну илизирад урухкІулра.

ЛИГИМАТ. ХІу? Сен?

ХІЯВА. Мурул гІярличивад чарухъи, дабри чердалтуси мер лебгу?.. Тереза иличи хЕррикІули тІашризурхЕли?...

ЛИГИМАТ. Гъу...

ХІЯВА. ИлхЕли ил пикрумазир сари ва илала хІулбазир нургъби дгъардирули сари. Дила илди дагъардирули ахЕн. ИтхЕли дирулри, гъанна ахЕн. СенахЕнну, илала гъурумІузли дашути пикруми-ургаб лямцІванбухъи царХил пикрира бетахъили саби. Ит пикри...

ЛИГИМАТ. Се пикри?

ХІЯВА. *(Къалабали ЛигІматличи ласряхъили)* Се пикри? Се пикрикІун ишгъуна... «ХІу гІярличивад чарухъири, чарухъири гъачам гъатІи шалГлеб-батурли ца гъатІи бархІи хЕла гъабзадешла хІял умцІес багъандан, дила диги хЕчи хІярхІхЕдияхъес багъандан... ХЕд гІягІниси хЕла гъабзадешла хІял умцІес саби, цараван хЕйрусиван вегІ дунъяличив левнила бекІси мурад адамтази чебаахъес...» Илкъяйда пикрирухъи сари ил, амма ретухъи илала лажиличирти хІи душкили сари. Иргъулрив, ЛигІмат?

ЛИГИМАТ. ИлкІун илкъяйда...

ХІЯВА. Балулра. Амма илкъяйда пикрирухъес гІягІнили сари ил... гІягІнили ахЕнну, пикрирухъи сари. СенахЕнну, уркІила бухІнаб илала дигІянаси хъул леб, мурт биалра гІярличивад чархЕлхъниличи...ва ишаб аргъесли саби, сунес ил дигниличи ташмишрикІули риъни.

ЛИГИМАТ. Се?! Се сари хІуни дурути? Се багъандан риубрив хІуни илгъуна пикри акІахъес? Авторла илгъуна пикри агара къалли.

ХІЯВА. Бургар. Амма Тереза илкъяйда пикририкІниличи ну рирхулра.

ЛИГИМАТ. Нуни гъар секІал аргъилра. ХІу режиссерличи гымрукІилри. Асубирар, хІу иличил жалрухъи, сцена бархъбатурли аррякъи риэсра.

ХІЯВА. ХІу хатІахЕйкири, ЛигІмат. Тяп илкъяйда бетра бетаур. Нуни царХил сабаб хЕбаргира ил рольлизирад азадрухъес. Дигули ахЕнра. ГІягІнилив, се гъалабихъалра, къабулрирес? *(ЛигІматличи ласрирхъур)*.

ЛИГИМАТ. Ил левГлев пагъмучевси режиссер сай, ХІява, ил хІунира балулри. Пагъму биалли мутІигІхЕбикІур гІядатунас, къадагъунас, законтас...

ХІЯВА. Юх юх! Ну иличи лехІхІейхъус. СенахІенну, илала методуни наб гІяхІдилзули ахІен. Илис дигули сай нуша цархІилван пикридикІахъес.

ЛИГИМАТ. ХІедра ил ахІенрив дигуси? Аги-къяйда дарсдиубли? Актерти цараван пикрибикІули?

ХІЯВА. Сабри. Амма, илис дигусиван ахІенри.

ЛИГИМАТ. Гъу, гІяхІси, гІяхІси... ЧІянкІли рачарархес гІягІнили ахІен. Бара гъалавван арякьи сай нушала тухтур, гІур бекІлил жалхІедухъахъес-нушаб буйрухъбарили. ДачахІедархахъес... Аргъирив? (*ДукарирхІур*) Ишар законтИ декІарти сари.

ХІЯВА. (*Паиманни иличи хІеррилзан*) Чевверхи, ЛигІмат, набчивад... МехІурта ругъулра... хІебалулра наб се бетаурсил. Мурталра къакъалира... селичи саррал хІерлира, къакъали-урухкІули. (*ЛехІдеи*) Се сарив гъари нуни дурутиялра? (*Пялхъярбарили бекІ чурма дяхІ кланІдиру, гъакІбарили бекІли къакъиличи иргъу. Ретухъи, барх хибси сумкалабад хъаба дурайсу*).

Се сабил балулрив ишабси?

ЛИГИМАТ. ХІебалулра.

ХІЯВА. Варъа саби. Сулайбан-азини хІед бархъибси саби. Сай вакІес хІейрулри... ГІяйиб хІебарахъес буриб...

ЛИГИМАТ. Се гІяйиб бируси?!

ХІЯВА. ВакІес хІядуриублири, асили варъа... Уршиличибад кагъар бакІили, ила арякъун...

ЛИГИМАТ. Се барили?

ХІЯВА. ХІебалас, валлагъ, илини аргъесли хІебуриб. Дила пикрили илала урши больницализив сай. Чинаб къуллукъ бирулрив илини?

ЛИГИМАТ. Афгайзиб сабри.

ХІЯВА. Афгай... ХІебиалли ил вяхъили... (*ЛехІдеи*) Варъа биалли дубурла вавнала саби, вики.

ЛИГИМАТ. (*Аргъибси хабарла асарлиув левал*). Варъа... варъа... Муртрил илизи хабар бурибсири нуни Аристотельтачила. ДекІли зягІипикили уили сай ил, Грециялизир Олимпиадала хІязани детурхуси манзил. ЧевяхІси философ вебкІили виалри илди гІелайзи архутири, илбагъандан илини тиладибурулри варъала хъаба хахъес. Изала цІакъбиубхІели, илини варъа сунтІбирули уили сай ва бекІла гъарахъбирули сай. ХІязани тамандиубхІели, илини арбухахъили сай варъа ва... (*ЛехІдеи*).

ХІЯВА. Илбагъандан биалли иш бархъибси, наб ил масхара гІяхІбилзули ахІен... Ну рирхулра хІу декІли зягІипли хІейъниличи. Рирхулра. Гъар-се секІал ункъли дирар. Гъамли аркъехІе рузикъарличи...—

ЛИГИМАТ. Сулабан, ХІява, пергер адам сай. ЛевгІев пергер. Сецад къутІкъуси биалра, бархъдеш дигахъу. Саркъибси хІер саби илала гІямруличи. Мурталра бузерилизив вирар. ЛугІи багъес хІейрар илини ши-алав удатурти цІедешла галга. Ил дубуртачир чІакни къадубази гъадяхъили илдачи адам чевяхІухъни байрамличи шурбалтутазивад ахІен. Нуни валхІелас гІур адам, дудешунани датурти гІядатуни илиниван дузахъуси... ХІелас. Сепайда, илала имкан хІебакІиб узес... Сунела хъулани дартаахъес...

ХІЯВА. ХІу варсиубри, ЛигІмат, иличила гъанбушибхІели.

ЛИГИМАТ. ХІейубра, ХІява, хІейубра. Ца ити гІама барсбиуб. Илдигъунти адамтачила гъайикІухІели, ну пахручевирулра, къакъарлаб гІянд барцбир-кур...

(Ил замана ухъна илдачивяхІ багълали ласирхъур, гІяши-гІяшили цІумъили гІурра вал-валиубли, мурхъси гъигъбуришу.

ЛигІматра ХІявара иличи хІербилзан. ХІява аррукъес ралрилзан. ЛигІматли тІаишу).

ХІява, иш кагъар каса. *(тупбочкала яциклябад дурайсу).* ХІербара.

ХІЯВА, *(Кагъар кайсу. ХІербиру, уркІрухъи иличи вякърилзан).* Се?! Веб-кІибхІелицун.. гъарг... се сабив хІуни бируси? Гъа?!...

ЛИГИМАТ. БетхІеалли гъатІира гІяхІси саби. илала заралра агара! (ХъехІулхъан). Ил дила васият саби, ХІява. ХІуникІун балулрихІечив гъамси дила...

ХІЯВА. Урши гъачамалра гъавхІекІибу?

ЛИГИМАТ. *(Ухъначи хІеръили).* Замана хІебакІиб бургар *(ухъна иличихІерилзан, шипІургІур).*

ЛехІахъи гІурра бурсиличи. Жузлис лябкъуси гонорар, ХІява, дургъбазиб алхунти гъубзнас памятник барахъес лугулра. Ил секІал хІуни бара. Пусмайкумекбиру. Илини дедлугути арцлис, сунес дигуси бара или буриб а илизи. Илини бала... бареси.

ХІЯВА. ХІуни ну бекІлил ахІерахІериулра, ЛигІмат, бекІлил. Ну хІечи ракІилра бамсриахъес, дила хІялани ва гъуцІани лядварахъили паргъатриес, хІедра кумекбарес... хІу виадли...

ЛИГИМАТ. Селра агара, ХІява, кахси яра урухиэси, гІямру – гІямру сари... Чиллра хІебала се бетарарал жагІял... царахІел...

ХІЯВА. Юх, нуни селра иргъули ахІенра, хІела гъайлизибад, селра, *(симкърулхъан)* ХІу мурталра бекІаличила гъайикІулри. Сен?! Илизивад хІу бекІлил уруххІекІули виадра, илцад зумали гъанбуршуси хІебидаргу иличила.

ЛИГИМАТ. Черрерхи, ХІява. Наб дигуси ахІенри хІу рачарархахъес, се бирув?.. Гъанна биалли рукъен, бархІехъла автобусличир... хъули...

ХІЯВА. Наб хІейгулра...

ЛИГИМАТ. Нуни хІези тиладибирулра... ил роль хІела саби.

ЛехІдеш

Цаличи ца илди хІербилзан. ГІяхІцадхІи хІербикІули кали, ХІява дура-рулхъан. ЛигІмат улкъайличи гъамиарар. Илабад илини ХІявас някъ гъакІибуру. Иличи хІерикІуси ухъна уркІухъунсигъуна сай. ЛигІмат, чарухъи, уталичи кайрар, лукІес даимиарар.)

УХЪНА. ХІуни ил иличи рархъири.

ЛИГИМАТ. *(Къалабали ласирхъур)* Чичи?

УХЪНА. Их, сунес гІяхІилзули ахІен рикІусиличи.

ЛИГИМАТ. *(ЛехІдеш)* ХІуни сели балулри?..

УХЪНА. Ну хъяша ахІенра. *(ЛехІдеш)* Иш гъакІлисра гъархІебизур хІела. ХІебалас чи гІяйиблавирулрил хІуни иш гъакІлис?

ЛИГИМАТ. ХІу селичила сайри?

УХЪНА. *(гъинчІилзан)* ХІуни балулри ну селичила гъайикІулрал. Иш гъакІлис хІечирад хъунул аркънилис чи сая гІяйибла вегІ? ИлкІун их режиссерличи аркъян, хІуни ил секІал аргъири гІяхІил.

ЛИГИМАТ. *(ЛехІдеш)* ХІергъира.

УХЪНА. Аргъири. Сен къяна бурулри? ХІедкІун бархъдеш дигахъид? Сен лехІкайхъулри? СенахІенну, хІура мегъла ахІенри. ХІура диълизивадра

хИлизивадра сайри. ГЯярличивад гъачам чархЕлхъан ибси хьул чила хьул саби?.. Гъа? (ДукаркIар).

ЛИГИМАТ. Дила пикрили, хIу чеэсван вайси адам ахIенри... Гъм... (гъакI-бариле някъ, къутIкъули гъинчIилзан) иличила хIези нуни итхIелира чуйнара бурира. Рахли гIердирули хIейадли хIуни?.. (ЛехIдеш) Лерил гIямру-декIар гIердирули деркIес виару? Юх... хIейар...

УХЪНА. Гъм... Гъайгъайра, хIейар. Лерилра гIямрулизив артистван хIериэс гъамадли ахIен. ХIела артисткас жагадилзути гIямру сунени сари рургуси сцена ахIен. Илди... (хъехIикIули) Илди гъаза сари... гъаза... ГIямру – гIяр сари. Вирулрив – верци, хIейрулрив? Гъи... гъи... мутIигIвакIи... юргъли урчи аркутачи гIелавад хIерикIули уэн... Гъанна сен хIеризуррил их дурарухъунси артисткас гIелавад – илкъяйда... Ара-сагъли виадри къалли, илини хIу вархъхIелтади... хIезибад пайда биалри...

ЛИГИМАТ. ХIу хатIаиркулри, уртахъ... сенахIенну, хIела хIулбани чеби-уси авидла дурабра дунъя лебни багъес хIейгулри хIед. Даим хIечилцунри пикриикIуси. Журугиубли, къуризулри... Гъуйчиб гIябул баргадра, урчи-личивад кацIили, кайсули... Иш дунъя хIуни гъалагбариле, журугбариле, хIечи мешубикахъилри, гIямзурбарбариле. Гъар гIямзилав хIуни чейуси арц дуйгIуси сай. Адамла хьуланачила, илала дурхъадешличила хIед авара агара. СенахIенну, хIуни жявлил хъумартурлири хIура лигалара диълара виъни... шурухъири арцличи... мегъличи... илдала зангъ-зййличи шурухъири хIу. ХIуни гъамадли ирид наб адамти дигахъис или... Лебилра инсаниятличи уркIи рурцIули саби дила... или. Амма илди дигули ахIен хIуни или ируси, ахIен, сенахIенну хIу хIела унрачил, гъамси адамличилван даршули хIериэс хIейруд!.. Унра дигахъес вии хIу...

УХЪНА. ХIебиалли хIуни баркалла сархид, дургъбазиб алхунтас памятник катIадли шила дайла... Цаибилгъуна, ил хIези кахIелтIахъа пачалихъли, ил илала къуллукъ сабину, кIиибилгъуна, ил балбуц хIела бегIла гIергъиси симкъ саби, симкъ... умут бердибсила. ХIу мутIигIикIули хIейадра, нуни аргъилра, хIу адамтачи разиагарли виъни. Илдазибад умут бердни. ХIуни, белики, лерил гIямру сеналичибси хIязлизи дуйгIули виэсра асубиар...

ЛИГИМАТ. ГъайикIен, гъайикIен... ну хIядурлира хIечи лехIахъес.

УХЪНА. ГIур буресиара агара хIези... Амма леб... ХIед гъунчирти лагъни далхес кали саби. Гъи... гъи... Режиссерличил рарх хIянчиличи аркъуси артистка хIечи хIеррикIухIели, иргъид ну вархъли виъни. Лебил дунъя бузахъуси цIакътали саби!.. цIакътали!.. ХIуни ил гъаннаялра багъуррив?..

ЛИГИМАТ. ХIебагъурра нуни ил, хIебагъурра. Дунъя бузахъуси ва хIербируси адамдешли ва жагадешли саби. (ЛехIдеш) Лагънала хIекълизиб биалли хIед нуни ца секIал бурис: ну урухкIули ахIенра илгъуна суратлизивад. УрухкIули ахIенра... ДугIла хьул саби. ХIява дила гъалар умули сари. (ЛехIдеш) Я сегъуналра чебла агара илала...

УХЪНА. (ГIяшли хъинтIбирхъу) Чебла агара викулрив?.. Се бирехIе гъатIи ишгъуна пикриличил... (ЛехIдеш) Ил аргъира нуни баягъи ит писательлизибад... Илини иб: «Эгер адамти цала ца чеблалиуб биалли, илди кIел гIяшикъ саби». (ЛехIдеш). ГIе илкъяйда иб илини. ХIура илдала тайпализивад ургуд...

ЛИГИМАТ. АхIенра ну илдала тайпализивад. Гъар масъалала чебкIад гъарилла сай вегIси пикри лебси саби. Ну иличил къабулли ахIенра. Гъайгъайра, гIяшикътала, цалис ца дигутала ургабси чебла – цалис ца марли биъни саби...

УХЪНА. Набра ил сабри хЕзибад аргъес дигуси. ХЕла ХЕявани хУу гъамли вархъвалтниличи хУу вирхулрив?

ЛИГИМАТ. АхЕнра. (ЛехИдеш). УргЕбли бетаэсгу или урухКулра... Наб гЯдабли саби дигуси хъунул адамличи илдигъунти, гъаахили бетХеурси баркъуди бурути гъайла аргъес. Амма, царХил секЛалра балули, хЕчи челхули ва умудеш датахъес хЕзибад жаваб битГикЮли аХенра, сенаХенну гъарилли иргъуси дунъя ва къабулбуриси сунела гЯкълуличи ва хуланас хасбарили аХен... (ЛехИдеш) Амма хУни... дила пикрили, хЕла мякъларси чуйнара гымра рукАхъили, рисира риахъубри... ТалихЛичила хЕла пикри декЛарси саби. Гъанна чум барХи дархишар ца палатализирра нуша, гъачамалра я хЕла гЯмрула рархкъя, я... (хъухИбуршу) я Гаус иша атХебаЦиб.

УХЪНА. Се лебсив ишаб илдала? Наб ишкъяйдара вайГа аХен. Илди нуни хЕбашахъути саби. Нуни. Ишгъуна манзил иша вашуси аХенну, узуси сай...

ЛИГИМАТ. Юх, илкъяйда аХен... ХЕд хЕйгуси –ну чеахъес саби...

УХЪНА. ХУу?! (ахъли дукарирхУр) ХУу чеахъес сен урухКусира ну? Гъа? Илдас селис гЯгИнисире хУу? ХЕлара илдалара ургаб се лебси? (ЛевГев вачавархили кайрар) ХУу чи сайри? Чи? ХУуни, дила пикрили, дахъал хЕчи чейсулри... Чисалра гЯхИдеш барес хЕйубси хЕд гъанХебиркуси агара

ЛИГИМАТ. Чевверхи, хЕд диЦагили биалли. Наб дигуси аХенри ил секЛал барес. (Ил замана палатализе КИаламшат ариЦур. Ил лергГер рачарархили сари. Гъачам ЛигИматличи, гъачам ухъначи хЕррикЮли ил палатала дайлар тЛашрилзан, бурхани бекИ ахъбуцили шайчибад шайчи багълали ил гъакИбрули дадкарилзан).

КИЛАМШАТ. Ну раКилра хЕзи бурес... Тамашала хабар бурес. (сунела узичи хЕррилзан, гУрра бурхани ласрирхъур) ЛебГЕб тамашала... Ил вархъиб ита... духуварес вархъиб... (някъби гъаладурцу) хЕла рузила рурсила мурул. ХУу къабулХейкири кумекбарес... Нуни лебГЕб убяхИси баркъуди барра раКили хЕзи тиладирухъи, балукъи пайда хЕбирни. Ца гЯхИдеш хУуни хЕбарни... ца гЯхИдеш. Шел дус кадикур, сен кадикалра. Умулиялра чарулхъан. Амма хЕла!.. ХЕла замана агара умувиз! Агара! ХЕла някъби хИлира дясунтигъунти сари. (Иличи ретулхъан) ХЕризид илдачи! ХЕризид! Илди хИли дясид сари! ХИли! Гъуя, дясид къалли! (Ухъна, някъбачи хЕрикЮли, алзан, гУр рузила ряхИлизи бирхъу).

УХЪНА. Агъ, хУу хИли релкъи ребК! Се сари хУуни дурути!

КИЛАМШАТ. (Къардрулхъан. ДуцЛи чеветаибси ЛигИматликаХерикахъес рурцу) Бяхъя! Бяхъя! Ил ца гъатИ лишан саби хУу умули хЕйънила. ХУуни се барадлира, дила пикри барсХебирид! ХЕбирид! Дила мурул кавшибси хУу сайри! ХУу!

УХЪНА. Ил мухИли нуни хЕзи бурцахъис, харабат! (Челхъан. ЛигИматли урцу) ХЕд се дигулрив, шаддикъ! Ветахъи гъалавад!..

(КИаламшат унзала гъалар тЛашрилзан. Дурарухъес унза гъаргдиру).

КИЛАМШАТ. Селра хЕбирар! Селра! ИКди лерилра урми дейГес вирусид аХен.

(Аркъян. Ухънани ЛигИмат къужуру, ил каркур).

ЛИГИМАТ. (КайкибихИвад иличи хЕрикЮли, малХямли) Киласала яра мижитла бурхала чедиб лебси саби мургалра шала чехЕйгуси баЦдеш... къуббалара бурхалара ургаб. Ил, балулрив сен барибсил?.. Гъи... гъи... Ил

адамлис къадагъалати дарес асухлебирути, гъаргдарес асухлебирути дурхъати дигъандешлуми иргъахъули, илдаци цугбуцили барибси лишан саби. Ила ацлес асубируси ахлен. (Алзан. ПяхI-пяхIдарили палтар иличибад хIерра чебхIейсу)

ХIу ила кацIилри, чедибад тIярхъибатурли.

(Се ирусил хIебалули ухъна иличи хIерикIули сай. ЛигIмат ветухъи тум-бочкаличи, таблеткаби кайсу, дубша лайдакIили, шин дужа.)

Сцена билшан

ШУИБИЛ СУРАТ

Палата. Ухъна кайхъи бурхани хIерикIули сай. ЛигIматла кровать жагали балкъаахъурли саби. Илала тумбочкаличи кадихъили вавни сари. Илди хъабалар ахлен, тIинтIли чеди кадихъили сари. Палатализиб пашмандеш гъанарахъуси лехIдеш саби. Ухъна децIли уцибигъуна сай. Мурхъси гъигъбуршули, гъачам ита, гъачам иша ласулхъули, ил пикрумазив сай. ЦацахIели илини се-сабил шивкIивбалтули сай, амма илала мягIни аргъес вирули ахлен.

Палатализи ТIаус айцIули сай. Унзала гъалав гIяхIцадхIи тIашли кали, ЛигIматла кроватьличи гъамирули сай. ХIерикIули тумбочкаличирти вавначи гIяхIцадхIи, гIур ухъначи ласирхъули сай. Илала дяхIличиб децI саби, хIулби нургъбали дицIили сари. Ухъна иличи урехиличил хIерикIули сай:

ТIАУС. Арякъун... Арякъун наб жан гибси адам... Нуни виасли... ну виасли ил хIяриихъесалра хIявкъунра.

(ЛехIдеш)

Ну хIушани виргIявиргули калира. ХIушани.

УХЪНА. ХIела гъай селичила сари? Нуни иргъули ахленра.

ТIАУС. Дила гъай?

УХЪНА. ХIу чили сайри виргIяиргуси?

ТIАУС. ХIуни. Нешли. (ЛехIдеш) ХIуша кIилинра виргIяиргули калира.

УХЪНА. ХIези чи сайри или викIуси?(Кайрар)

ТIАУС. Се декIардеша? ХIед ил хабарагардеш ахленгу, сабив?

УХЪНА. Нуни балули ахленра хIела гъай селичила сарил. Балули ахленра. Селис виргIяиргусири хIу нуни? ХIу нуни валхулри, виргIяиргули ахленрину.

ТIАУС. Ге, ге, сайри. Амма нуни хIед ну валхнилис багъа лугусири.

УХЪНА. Багъа?! Се?!

ТIАУС. Ге, багъа...

УХЪНА. Гъм... Сецад гирив гъатIи хIуни ил наб?

ТIАУС. Юх, арц ахленри. (Шайчи)Я Аллагъ...Ишала гъай мурталра арц-личила сари.

УХЪНА. ГIур?

ТIАУС. Гъими сарри, гъими.

УХЪНА. МехIурга мавгъудну, хIела аги сен сабил бура?

ТIАУС. Юх, илкъяйда балхIебиркур. Иш гъакIлис ну хIуни виргIяхIергура. Нуни гъар секIал далулра. Ну гъимили виркъуси дила дудешличи сайри, дудешличи, сенахIенну хIушани илди дила рухIлизикартIирая. Назикти рухIлизи. Ил гIямрула декIарси шали саби, декIарси гIилму.

УХЪНА. Се мурадли ил бирусирил нушази хIебуриду, гъи...гъи...

ТIАУС. Бурис. ХIед ил мурталра хIейгни багъандан. Ил хIела рухIла душман виъни багъандан. Даим хIечибад чедибдеш сархуси...

ХIела макру чедидикили, илис децIагиб, лебIеб мурхъли децIагиб. Ил секIал нешли сабри бурибси, масла жиличи лехIлехъес хIериубли...

УХЪНА. ХIези чи сайри или викIуси? Неш саррив?

ТIАУС. Ге, сарри, неш сарри.

УХЪНА. (Алзан) Агъ, къурумсакъ хѣррикѣаб се бирисал!..

ТѢАУС. Селра хѣбирид! Ца тѢулалра къячхѣйид.

УХЪНА. (Иличи ласяхъили гъинчѢилзан) Ил хѣла къуллукъ ахѣн! Аргъ-ирив? Хѣзи нуни хъархѣбиис.

ТѢАУС. Хѣрагу хѣла сегъунти диги дуилил набчи... нешличи. Ца бара бархъдеш бурес вализурхѣели, бусагѢят урхѢ ветаурра.

УХЪНА. МухѢли буцану, вашен ишавад.

ТѢАУС. (Иличи хѣерикѢули гѢелумли вашули дудешла тумбочкала мякъла ветиур, вавначи хѣер чарбалта) Ну арукъес вакѢибси ахѣнра. Хѣзи дурести лерли вакѢибсира.

УХЪНА. ГѢурра кусок гѢягѢнибикилив?

ТѢАУС. Илди наб гъанна гъарли-марли хѢяжатдирки, амма...

УХЪНА. (Кисалабад субхѢян дурайсу). Хѣла чедибдеш сархуси дудешлизи диха а, илала батурси аманатлизиб рахли хѣдра бутѢа бургар аманатбарили. Илала ригнабани селра хѣеибу хѣзи?

ТѢАУС. Ригнабани хѣеиб, илала рархкъяли иб.

УХЪНА. Чили? Чили?!

ТѢАУС. Рархкъяли. ГѢямрула рархкъяли.

УХЪНА. Агъа. Рархкъяли... гъи... гъи... гъи.

ТѢАУС. ХѢу дугѢли дукаркѢулри, дудеш. ДугѢли. (Кисалабад кагъардурайсу). ЛехѢахъи ишичи(Кагъарличи тѢул къутѢбирули учѢес вехирхъур). АхѢерси урши, мурталраван ахѢи ишбархѢи дигулра наб жагати, малхѢямти, тѢяп нешла бисуси уркѢи паргъатбарестигъунти дугъби дурес. СенахѢенну дила уркѢили гѢеббурули саби ишди дугъби, хѣзи нуни бегѢла гѢергъи дурни. БегѢла гѢергъи. ПикриикѢасли ил девличила уркѢи бацѢбиубливан билзули саби, амма урухкѢули ахѢнра, хѢебалас сен уруххѢекѢулрал. ДекѢли саби арукъес, вегѢла урши цархѢилличи дудеш или дугъаилзни уркѢили баллули. ДекѢли саби...

Къасум-Бег МИГЪРАБОВ. Пъесала ахир

(ХѢулби ахъдуцили ухъначи хѢерилзан) ГъатѢира набзи нуни се багъандан или хъарбаасли селра эс вирули ахѢнра, сенахѢенну дила гѢяйиб хѢела нешлис дигусиван ну хѢерхѢейъни, ну бегѢла хѢейгуси адам хѢед дудеш ветаъни саби. Нуни балулра ил хѢела нешли наб чеббицѢни. Селис? Се багъандан? ГѢяйибла вегѢрав гъатѢи ну илала гъалав? ХъарикѢули калунра набзи ну... ГѢурра се ирусил балули ахѢнра, сенахѢенну нуни итира балулра хѢейъни. ГѢур чис якъинбирусив? Чис? ХѢед лехѢахъесра хѢейгули виадли. ХѢела нешли пикрибарибси бетаур. Илини наб чеббицѢиб, сунела хѢулбазивад ну дунъяличи хѢерикѢес разихѢейкни багъандан. Юх, ну цѢумикѢули ахѢнра къисматла гъалав – ахѢнра. УркѢиличи лехѢихъули хѢериубра или гъанбиркули саби – сен цѢумикѢусира?

ЧѢянкѢли, (чевверхи кѢийна тикрарбирули или.) декѢли саби хѢед урхѢи ветаъни багъандан, хѢу аргъалачеввиубла, дудеш или гъачамалра дугъахѢейзни багъандан. Биубси биуб, чарбарес вируси агара, илбагъандан иличила гъайикѢнилизивад гѢяхѢдеш агара, чѢянкѢли наб дигулра хѢуни иличила багъалра багъурли. Эгер хѢела пикри набчи барсбиубли, мурт-биалра дудеш эс хъулухъадли, ца иш секѢал бара: Сулайбан азичи лехѢихъен. Ил хѢялалси адам сай. Ца чумал хъарбаркъ лер иличи хъардарили, иличил варх хѢунира илди тамандиахъес бутѢавии.

ХІявачила вайтІа пикримајкІуд. Ил пергер хъунул адамли, бегІла наб кЪиянси замана, верцахъира ну – уркІагариубли левгІев уркІагариубхІели. ХІед ил се аги сабил багъес гъанна гъамадли ахІен, багъес къадарбиублира дигули ахІенра.

Гъу, урши, гІяхІли кален.

(ДекІси лехІдеш чебилхъан. ТІаусла някъ руржули саби. Ухънала дяхІличиб гъинчІ багъарбирар?)

ТІАУС. ХІу разисигъунаригу? Кагъарли разиваррив?

УХЪНА. Ге сайра. (Алзан) Ил бекІлил мутІигІвакІибси ахІенри ну чеди-икниличи... ХІера гъанна гъар секІал якъиндиуб, къанни биалра. Гъамадалра биуб нааб...

ТІАУС. Ну хІечи варсиэс асубирнила хІед авара агарав?

УХЪНА. ХІу?! ХІя... хІя... хІя! ХІу! ХІя-хІя-хІя!

(иличи бяхІчишу тІул)

ХІу цархІил ветатурли хІейадли рахли!.. РухІли хунжи дицІили!

ТІАУС. Ге, дила пикрили, замана баили саби илдази арц ахІенсира ка-бихъес.

УХЪНА. Наб илдира декІли ахІен. Илдада декІдеш хІедра лебгІеб дигахъ-уси саби, урши. МехІурта хІевгъули хІулби таманни гъаргдара. ВиргІямайруд кІел тІулгъуна кагъарлизи делкІунти дацІти гъайлис. ПикриикІен, пикри. ХІед нуни гес вирус чилилра хІелуга. Мурталра хІелуга. Дила гами мурталра гъалабяхІ башуси саби. Мурталра. ГІурра башра башар. Илала ялканти даим демадхъурти сари гъарбизла дягІли. ХІясадта биалли наб се-дигара буру. Чуйнара дурра дуриб. Эгъ! Селис дурахъулрив хІуни ишди набзи? ХІуникІун ну гІяхІил валара.

ТІАУС. Валари. ХІу гъарли-марли гъарбилзуси сайри. Эгер илди хІела авара гъарбизунази дейгес виралли. ИлдикІун цархІилтала гъархІебизуначирра, децІличирра тІашли сари – хІела гъарбизуни.

УХЪНА. ДацІти гъай сари илди. ДацІти. Ил хІела някълизибси кагъар-лизирти дугъбиван дацІти сари. Ну итис мурталра хІейгахъаси, мурталра! Сунечив ну цІакъси виъни багъандан!.. Сайван къухІизурли хІешни багъанан. Бура, ну се гІяйибла вегІрав хІела нешли ил вархъватни багъандан? Бура!

ТІАУС. ХІу гІяйибла вегІри ну виргІяиргни багъандан!

УХЪНА. Белики, хІела дудеш их ХІява бикІуси къехІбали виргІявиргни багъанданра ну ургус гІяйибла вегІ. АхІенрав? Илала талихІагрилис ну сен...

ТІАУС. Майрид илкъяйда! Аргъирив?!

УХЪНА. ХІера гъари! ХІуни вявикІесра балулрив? Нуни хІу хІелтари, хъяша, набчи чевашахъес! Багъи, хІелтни! Нуни айкъурси чІянкІликІ сайри хІу! ПяхІлира хІедакІибси. Баркалла эсила мерличив, сен тІама ахъбурцида!

ТІАУС. Юх, илкъяйда ахІен! АхІен! Нуни гІячихъли балулра гъанна хІела лерилра гъарбизуни, урхІла децІаначир тІашти диъни. Балулра! (ЛехІдеш)

Бура, нушала ВатІайчи душманти чебухъи ил хІилизи гІелабушибхІели, хІу чинав сайрил?

УХЪНА. Се?!

ТІАУС. ХІуни дила суал аргъири. Амма илис хІуни жаваб хІелугад, се-нахІнну гъамадли ахІен. Дила дудеш цІала майдайчир жан къурбандарили

гъазализивхЕли, хІу ишав сайри, хЕла гамила ялкантачи гъарбизла дягІ уфбикІахъули.

УХЪНА. ЛехІахъи!

ТІАУС. ХІуни биштІати дурхІни бисахъули чум адамла хъулирад буруш-гІянала ардухири? Чум адам ита бархъири ядала галгуби дирхъяхъес! Дудеш дила ита вархъибси чи сая, чумал бегІми заядиъни багъандан! Нуни селра хЕбалулра сай или гъанбиркулив хЕед? Балулра, гІякІала батальонни-зив сунела хІялалдеш мардарили ил гІядатла частъелизи шурватни. Балулра, чуйнара вяхъибкъи, бекІа иличибад чуйнара шулумли шалгЕббухъни. Балулра!.. Сепайда...

УХЪНА. Гъу! Се бурес дигулри, гашукъла гашукъ?!

ТІАУС. Бурес дигулра, чедибдеш сархибси ит виъни! Ит! ХІу чІянкІли дяхІци уилри!

(Ил замана ухъна иличи челхъан, вяхІлизи пІяцІасахъили бирхъу. ТІаус къардулхъан. Ляжилочи хъат чебуцили гъинчІилзан).

Баркалла. Халаси баркалла. ЧІянкІли барсбируси селра агара. Бетаурси къелкабарес вируси ахЕн.

УХЪНА. Илди хІушала гъай селра ахЕн, иргъулрив, селра ахЕн (Къ-ухІизурли суркдирули тІулби палатала дайлав ласулхъан) Илди гъава сари!.. хясала пис сари... пис... аргъирив? Ге,ге селра барсбируси агара. ХІуша се дикІулихъалли, барсбируси агара. Ну.. (Михъирлизи хункІидирхъу) – ну сайра! Нули кадра кавлас. Хужаимли! ВегІбекІли! ХЕла дудеш гІямрули къямизахъурхЕли, хъунчаван кагъуртази вархиб. ХІу, (Иличи тІулбяхІчиу) хІу виадли, илдала кецІа, нуни айкъурси сайри. Нуни! Ишди някъбани валхули. ХІярамдиабну хЕед...

(Унзала гъалав тухтур вагъарирар. ЛевГев вачавархибси ухъна чеили, иличи ветулхъан. Ухъна илала дяхІла вякъилзан)

Ишди сен абицІахъутив иша! Гъа? Иш больница ахЕну – сабив? Иш адамти сагъбирусив гъари, –кабуршусив? Сен ца-цали башахъули, ишди набчиб зулмурта биркъахъутив?

(Тухтур ТІаусличи ласирхъур, дуравхъахъес лишанбиру. Унзала гъала ваили ил тІашилзан, ухъначи хІерикІули, иру):

ТІАУС. Ма, иш умхъу. Машина больницала гъалаб хеб. Баркалла. (Ухънала кроватъличи лайбикІу).

(Чумал ганз палатала дайладяхІ кацІили тІашилзан)

Пикри ца биалра, бетаруси цархІил буили саби. Гъи-гъи-гъи... Ну иша паргъатли хЕчил ихтилат барес вакІибсири... Следовательли ну иша вакІнибагъалли, аги гъатІира вайбирар.

УХЪНА. (УркІухъи, тирхъулхъан) Следователь?!

ТІАУС. (ГъакІбирули бекІ, къутІкъули гъинчІилзан). Ца тянишси къуймурла мекъ буэс пикрибарра... (хункІла бухІна хъехІбуршу) БетхЕур. Илабадди... илабадди (гъаваличир тІулби силтІдиру, гъимир иргъахъули) гъимир зузбитІи нушала пукъала баиб...

УХЪНА. Се?! Пукъала ирив?!

ТІАУС. ХЕла викІули ахЕнра. Нушала... ХЕла, гъи-гъи, ялканти демдурли лерал. (Къалабали вагирхъур, унза абхъили ухъначи хІерилзан).

Амма хІу паргъатли уэс хЕйруд. Сагаси дягІ бухъунсиличи мешули саби. (Аркъян) Замана цархІил бакІилибиэс викІулра.

(Палатализиб лехИдеш чебилхъан. Ухънани кроватьличи кайили, бекI бурцу. Тухтур ацIили улкъайличи гъамиар. Кисмази къуздарили някъби хIерилзан.)

ТУХТУР. ХIела вегIебш, тамашала манзил леб къалли. Адамтани дурхъ-адеш, рухIла давла, чархла арадеш хъумартуртиван саби. Байрумтачила, хIяз-хIузаначила, мас-хазналичила пикрибикIули. (ЛехИдеш) Белики адамта-чиб гIяйиб хIебургар, чили бала?.. Белики замана илгъуна бургар, ахъбиэс дигутас гъирбикIуси ва илдазицIакъ бекIибси... яра ил кабушилив?.. Гъарли-марси адамла давлаличила хъумартурси? Бахъалгъунтани дяхIличи хъярчила къалип чегъурси...

УХЪНА. Гъанна хIу калири наб доклад хIебелчIунси. (Къакъличииркур).

ПИАУС. ХIези ахIенра, ази, ну викIуси. Ца ити сайра, гIядаббилзули. (Ласирхъур). Балулрив, дила дудеш пергер далайчи вири. Сунени цаладирхъи далуйти. Сунени чугур бяхъили далайикIи.

УХЪНА. Гъм... гъ...гъ... (БекI пяхъярбиру)

ТУХТУР. Сепайда, илала ил санигIят гъарли-марли чилипра къабулбируси ахIенри. Ил мекъличи, сяхIбатличи вики, амма далуйти тамандиубмадли сай хъумурти... Агарсиван? Чус хIевчIусиван!

УХЪНА. ГIур се дигулрив гъатIи хIед?

ТУХТУР. Наб? Селра дигули ахIенра. Иличи нура илала урши децIличил хIедикIусири... Иргъулрив? Гъанна пикриухъасли, гIядабли саби. Ил арякъун, дахъалгъунти далуйти детахъиб. Хъумкартур.

УХЪНА. Халаси-декIар къадрила агри хIебиэсгу. Далай... Гъм...

ТУХТУР. Вари, ази, или майкIуд. Далай хIейгули, хIябкуб хIейгули, дурхъати гIядатунни хъумуртули иш бархIиличи дакIибти ахIенрав гъатIи нуша? (ЛехИдеш) ГъаввакIи икIа дурхIнала хъули, чум дурхIя тебал чебиид бегIтани бархъбатурти, пачалихъли бегIтала ихтиюрти керасили кибти? ГъаввакIи, больницала итил отделениялизиб чум тебал нушала учетлизи буцибти, вайти излумала бегIти. ХIеризи, бархIехъ ихабси парка удибси къинжличиб сели биркъути чебиидал... ХIеризи... Илди нушала гIямрула нукъсандешуни ахIену гъатIи? Гъайгъайра сари!.. Балугъла хIебаибти держли бужни, биштIали лебалли дигайла дурхъадеш цараван иргъни– мицIирагла хIерличил, адамтазир пасихIдеш камдиъни, илди сари нушала ишбархIила излуми. БегIла урехила излуми.

Азирнара вархълири, иш кроватьличивси писатель. Илди нукъсандешу-начила вецIал дусра-сера гъалаб белкIунси жуз ишбархIи саби кабяхъибси. Замана арбякъи гIергъи. Илдигъунти адамти лебти хIебиалри, бузхIебузи гъатIи иш дунъара...

УХЪНА. Гъугу, хIела жайчира! Наб усес дигула (Ухънани къакъбиру).

ТУХТУР. Чевверхи. (Къалабали аркъян).

УХЪНА. *(Ухъна ишихIевхъи гIяхIцадхIи кайхъи кавлан. ГIур ласирхъур, бекI буцили кIелра някъли, кроватьла дубличи цIуцIирар. ГIяхIцадхIи илкъяйда кали, алзан, вет-сад къунзулхъан, палатала дайлав тIашилзан).*

Ишди гIямруличир – цундеш! Се багъандан?! Се гIяйиб лебли? ХIеризэс бални багъандан?! ЦархIилтачив ункъли хIерирни багъандан?! Илбагъандан лебтанилра хIейгиварилрав ну?! Гъарзаси ганзличил вашни багъандан?

(Ил замана коридорлизир гIама-гъама ахъдирар, бет-сад башутала гунзрала гIамри чейхур. Ухъна шипIваргIили, унзаличи хIерилзан. Къалабали сестра рухIнайхъур, ЛигIматла кроватьличибси одеял къяббарили, простина кайсу, дурарухъес ратрирхъур.

– Се бетаурлив?! Се?!

СЕСТРА. *(Хапли тIаширилзан. Уталичи хIеррилзан. Илала хIулби нургъба дицIили сари).*

Жагъил дурхIя хили тев вигубли... левгIев вигубли. ДурхIни берцахъес цIализи ухIнавхъи... *(Простиналичи хIеррилзан, къалабали дураулхъан, ухъна се ирусил хIебалули, унзаличи хIеррикIули, шипIвиргIур...)*

Сцена билшан

УРЕГ-ИБИЛ СУРАТ

Палата. Писатель кайхъунси кроватьличив декIли вигубли вигунси сай, шипхIейкIули кайхъи. Ухъна декIли цIумикIули сунела кроватьличив, шайчибад шайчи ласбалтули бекI, муэрлизив сай. Ахъли вявъили, ил хапли алзан, хъяб буцили алавчар хIерилзан мурхъли гъигъикIар. Гъамиубли улкъай ибхъу, катхIел хIерилзан, чариубли гIурра кроватьличи кайрар.

ЖАГЪИЛ. *(Назикси тIамаличил. ТIама писательлайчи мешули саби).* ВайтIав, ази?

УХЪНА. *(УркIухъи)* АхIен... ахIен! *(ЛехIдеш)* Вайси муэр чебаира... лебгIеб вайси... *(хъяб хIяршбиру).* ГIяндиркули хIилхIи калунра. Балагъ леб чебакIили набчи. *(Алзан)* Хапли чебакIили. Гъар-секIал ункълири къалли. Хабар агарли ишав вагъариубра. ГIяндиркулра, гъигъ бурцули саби. барцбиркули... *(ЗягIипсичи хIерикIули)* ХIура вайси бехIемцIлизи викилри, азила. Се бетаура?

ЖАГЪИЛ. Викира, ази. Къадар саби...

УХЪНА. Се бикIулив тухтурти?

ЖАГЪИЛ. Се бикIеса? Сагъируд бикIули саби.

УХЪНА. Сагъиру ишдани адам! Больницагъуна ахIен иш. Лебилра гIякълума бугъули саби гIякълуханализибван. Дурала улкназиб вигубсиличиб сегъуналра дяхъи кахIелахъи сагъбирули саби, ишаб гъатIи...

ЖАГЪИЛ. Дилара кахIелесгу. Аллагъ сай кумекла вегI.

УХЪНА. Сай, азила, сай. Аравиаби хIу. ДурхIни берцахъили виадли, Ур-кецIила вегIли хъумхIертури. ХIу вирхусирив, азила?

ЖАГЪИЛ. Чичи?

УХЪНА. Аллагъличи?

ЖАГЪИЛ. Вирхес дигулра. Гъанна бикайчи ну чучи вирхути къянабиуб. Верхес дигулра гIяхIдешличи.

УХЪНА. Бархъси саби. Аллагъла гIяхIличи вирхуси хатIахIеркур.

(Палатализи Мариям арицIур. Ил чераили ухъна разихIейрар. Вегухъи, кроватьличи кайрар).

МАРИЯМ. *(Муруйчи гъамриубли мякъла карирар)* Тухтурличи арацIира. ВахъIагарли урхъури викIи.

УХЪНА. Гъи... гъи... ЦIуба, капайзи вергурли, рикIулдрив?

МАРИЯМ. Туту... машааллагъ. Се сари хIуни дурути? Се-дигара эс гIелумхIелзад хIу.

УХЪНА. Наб лебгIеб гIядаблину, бура, сен ракIилрил?

МАРИЯМ Вабабай! *(Къукъубачи хъутри дирхъу)* Ну гъалар-декIар хIераширав хIечи, я рашес хIейгулрав? ХIуни иригу марашуд или.

УХЪНА. Гъм. Ирагу... дугли ира. Ира, ит Паус биклуси хляжар дила рухла душмайчи хлешахъес дигулрину.

МАРИЯМ. Хлеклибгу! Я ну хлераклира.

УХЪНА. Барсбируси агара. Ил сунела дудешглевли сай... сунела пикри илини буриб.

МАРИЯМ. Гьу, хлу ил мехлурла гьайличи вирхаурли, машина бицирив?

УХЪНА. Илкьяйда ахленри. Сунени умхьу игьуб иша дила михьирлизи. Наб биалли машина глягнили ахленри. Бицира.

МАРИЯМ. Хлу варсиубсигьунари, уртахъ. Хлед се-биалра бетаурли саби. Хьарбиули ахленри Паус сен саял. Чинав саял (Симкьрулхъан). Гьар бархли милициялизив сайгу ил.

УХЪНА. Нуни се бариша гьатли? Нуни бедес вирус илис ахлерахлебарира. Мехлур бекI барсбарес дила ахьри агара. Биалра, гьанна нуни илис бируси агара. Илини ну гляйиблаварра сай илгьуна виъни багъандан.

МАРИЯМ. Сегьуна?! Гьа?

УХЪНА. Хебалас. Нуни балуси агара. Илини сай нуни талхъанван айкъни багъандан ну гляйиблавирулра. Хьяшазиван гьайиклули кали, арякъун.

МАРИЯМ. Лехлахъи иша набчи! (къяркъли). Хехара хьяшала гьай глягнили ахлен хлед! Селис лехихъуси иличи! Набчи лехлахъи.

УХЪНА. Лехихъулра.

МАРИЯМ. Нушалара уршилара уми ва яхI-ламус умули калахъес глягнили саби, уртахъ. Иргьулрив?

УХЪНА. Се бетаурли гьатли? Илди чили сарив нясдирути?

МАРИЯМ. Буррагу хлези. Ил милициялизи викили сай.

УХЪНА. Гляйиб агаркъи викилив?!

МАРИЯМ. Се?! Хлед се деклардеша? Ил верцахъес глягнили ахлену?

УХЪНА. Дила арцлис! Дила арцлис верцахъес глягнилилив ил?

МАРИЯМ. Глур чила арцли уцахъусив ил?! Арцра илди хлелацун ахлен. Илдазиб нушалара бутIа лебси саби.

УХЪНА. (ДекIси хъехли къямилзахъа). Хлушала бутIа нуни хлушаб верхнаги гира, Мариям. Гьанна ну ватаба. Пикриухъес дигулра. Пикриухъес глямрулиячила. (Лехлеш) Урши, дила пикрили, бархъси гьуйчив сай... чIанкли хлед... Хлуни ил ватадли...

МАРИЯМ. Жявли пикриухьри хлу, дявли. Ишбархли дикайчи хлебагьурра хлу набчи хлехни... хлебагьурра. Цахли ахлену халкъли аргьалра. Нуклун хлела хьунул сарра!

УХЪНА. Балулра риъни...

МАРИЯМ. Балули виадли, сен лерилра маза дицили, набзи селра хлеири?

УХЪНА. Хлера гьари! Хебиалли, икIа рякъи руилри хлу, дубуртачи... Гъм... Маза дицили дурхIа верцахъес пикрибаррив?

МАРИЯМ. Хлу уркIи агарсиван гьайиклулри набзи! Дила биалли уркIи баргудули саби. Асубируси ца къехIба багъандан урши ухIналли?.. Юх!.. Юх!?. Ил секIал хлебирар! Чинара арц!?

УХЪНА. Се арц? Се арц риклулрив хлу?

МАРИЯМ. Тиладибирулра хлези, ну сабурлизирад марулхъахъаба! Наб итира гядабли саби! Гядабли! Мурталра гьанхлебикиб хлуни илкьяйда бирид или.

УХЪНА. Ил ахѐнри. Хѐд гъанхѐбиркуси цархѐил сабри. Дила арадеш. Ну зягѐипикес асубирни сабри хѐуни пикрилизи кахѐесибси. Хѐд гъанбиркулри дубуртачира Ногъайла авлахъуначира вашули ну даим кавлусира или.

МАРИЯМ. Хѐд се бурес дигулири?! Гъа?! Се бурес дигулири хѐд?! Хѐу вашухѐели, хѐела хъалица хѐердирули ахѐенрив нуни? Гъачамалра буруш бутѐирав?! Гъа?!

УХЪНА. (Алзан) Хѐела бекѐличира мехѐурта маругъуд! Цѐахли сабину.

МАРИЯМ. Хѐерая гъари иш урузкѐусиличи. Хѐунтѐениубли сай! Юх, лехѐахъи! Хѐд гъанбиркули бурги ил хѐела декли тѐембикѐуси бекѐла мякъла дила бекѐ кабирхъуси хѐу мурул адамцун виъни багъандан сабри или...

УХЪНА. (Ласухъи кайрар. Бекѐ бурцу). Тиладибирулра хѐези, ну ватаба. Дила ахъри агара жалтаиркъес.

МАРИЯМ. Юх, хѐелтари! Наб багъес дигулра, сен ну гъанна вайси ретаурлирал! Хѐу зягѐипикибхѐели. Хѐу итхѐели или хѐейкѐади. Цаибил хъунул хѐела никализира хѐерулхъи викѐади. Гъанна се бетаурлив?!

УХЪНА. Селра агара бетаурси. Наб багъес дигулра сен гъанна лебилра дила арцличи хѐяжатбикѐитил? Сен лебилра илдачила пикрибикѐутил. Дила рузи лерри ракѐили. Хѐела узи леври. Гъанна хѐу! Жагѐял цархѐил лявкъян!! Леблисалра дила арц гѐягѐнили сари! Леблисалра! Мурткѐал гъанхѐебикѐи дила арц малаикличи шурдулхъан или. Итхѐели, эмхѐеван, дуги-хѐери, дяхѐи-заб хѐеили узухѐели, умсулрив, сен сайри викѐуси аги. Гъанна леблисалра гѐягѐнизира!

МАРИЯМ. Ну хѐуни цархѐилтачи мешумарурцаба! Ну хѐела магъарла хъунул сарра! Аргъирив?

УХЪНА. Хѐергъира! Магъар... гъм... илра ца ити бурги хѐед гѐягѐниси. Арц багъандан... Илкъяйда бигъунси магъар магъли бууси саби!

(Ил манзил жагъил цѐумулхъан. Кѐелра иличи хѐербилзан. Ухъна мякъла гъамирар).

Се биалра гѐягѐнилив, азис ват?

ЖАГЪИЛ. Шин гагу асубиралли.

УХЪНА. Бусагѐят, азис ват, бусагѐят. (Тумбочкаличибси стаканкасили жагъил шинни валха). Хѐела тухумтани хѐебагъурли бургар бетаурси... Чилра агарагу...

ЖАГЪИЛ. Дила, ази, чилра агара. Нуцунра. Дурхѐнала хъулив хѐериубсира. Илаб сабри наб иш бетаурсира.

УХЪНА. Хѐялалдиаб, азила, хѐед! Се хѐянчи сабив хѐела?

ЖАГЪИЛ. Шофер сайра илав.

УХЪНА. Нуни хѐед кумекбирис, азила. Кѐилисалра анцѐхѐебулкъан.

МАРИЯМ. (Арилзан, муруйчи къяркъли хѐеръили, ратрирхъур) Арадеш имцѐабиаб!

(Аркъян)

Палатализи тухтур айцѐур.

ТУХТУР. Сен саррав?... (Декѐли изусиличи гъамирар. Хѐулбазихѐерилзан). Гъанкѐ бакѐибу?

ЖАГЪИЛ. Гъанхѐебиркур, тухтур.

Тухтур дукарирхѐур.

ТУХТУР. Дурхѐнала Юртлизибад бакѐибти хѐб. Хѐед чула кам лугули саби. Хѐядурии операцияличи.

ЖАГЪИЛ. Операцияличи?.. БакИбти хебу? Тухтур, агарав ихар... жагаси ... ца... шиниша хлевала регI...

ТУХТУР. Хер... хер... Шиниша хлевала регI, зак-хIулбар дарган рурси хер.

ЖАГЪИЛ. Илинира сунела кам лугулив?

ТУХТУР. Ге, лугули сари, хIу къабуликадли.

ЖАГЪИЛ. Къабуллира, тухтур, къабуллира. Илала кам чебудухIели изарару?

ТУХТУР.Гъайгъай... балулрив илкIун... лебГеб назикли ва малхIямли...

ЖАГЪИЛ. Къабулли ахIенра, ази, ну. Биубси биаб, хIянби калалли илди лишанти сари. – къияндикибсилис ну хIядурли виънила. ХIуни къасбара, узи тухтур, ну сагъварес. Ункъливан. (КIантIивирар). Чевверхи, тухтур. Набчиб-кIун гIяйиб агара, жагасили калес дигни багъандан.

ТУХТУР. Агара, урши, агара. ХIела мерличив виасри ну операцияличи къабулиркаси. Адамтани чула кам хIед уркIи-уркIилабад хIялалли пешкеш-бирули саби. Сен къабулхIеркулри?

ЖАГЪИЛ. Сен-сабил уркIи къабулли ахIен... ХIебалас. ДекIли саби...

(Мариям сагали палатализи арицIур. Ил чераибси ухъна декIси, беръубси хъехIли къямилзахъу. Тухтур иличи виур ва кроватьличи каркъили илис кумекбарес аварализив сай. Мариям, се бирусил хIебалули, гъачам мурулла андаличи хъат чебурцули, гъачам хIила тимхъ хахамбирес ралрилзули, тухтурлис диргаларулхъули сари.

ТУХТУР. ХIу наб диргаларикIулри, неш. Тиладибирулра, дурурухъен.

МАРИЯМ. Урши, хIела верхIцIали мурад даъ, кумекбара. Верцахъа иш. Дила мурул. Тиладибирулра хIези. Верцахъа яра нура рубкIус. (Ил рисирар. СимкърикIули тухтурла мякъла гугрирар, мурулла михъирличи хъат кабирхъу ва михъир хахамбиру. Илала шикъатIайчи тамашавиубли тухтур хIерикIар. Сунес гIягIниси бугагни багъурли мурхъси гъигъатурли ахърарар ва, лишан барили, тухтур палатала ца гIямзила витIикIу).

Урши. иш дила муруйс дигули сай, арбухили халаси дигIяндеш, турклан шайхван арукъес.

ТУХТУР. Шайхван?!

МАРИЯМ. Ге, шайхван! Кебасили уршилизибад машина, дицили лерилра маза, дигIяндарили арц, арукъес дигули сай.

ТУХТУР. Чина арукъес дигулив?

МАРИЯМ. ХIуни гIяхIил балулри, чина дигулил... чейулригу бархIичив бархIи усаликIули. ХIези тиладибирулра, хъарбаа арц чина дигIяндарилил... Бархъсив майала верхIел хIеркI кадухъахъи, рарх рузухIели, селра хIебатурли арукъялли?... Бархъсив?

ТУХТУР. (ВерхIел майала хIеркI кадухъахъунсиличи мешусигъунаахIенри хIу ибси хIерличил тухтур иличи хIерилзан) Секъяйда багъес вируса нуни?

МАРИЯМ. ХIу тухтур ахIенрив гъари? Дарман бержахъа. ДигIяндеш бурахъуси дарман лебси ахIену? Набзи буриб лебси саби или.

ТУХТУР. Чили буриба?

МАРИЯМ. Узили буриб. Дила узили.

ТУХТУР. Илгъуна дарман, гъайгъай, лебси саби. Амма нуни чебиули ахIенра.

МАРИЯМ. Чинаб чехIебиулрив?

ТУХТУР. ХIезиб чехIебиулра, хIезиб. Агара биэс ил хIела узилизибра.

Сенахѐнну, дигѐндеш бурахъуси ца саби... адамдеш. Адам адамдешли виѐѐили виалли, илдигъунти дигѐндешлуми...

УХЪНА. Жалти гѐгѐннители ахѐн. Гъамдияя.

(Кѐлра гъамбирар)

Иш жагъил кайхъунси кроватьличивси писатель левригу, – Лигѐмат, ил дила душман вири. Рухѐла душман. Цалис ца нуша хѐйгахъѐира мурталра. (Гъайикѐар малхѐямли, гѐяжизли). Гъатѐира ургала бижгур иш багъандан. Дила хъунул сари иш. Итхѐели итала рирусири – Лигѐматла. Уршира итала сай. Наб мурталра гъанбирки ну чедибдеш сархибсира или, сенахѐнну азихъ камхѐе-биуб. Мурталра велкъи вираси. Бегѐла гушти дусмазивра. Лигѐматра гушли вири. Амма ил азадли шикъикѐи. Гѐямруличи хѐулкѐули... Илис чеббиѐес багъандан хъунулра керасира. Гъи... гъи.. гъи... Белики иш сарира хѐядурли рурги... иличирад ребшес. Илала гѐямрула законтти ишисра гѐяѐдилзули хѐеди-ри... Гур дехѐдихъиб дила урчала абзличи мешутигѐямру. Ну вехѐихъѐира давла учибирхъес. Наб дигулри хазначи ветаѐс. Мирхъи адикъурра – гъархѐебизур. Лесниквиубра – дугѐаира. Ну виасли тѐашизес вирули ахѐнри, сенахѐнну дуѐѐ бара бетѐбакѐилри. Бамсайчи, урчи тѐашра хѐебилзан. Дила мурдали, ишили, гѐярчумагла шятѐра лихѐбала чедиб бучѐахъулри. Ахира букѐун ветаурра. Букѐун. Ил хѐянчиличиб наб гъарбизур... Ваваливяхъѐира... Узира къачирван... гъай-гъайра вилгѐира... чуйнара биргѐябиргира пачалихъ... адамти... Хѐера иш даражаличи ветикѐлра. Гѐелавяхѐи хѐеризасли чебаѐси агара.

МАРИЯМ. Чейулрив сейкѐулил? Аргъалаличивси адам илкъяйда викѐар.

УХЪНА. Сепайда, къанни дакѐиб ишди аргъала наб. лергѐер къанни. Цѐахбилзули саби иш тухтурлизибад... ит уршилизибад. Дила душман... Лигѐматлизибад... азирти цархѐилтазибад.

МАРИЯМ. (Мякъла гѐяшриули) Ахѐерси, нуни балулра хѐед гѐядабли биъни. Лехѐахъи набчи...

УХЪНА. Биур... Бахъхѐивегѐ лехѐахъѐира... Нуни балулра хѐед се бурес дигулрил. (Гѐянайубад дурасили, кагъар тухтурлизи бедлуга). Ил дила аманат саби, азила).

МАРИЯМ. Се?! Аманат! Хѐуни аманат бируси ишизив гъари, набзив? Гъа?! Чи сайсив иш!? Чи?! (Тухтурлизи гъабуѐибси кагъар хъямбиру,михъѐирла бухѐна дигѐянбиру). Мехуриубли сай! Мехѐур! (Гѐеларяхѐи ритѐикѐур). Гъари, дирули диадалли, гъамдияя! Чебиан чебѐахъѐис хѐушази.

УХЪНА. Тамани мехѐурриубли сари. Беда кагъар. Ил хѐед гѐягѐнихѐебир-кур, паспорт агарли.

МАРИЯМ. (Дурасили кагъар мухѐили ибхъу. Ручѐес рехѐрирхъур). Ну... Мяхѐяммад... иш... кагъ... м м... чевверхи... ну гѐяйибла вегѐ... ..м... м... м... дурхѐнала хъули шурдалтулра шел аз... аз... ирр.. ахъри хѐебакѐалли, деда, Сулайбан, азизи авѐѐали азир... мижит таманбарахъес... ил дила аманат саби адамтала ва Аллагъла гъал... гъал...

(Вяв-чѐярлизи гѐелабушили палата, ил ухъначи ретухъи михъѐирличи карир-кур, кагъар бутѐа-бутѐабарили, палатализи гѐяйбиру. Къѐяйѐчил ил больницала хѐянчизарта дурайу. Чариубли тухтур ухънала мякъла тѐашилзан, Мариямли гъярбердибси кагъарла бутѐни ахъдуриу, жагъилличи гъамиубли, мякъла кай-рар. Жагъилли гѐяшли далай бучѐа.)

**Агъ, гІямрула муридеш,
Мирхъила варъа къяйда,
Ил хІела наб дигудеш
Дунъялис БерхІи къяйда.**

(Тухтур гъачам ухъначи, гъачам жагъилличи хІерикІар)

ТУХТУР. (Далай бучІа)


**ГІяхІгъабза адашивад
АдмакІаб вайна гъабза,
Адаан дякъиб къугъни
Сунишир ширихъуну.**

**Вайгъабза адашивад
АдмакІаб гІяхІна гъабза,
Адашир дякъиб къугъни
Нуни ширихъис или
УбкІарну агвор ажай.**

УХЪНА. Бархъси саби... лебгІеб бархъси саби. Батирайра дугІли да-
лайхІейкі.

(ДекІси хъехІли урцу)

Дила рузис деда, азила, машинала арц. Аргъирив? (Алзан).



Проза



Ибрагъим ИБРАГЪИМОВ

ЦАЛИЗИБ ВА ХИЛИЗИБ

(Хъарахъуд)

– Эй, Амирчупан?! Ил пакъир хъяша каршахъулрив? Иличиб гъими ихъулрив? Ил мурул адамла баркъуди ахIен! – яхIбарес хIейубли, гъайухъун ХIямзат.

– Вирус кавшахъесра...

– Ну кавшаба! Жан къурбандарес ну хIядурлира! Гъазагала талхъа урши ну сайра. ПIяйбагарти дила юлдашуни бархъа хъули...

– ХIя-хIя-хIяй! Дигахъис, ХIямзат, хIугъунти, бекIаличи дяхI-дяхIли хIербикIес бирути.

– Нура вебкIес хIядурлира. ЧIянкIли ил уршила жан атмайсида! – иб Жапарлира.

Къачагъунала бекIли гIур дубхIехъиб, чариубли сунела тахличи кайиб. ИлхIейс кIел къачагъли хъусварили гъярдердибти палтарчевси, дяхI-някъ хъанцIдиубси ХIяпиз Амирчупа гъала ваахъиб ва къяшмачи лагватур.

– ХIела буйрухъ, хIурматла вегIбекI?

– Батай! Хъярхъли вегIварахъа сагати палтарли ил мискин урши!

– Се?! – кIайизур халал къачагъ.

– КIийна буришав хIези?

– Аргъира, аргъира, дила вегIбекI.

– Нушанира уркIецIибарести хъумургути ахIен... Ил урши вахра вахи, умура варили, хIядурварая! Балкъаахъая илис бегIла чеббикIибси тIяй урчира!

ХIяпиз илавад арукибхIели, Амирчупай Батайлизи сунечи гъамяхъес лишанбариб.

– Чинава нушала белкI-белкI далуси къуллукъчи? Живара иша шинкъя-кIа-пIиличил!

– БусягIят, дила вегIбекI!

– Эй, дила вацIала узби! ЛехIдизирая набчи! ЖIягIяйчила пикрихIейкIуси адам бушкъибси шагъилизи улхъуси ахIен. ХIуша багъандан сари, дила узби, ишди къайгъни. Адамти кабуршес нуша бурсидиублира. Илди лутIесра

устадеш лер. Юх, илди даибти ахІен! Нушала някъбазив Гъзагала талхъа урши лев. ХІушала пикрили, ризкъила чум гавлаглизи халдарес вирара илала жан? ЛехІахъилраев? Пикридулхъулраев? ХІа-хІа-хІай! Нура пикриухъунра: Хайдакъла уцумис гъар дус авцІали-шуцІали гавлаг савгъатдирули виалли, уршилис даршал гавлаг мяштІхІедаресгу?

– ХІу вархъли викІулри, хІурматла Амирчупан!

– ЛехІ, дила узби, нуни буруси таманхІебиуб. Даршал гавлаг ризкъила, гъал хала хІайван, шуцІали маза-мас... Гъу, илди диуру?

– Диур, диур, нушала вегІбекІ!

– ХІуни гІяхІил балад, нушала Амирчупан!

ХІямзатла дяхІ цали игутиван сарри: «Агъ, увяхІси няс! Агъ, жярга душман! Дила жан вачарли кадирхъули сай. Ну талхъан увяхІварес акІубси урши ахІенра! Наб илдигъунти гІямру хІяжатли ахІен!»

Лертигъунти цІакъани дучили, ил тІяхІухъун. Чумал тІяхІли къачагъунала бекІ кайибси тахличи ваиб. КІелра някъли хапики, Амирчупа суре буциб.

Юх, хІебикиб илис душман гІяндушес. Чесабаибти къачагъунала тІерхъуби илала къакълизи чегиб. ГелавяхІ хъусварили, ил Жапарла мякъла ванзаличи лайвакІиб.

– Дила вегІбекІ, ишди тавлумачи вирхес асухІебирар! – иб Батайли, Амирчупа валчагъличирад хяса пяхІдирули.

– Илра бархъси саби, дила узи, мяхІкамдеш вайси ахІен.

– ХІурматла Амирчупан! ХІези нуни гъачамлис хІебурили калунси хабарра леб. Нушала узбачил бетаурси анцІбукъ...

– Се анцІбукъ?

– Се ахІенну, Муирази напакъаличи бархъибти Къазанбегра СултІанра кабушили, лайбакІили баргили саби... Хала хІеркІла мякълабси шурмала гъярбиклизиб... Сагали вархъибси нушала чяпарли илдала жаназуни даргили сари... Илди саби, дила вегІбекІ, тавлуми. Ну илдачи бекІлил вирхуси ахІенра... Гъанна хІуни кагъарличил Гъзагала талхъайчи урхъуси ил хъяшара чина виркурал, илини се пикрибирул, чили балуси?

– Эй, Батай! Се сари хІуни дурути? КъакъамайкІуд, ил хъяша чиналра викес хІейрар. Викалли, хІу хъяблаирхъури. ХІа-хІа-хІай! Иргъулрив? Илбагъандан хъуммартид ил гъунивватесра, ара-сагъли сунела мина-мулкличи ваахъесра.

– ХІела амру таманбирахъис, хІурматла вегІбекІ! Ишди тавлумас се бируси?

– Курлизи! Хъуммартид къацІ-къякълабарахъесра! – тахличивад алзули, Амирчупан гъинчІизур. – Эй, Батай, хъуммартид: ХІямзат Гъзагала талхъа урши сай...

* * *

– Нуни се буриша, Аминат, балугъраибси рурси заманаличир хъаллараралли, хІед иминдеш бирар.

– Дила нешра, бунагъ-хатІа урдуц, рикІули рири: «БархІехъ барибси дахнили савлилис гъай даргес асубирар...» Сепайда, илди лехІахъили къадин.

– Залимханна бегІти рикІуду?

– Илди, Хачаба, илди... Дила узи Сапигуллагъ гъалав илгъуна хІейри. Варсиубли сай.

– Се сабаб бурули?

– ВалкъХеурлира, виклар, мекъ барес ахъри агара... Халаси напакъа гЯгИ-нилив, гъари, гЯякунт бахес? Ца кигъала хинкI баибсири.

– Залимхан сейкIули?

– Ил къалли, къакъавакIили, къябкабиэс хIядурси чугурла гиван сай. Наб, виклар, халати мукъри хIяжатли ахIен... Вай, дила рузи, ил сагали напакъа баргес дураухъалли, гIур чархIевхъес асубирар. Дила Гъидаят заяли ретихъ-ахъу.

– ГЯйшатличил ну гъайрухъасли?

– Вай, цIакъли дигахъира! НукIун рурсила неш сарра: някъбазирад руцили, мая хIушаб рукай или, рурси редес хIерирус къалли?

– ХIерируд, гъайгъай. Нуни ГЯйшат чериис, гIинзи шичи ракIесгу... Гъидаят паргъатриублив?

– Ту-ту машааллагъ, паргъатлицун ахIенну, Залимханничи гЯшикъра риубсигъуна сари.

– Севан багъурри?

– Хебагъес лебу, гъар-ур, Залимхан нушачи вакIалри, хъа гIямзила пяхъ-рикили, кIел гъай хIедури. Ил арякъунхIели, ну узикъарлис малугаба, неш, рикIули, рисули рири. Гъанна ил вакIайчи, берхIи гIелабикалли, забличи гегугван, хIерли сари. Илис хурег барес, иличил гъайрухъес къагъли сари. Хебалас, се биубсилра, хапли рарсриуб. Сари-сарил пикрирухъунал, Залимхан гIяхIизурал, Аллагъли илала уркIилизи хъул бедибал...

– Бирар, се-дигара бирар...

ХIялимаатра Гъидаятра, гIянулбира удихъили, гъаргала кабиилри. Нешани хъулиб ихтилатбикIухIели, илдасра цализи-цали дурести камли ахIенри.

– Залимхан чехIейулрагу, Гъидаят? ГIурра нушала гIяя бархъбатурли хIейалли?

– АхIен. Синка пукъализиван, хъули пяхъикили сай.

– ХIушачи хIешулив?

– Кам-камли. Дудешра уршира хъали балкъаахъес бузули саби.

– ХIушаб? Мекълис?

– Нушаб... Сепайда, илди мискиндешли сабуцахъили къадин...

– Гъу, илаб тамашала селра агара. Нушала гIяялизиб давлачебти чинабли?

– Узданти лебли биалра, буресцад илдира давлачебли ахIен.

– Нешли хIед мас кабихъилив, Гъидаят?

– Се мас дирути нуша уздантала?

– Цикурла! ХIедалусила гIермадирид.

– Буркъа къанилизир дукIумила ца-хIябал хIева-кIанара, суранна дабрира, хала нешличирад даибти тIулека-кулехара... Илди, ХIялимаат, лебталалра хъулир лерти сари.

– Лерти сари, нагагъладан нуша давлачерти диахIелри, архIяла палтарра мургъила гъалайхъантира дири.

– ХIу къалли, ХIялимаат, къакъамарикIуд, талхъа уршили дурхъати хал-гIятунани регIрирури.

– Ну мас-хазналичи мяштIли ахIенра, – иб ХIялимаатли ва, Гъидаятла лихIиличи мухIли гъамбарили, чебатур. – Наб сай ваибси сай...

– Виркур, къакъамарикIуд.

– Дила мерличир хIу риадри, рузи, бекIлил паргъатдеш хIебалади.

– Гъазагала талхъан илцад варскъав гъари?

– Талхъан къалли уб-чеббирхъуси хъатгъуна сай, биклар. Илала хъунул

Издагай... Душмантала рурси гур гъанмаруршид или, Хямзат маймайвари-ли сай. Илдигъунти нешани, риклура, ца халаси чаплизи кабатурли, ахъти шурмачибад лайбаклес биалри.

– Мариклуд, гъари, хед хъубеш неш ретаруси сарину.

– Чили бала, заб ташдизурлихъар, берхи гъагултани батхезсра асубирар.

– Хямзатла нешлара аргъесли саби, Хялимат, илискун сунела узила рурси Айнабика чула мякълар риахъес дигули сари. Ил секлал бетхезурхели, ашкарли, уршиличи разиагарли рургар.

– Нуни балулра... Хямзатли гъар секлал дуриб. Нуни Айнабика дуглаили херишиша?

– Ахенри, Хямзатлис тимкъ дихъни халхезбаралли...

Бяхчиси Чебяхи Уркухъла музаличибад жявлил дураберхурси берхи, ахирра-ахир, Хялиматхъала гъаргала хербизур; клелра балликъяна рурсила дяхи-няхъличиб гилдибухъун, гъаргаларти кам-гъамти ваяхличи мургъи-ранг чергиб.

Хъулибад Гьидаятла неш Аминатла тама бикьулри:

– Хези дила урки бурасли, Хачаба, ну иша савли жявли ца къуллукъ лебли ракибсира. Хебалас, ху се риклудал.

– Жан рузи, нуша унруби селис гягнитира? Бура хела мурад.

– Хуни геза-къяй дишни багъурра... Кам-гъамти арц гегудилис хелугадал... Рурсилис цкиурла ваяхи диули ахен: гярбукангачи раэс пикри саби...

– Сен хелугути? Лертигъунти лугас. Гезни ардукибси буклуй гъамли калунтира лерхути сари.

– Азир баркалла, дила Ханича! Аллагъ разивиаб хечи! Хела Хялиматла уркила мурад бааб!

Чилирил ахъли къутдяхъиб. Къапу хямкдухъун. Гур къакъалабад мурул адамли ахъли явбяхъиб.

– Эйхъали, лерраяв хулир?! Гяхли хъурахезирулраяв?

Хялимат харчризур, Гьидаятлизи, гъари чихъали сабил нушачи гяхладли бакибти баласну, ху кариили руэн или, азбарлизи къалабарикиб.

Къапула дураб Хялиматла гъалаб чехезаибти хябал гяхлял лебри. Къугъали валкъаурси, занта къаркъа веги, дайхъу дяхи кландирути дерхъибти супелтар мурул адам. Илала вайличи бараван риуси, гантариван хунглена дяхла реги, гьести гямрула хъунул адам. Илдала гелав, кидехи хунжи улибхъаличи дигъунси урчила ургъур цацабарили, сагаси сукъбанра бухари къапара чедяхъибси, жагати дяхи-някъла веги гулухъара леври.

Хялиматлис ил урши бара гъаникиб. Итхели ил хала дудеш Хяжимям-мачи гяхлад рякъунсири ва иличир базцадхи херриубсири. Ца бархи дудешли зелочи вархылра, виклули, урчира гъаббуцили, букун дурхия вакибсири... Биалра, дурдиб палтарли вегиубси ит букун дурхия гъанна илгъуна кегевси урши ветаурли сай или гъанбикахъес гъамадли ахенри. Хялиматли пикрихезирулри сарира итхели хевала дулгъубани къанкъ ушкуси никла рурси риъниличила, гъанна ниъра хира чархлизир дургъуси исбагъи ретаурли риъни.

– Азис рат, хуриб Хялимат? – пиширхъули, хъарбаиб мурул адамли.

– Сарра, адавзи.

– Неш хулир агарав?

– Лерси сари...

– Гьуя, хЕла гЯзизти бат! Ит риштІаган ХІялимат сегьуна кьуймур ретаурлил?! – гЯхІял хьунуй ил кІапІруциб. – Иш нушала урши СягІидуллаг сай. ГьанхІеркулив?

ХІялиматли итира чейулри сунечи хІулби черхІейсули вякьизурси гІулухьа. Ил гьузгьалдириуб:

– Даширая, гьари, хьули. Азбарлизир гІашли дуути хІедадалли?

СягІидуллагьли урчи азбарлабси тІениличи бигьун, хунжира улибхьаличирад уркасиб: цадехІ нешлизи дедиб, цадехІ сунени дукладуциб. ГІур гЯхІли ХІялиматлис гІелабад кьаркьала ганзухьличибад хьули чебяхІахьиб.

БегІтала минала адамти чучи бакІниличи, жихІебарибти гЯхІли биалра, Хачаба лергІер разириуб. Къазанапла ХІясайничи кьалли ил итира хІерли сарри. Яхши-хуш дарибмад, ХІясайнизира дурасили «Ма, Хачаба, ишди калунти арц сари» или, хьа регІлис биштІаси тавра гьабуциб.

«Ишди гЯхІли шиличибад шиличи чула шан адамтала дяхІ чедаэсцун бакІибти хІебиъни ашкарси саби, илбагьандан нуша ишар имцІати адамти детарулра», – пикрибариб унра Аминатли ва сунечил рарх дурарухьахьес рурсилисра бекли лишанбариб.

Сабицун калунхІели, Хачаба рурсиличи дугьаризур:

– ХІялимат, абас рат, итил хьулибси анкьиличи шанг чебиза: гьарахьлибад бакІибти гЯхІли гушбиэс замана баили саби...

Рурси итил хьули ретацІибмад, Къазанапла ХІясайнила хьунул Ханзасани сари кариибси гІянала хьа регІличи гьамбариб.

– Хачаба, дила рузи, жан гІямал дарман, нуша савли дукра дуки дурадухьунтира. ХІушачибра бисмиллабирехІе... Нуша дакІнила мурад цархІил саби... ХІуни иргьули рургуд?

– Базарличив кьаршиикибхІели, ХІясайнизира илгьуна суал гьанбушиб. Дила рурси ХІялиматличила ахІену гьай?

– Сари, сари, дила рузи, илгьуна хьул лебли хІушала Дибга гІяялизи дакІибтира. ХІушала пикри аргьес, хІушачил гьайкадухьес...

– Нуша чихьали саррав гьари? Гьунила дублаб сабицун бакІибси чІухІяригьуна рурсира, анкьила гьалар гІямру дуркІуси ца иш нура.

– ХІу неш сарри, хЕла гьай нушани мусиб кахІевлахьехІе...

– Ханзаза, баркалла, нуша цІурьабала хІурматбарнилис. Аммаки, хІушани гЯхІил валуси дила дудеш ХІяжимямма левси сай Уркухьла шилизив. Илала пурбан агарли, нуни селра бурес хІерирус.

– Набра гьанбикиб, Хачаба, хІуни илкьайда бурид или, – гьайлизиахьиб ХІясайнира. – ХЕла дудеш ХІяжимяммачил, сунечи Аллагь разивь, рягІят адамлизивад ну уздан ветаахьурси хІурматла адамличил, нуни гьалаб-гьалаб ихтилатбарира. Дила рузи, нуни хала бегІтала гІядатуни дархьли дузахьути сари. Черрерхи, дила я кьяна-кьалп лерти ахІен: хЕла дудешла икьала хІясибли архІяличи дурадухьунтира сарра.

– Гьу, гЯхІ бакІаб хІушачи, илкьайда барили диадалли. Дила ХІялиматра, гьари, бархьли бурасли, гьачамлис хьалицІа хІердаресигьуна рилзули ахІен: вецІну урегьра дус сари риубси. Жявли ахІену гьатИ?

– Жан Хачаба, жявли ахІен, – гьалаксаур Ханзаза. – Нушала СягІидуллагьра хЕла рурсиличив ца дус сай халаси. ВецІну авра дусра хІериубли нура шери рякьунсира. ПашманхІериубра...

Ихтилатлизив сай гьанушибхІели, итира хІанзанзиличи кайибсиван зама-

на-замана тахличив вьшулхъуси СягИдуллагъ урузиуб, хІунтІен-цІубиуб. Се бирусил хІебалули, къапІа чебасили къукъубачи кабихъиб, гІур ил, дуклабу-цили, житаван хІяршбиресяхІиб.

– ХІуша хІябилра къалабати дуилрая: наб гъанбиркур, гъаб-уб рурси гъ-айрарес бархІехъла манзил башули бири.

– Бири, бири, Хачаба, аммаки бархІехъла архІяра гапла хІебирар.

– Сукнира, дила Ханзаза, гъала-гъала урхІла адамти бурхъули бирар.

– Нушабра ил гъанбикибгу. Амма урхІ урхІ бирар: вегІла мурад вегІли гъунчибуршалли, гІяхІил бирар. ЦацахІели, чучи умутбихъили, бархъибти урхІла адамтани вягІдара дурахІебиху...

Хачаба урга-ургади вягІчили кайибси СягИдуллагъличира хІеррилзулри: «Къуц-бекІлизив валикибси урши сай. ХІял-тІабигІятра паргъаттигъунти сари. Гъай аман, дила ХІялимат рахъ урцІаси рурси сари къадин. Шери рукъялли-ра, бусагІят иличи улибхъа чедирхъу. Сари черли, халали ахІи хІеруар. Илди къалли селра ахІен, ишди Къазанапхъали уздантала къамлалра биалри. Чили хІебалули ХІясайни дила дудешла рягІят букІуй калунси виъни? ХІебалас, дудеш сен къабуликибсил илдас ХІялимат шери редес? УхънавайбхІели, гІя-кълу-мага барсбиубли хІебиалли? Гъалав жинсани, къамани викІули, лугърала ура гъанхІебуршахъи... Гъугу, дила рурсилис ил вайси мер ахІен. Сен сай СягИдуллагъ лехІкахъибси? Наб къалли илала пикрира аргъес дигахъира...»

– Ва, урши, Хачаба-адайлис хІела гъайра аргъес дигахъу къалли? – хъа регІла уркіи аргъибхІеливан, уршиличи дудеш дугъаизур.

– Нуни се буриша?– СягИдуллагъли къапІа сагали бекІличи гугбатур.

– ХІялимат агарли убкІулра, ветихъулра викІуси хІу ахІенрив?

– Наб ил ригахъулра...

– Вай хІу мурадли ваъ, дила рурсилра хІуни сен-сен рагъурси?

– РиштІахІели... Хала дудешличи ракІибхІели... Къанниван базарличирра къарширикиб...

– ХІуша гъайракадухъунраяв?

– Юх, гъай бурес бетхІеур.

– Жан Хачаба, илди гІяхІилван тянишбиэс замана бирар, – иб Ханзазани, хунжазир халтІрулхъули. – ХІушачил бархбас уржахъес гъуни кабихъес дакІибти сарра. Рурсира гъайрарили, кам-гъамси масра кабихъахІелли, нушара паргъатли дирехІе...

Ханзазани ца-цали хунжазирад ХІялимат ураркъес хибти мас дурайсе-сряхІиб. ЧІябарличи хІевни, кІунби, декІни, мачайти, дарайла ва архІяла чІянкІи тІинтІдариб, илдала чеди цІуб арцІла тІулукми-кулухмира гъалайхъ-антира кадихъиб.

– Ишди кІидехІцад, дила Хачаба, гІурра лерхехІе. Дила уршилис леркуси рурсилис селра мяштхІебирис...

– Нура пикриухъунра, – викІар ХІясайни, – СягИдуллагълис мукърала дурзам пешкешбирис. Магъарла маслис нуша дегІси юртлизир кІел хъалира чедиахъис. Усилаб вацаван бумхІяхъули, хІеркабирис.

– Вай дила аллагъ, се рикІусирал, балули ахІенра. Я масличи-декІар хІясадли ахІенра... ХІебалас, рурсила пикри сегъуна сабил... Гъаригу, ил жирарес аркъяс...

Хачаба рурсилизи жиес бажардихІерикиб. Хямкбарили унзара, гІяхІли лебси хъули ХІялимат рухІнарухъун.

– Нуни хІушала вягІдурти дагъурра! БетхІерар ил сенкІал!
 Рурсила гъайли хъулибти уркІаиб.
 «Ишгъуна хабарагардеш бетарни чис гъанбиркусири?» – суал белчІеслири
 илдала кІайдизурти хІераназиб.
 Хачаба аризур, рурсиличи гъамриубли, ил кІапІруциб.
 – Сен или рикІулри, дила ХІялимат? ХІу багъандан гъарахълибад бакІибти
 гІяхІлала уркІби мадялчад.
 – Дила бячес асубирули балан?
 – МарикІуд гъари! Ца хІеръа СягІидуллагъличи. Илгъуна багъадурти нуша-
 ла гІяялизиб хІебургид. Къазанапхъали гъанна Уркухъла шилизиб хІурматла
 адамти бетаурли саби. Илдира гъанна узданти саби. Илдациб, дила рурси,
 хІуни талихІра бургид.
 – Черрерхи, неш, ну къабулли ахІенра. Гужли шери редес къасбарадли,
 Хала хІеркІлизи тІяхІкарулхъас!
 – Гъуя, хІела гІямал мадуъ! Се саби, гъари, хІуни буриси? ХІу гуждан ар-
 рукес дакІили ахІенра! – Ханзазани чІябарличи тІинтІдарибти мас хунжази
 дурчес рехІрихъиб.
 – ХІу пашманрируд, дила рурси, хІед балбикибси мер саби. ХІерли кари-
 илихъар, Дербент къалала талхъа урши хІечи сукни хІякъян.
 «Наб Дербент къалала талхъунти хІяжатли ахІен, дила талхъан левси сай»
 эс дигулригу, ХІялиматли сабурбариб. Илди гІяхІлира илцад ибкъкабизур-
 тигъунти ахІенри: дудешлира уршилира, се бирусил я се ирусил хІебалули,
 бурги къухІдуцилри, тІягІямагарси агилизиб биъни ашкарлири.
 Рахли СягІидуллагъ тахличивад ахъиуб, бекІличиб къапІара балбарили, иб:
 – Неш, къалабамарикІуд ваяхІ дучес: илди гІеладахІ архути ахІен!
 – АрхІедухес бирару? Чериулрив, се рикІулил?
 – Селра хІерикІар...
 Гъанна бикайчи урухбиубли хъа гІямзилаб пяхъбикибси житачи мешу-
 икибси СягІидуллагъли хъулибти тамашабиахъуб. Илизирад илди дугъби
 дурадурхар или я сунела бегІтас я Хачабас гъанхІебирки.
 «ХІязлис ахІен къалли, хІял хІебалули, урхІла хялис къацІла бутІа гъама-
 бурцид, къацІбикесра асубирар бикІути», – пикрирухъун ХІялиматра.
 Лебилра сунечи хІерли чебаили, СягІидуллагъли гІурра иб:
 – ХІялимат, хІу чисалра шери рукъес хъулмарикІуд. ХІебирар ил секІал!
 – ХІерагу ца! ХІуни ну урухриулрав? Дила ари кебисулрив?
 – Нуни хІела авара далути сари! БетхІерар! Иличи хъулмарикІуд!
 – Чичи?
 – ХІуни балулри, гъай чичила сарил... Белики, хІела нешли хІебалули ризс?
 – Аллагъличира, нуни балуси агара! ГъатІи чичил аварализи ахъилив дила
 рурси? Дила ХІялиматличи, дила издаг рурсиличи бугъганти чемадуршид!
 – Бугъганти диалли, Хачаба-адай, хІуни илизи хъарбаа. Яра гъаннара хІечи
 хабурти хІедаилив?
 Хачаба, дяхІлизир рарсриубли, рурсиличи хІерризур.
 – Ва, рурси?! Се сари ишдани дурути?
 ХІялиматли жаваб чархІебариб.

Илхели СягИдуллагъ, мегъ бемжурли лебай къутIбара бикIуливан, левгIев цIакъиуб:

– ХIямзат! Гъзагала талхъа урши!..

– Эй, СягИдуллагъ, хIура пикриухъи гъайикIен...

– Неш, ил вархъли викIули сай, – селра хIебиубхIеливан, паргъатли иб ХIялиматли...

ГIяхIли, бакIибхIеливан хап-хабарагарли, арра арбьякъун: гъар секIал аргъ-ибси Къазанапла ХIясайнили хъалибаргра сайра чарухъни лайикъли чебаиб.

Сецад уршилис ХIялимат ураркъес хибти мас датахъес дигули виалра, неш къабулхIерикиб: «КъацI-шин, дила урши, гушиубхIели дукути сари, цархIилван, илди уркIиличи чекадиили кавлуту сари...»

ГIяхIлира гъуниббатурли, Хачаба гъаргаларти гIянулбачи герризурли, рисесряхIиб. Ралкайчи, риштIаси рурсиван симкъличи рикайчи. ХIятта мякъла ракIили, нешла бекIличи хъатра кабихъили, ХIялиматли паргъатриухIелира, ил гIашхIеризур. Илис биса гIягIнилири, илди бисара гъанкI бемцIурси хъяшала биса ахIенри: дахъал дусмазир учидикибти ва михъирлизи дарцдикибти ан-цIкъи-децI ил бархIи Ханичали дурадатуртиван сарри. Урга-ургади цадехI дугъбира тикрардирулри: «Абдал рурси, игъбарагар рурси, дила пакъир рурси...»

Аммаки Хачаба риштIаси рурси ахIенри, я бисали илис кумекбарес хIедидри, циила къакъадеш черардукалри ахIенси.

Неш паргъатриубхIели, ХIялиматли, къалабахIерикIули, ХIямзат къарши-икибси цаибси бархIиличирад детаур-диубти дуриб. ДигIянхIебариб илини къачагъунани сари цахрирули хIилхIи калунси хабарра. Нагагъладан итхIели заманаличив талхъа урши музахIевхъунси виалри, илала ламус касилицун кахIевлину, къачагъунани жагъти гIямрура къябаэс асубири.

Хачабали рурси кIапIруциб. РиштIахIеливан сунела михъирличи бекIра кабихъахъили, ил гIяшли гъайрухъун:

– Вай Аллагъ, дила рурси, хIябилра бемжурси гIеналичи каризурли лерри, къяшмилра цIуххIедаралри хIела.

– КъакъамарикIуд, неш, бемжурси гIеналичиб къацIра буцIули бирарну...

* * *

Майалибатурси урчиличив Халал гIялизивадси жагъил гIярбачи Гъзагала талхъайчи дурайкибхIели, чисалра гIяхIси секIал гъанбикиб: «Се бетатурли? Чинаба гIярбачиби? Чинаба илди гъуниббатахъес бархъибти нукерти, талхъа гъамти адамти? Сен ил гIяжан жагъил ХIяпиз сайцун гIелавяхI чарухъунси?..»

– ХIурматла талхъан! Иш хIед бархъибси саби, – ХIяпизли къачагъунала бекI Амирчупай бедибси суранна кагъар гъабуциб.

УчIукад Амирбегла куц-кабиз дарсдиуб: итира духънакадаибти дяхIла лишанти, гIебшнила дирихъли вацIа-къадаван, хумардешли дуциб, анда мучIу-гъучIубиуб, хIулбала хIер нур асибсилличи мешубикиб, кагъар гъаж-барибти някъби зер-зердухъун.

Бумхуси диндира гIашаили, муруйчи хIеррикIуси Издагай бусягIят ша-крикиб, ил гIяжан уршили гIяхIла хабар хили хIейъниличи.

– Се бетатурли, дила талхъан?

Амирбегли илис жаваб чархІебариб, сунечи хІерли, бекІ кьухІкабуцибси пакьир уршиличи дугьаизур:

– Къачагьунала урда лебси вацІализи гІелавяхІ чарухъес баладу?

– ХІурматла талхъан, ил секІал барес хІейрус: вацІализивад Карбансарай-лизи ваайчи ну илдани хІулбира дигьи гьунивватурра.

ХІяпизли къалабахІейкІули дихъала хІекьлизирти калунти хабуртира дуриб.

– Аргъира, гъанна хІу чарухъен хІела гІяялизи.

Урши, икрамбарили, талхъа тавханализивад дуравхъун.

– Ну гІязабмаруркІаба, Амирбег? Се бетаурли? Чинава нушала ХІямзат? – сабур каберхурли, гІурра дугьаризур Издагай.

Талхъай, дубхІехъили, хьунуйзи къачагьунала бекІли бархъибси кагъар гьабуциб, сай биалли, муцІурличибад хъатра чедибуркІули, улкьайличи гь-амиуб, дура хІеризур.

«Вай, Аллагъ» или, кагъарра някълизиб гъяжбарили, Издагай тахличи карииб, нургъбази кягІибти хІулбачи явлухъ гьамбариб.

ГІергъиси замана ил кам-гъамси анцІбукьличира жявли кІантІирикІулри, бусягІят биса чедашулри. Амирбег лехІкахънили илала къакъаракІни гьатІира чебирцІахъулри.

– Се бирида, дила талхъан? Сен гъайхІейкІулри?

– СейкІиша, дила ашна, балули ахІенра се бурусилра.

– Жан Амирбег, се-дигара бара, нушала ХІямзат чарвара. Верцахъа урши!

– Ил секІал барес гьамадли хІебирар, Издагай.

– Урши илди аллагъла душмантала някъбазив валтулрив?

– Нушала уршицун ахІен. Иличил варх Жапарра левси сай. Ил пьакьирла дудешра кавшили сай. ЦархІилтира кабушили саби... Гъанна наб илдала бегІтала дяхІличи хІерикІес сецад гІядаблил, хІуни балули риадри...


– Балулра, дила Амирбег, балулра. ХІелайчил барх дила уркІира децІла цІали алки саби... Къачагьунани дихъалис тІалаббируси напакъа бурхьиду?

(Хъарахъуд бирар)



Назмурти

ШапиГ МЯХИЯММАДОВ



ГЕХИЕЛ ТУГЪЛА

Дила цаибси игъбар –
Бархи хІу цугрикибси,
ГъалахІебла зурхІябван
УркІилизи алкунси.

Дила цаибси талихІ –
ХІела тІама аргъибси,
Чедаили шалал дяхІ,
Кункли ну арцахъурси.

* * *

БерхІила шалали
Шалабарибси,
Къиблаличир рургуд
ХІу хІерриуси.

ХІебла ранг дяхІличир,
Кункдеш – чархлизир,
Чархла ари – хІезиб,
ХІу – дагърилизир.

* * *

ДурхІнас хІябра дигахъу
Муридеш, кемпетуни,
ХатІала бегІтас – хъями,
Динна агълулис – балгни.

Наб хІела дугъби – мургъи,
БерхІиван ванал хІулби,
УркІила буцІар лами,
ТІагІям бизил хургурми.

* * *

Хъунул адамла хІерли
Вахъхи шалавирадли,
МурхъбикІули уркІила
Пикрумази баалли,

Багъи, тилади аргъес,
Илис жаваб чарбарес,
Дигайла урунжла шин
Мурили лерай держес.

* * *

Хапли бухъун бурямван,
ХІела гъалакси уркІи,
РяхІятбарес вируси
Ну сайра хІед мукІурси.

Лусенна уркІигъуна
Суайс жаваб хІядурси,
Нура – цІала тІякъгъуна,
Ванарарес хІядурси.

Дигайли ламдарибти
Дила чархла биркІунти,
ХІечи карцІайли сари
Цумлизи дикахъибти.

* * *

КарцІайли цІухдарибти
Чархла тумазирти хІи,
Сагъдиахъес я ахъри
Агара хІезиб ахІи.

Дигайла хъярхъдешла дуцІ
ГъалакхІели чархкадли,
Раши, дуцІ хІярхІביахъес
ДатдирхъехІе дашули.

* * *

Дигайла шаладешли
Дуги шалабирули,
ГъанкІ-бамсерира ахъили,
ТалихІчерли диресли.

Цунси галга бурямли
Гъамадли кабиркахъу,
Гъарил инсан цундешли
Вахъ кункли хІянирахъу.

* * *

Вари, хІуни рирули,
ВахъхІи цунни малтаба,
Гъарахъли риадлира,
УркІилизи калтаба.

Ца сайцун дигусили
Виэс хъунул адамла,
УркІилаб камхІебирар
Пикри мурул адамла.

* * *

ГІергъиси риганайли
Риэс мурул адамла,
Лерил гІямрула къасли
Бирар хъунул адамла.

ХІу дигусилис дигай
КІиркадара хІунира,
Дунъяла тІягІям касес
АкІубсину гъарилра.

* * *

ХІечибяхІ кацІибси ганз,
Вари, мабалтад дугІли,
ГІямру ардихулину
ШакхІейкахъили дягІли.

ГІямру шадси, чарх жагъси
Булбул, тІама малхІямси,
ХІела тІамала бакъес
Нура хъуликІахъуси.

* * *

Чи уркІила уцилри,
Далуйта чис ручІулри?
УркІила, чархла ари
Чила буцес дигулри?

Дила сарри хІу,
ХІулба ряхъибла,
ХІела сайра ну,
УркІи аргъибла.

* * *

Дигай талихІ сари,
УркІби аргъибтас,
Сари гъардизахъес
Къуллукъ бирутас.

Дигайла цІа алкунси
УркІи чехІебиуси,
Бура, гІур се чебаэс
ХІу илцадра хІерсири?

* * *

Араси уркІилизи
ХІури дяхъи барибси,
Дигайла цІа дишахъи,
Дила чарх бяргІяхъибси.

Хечила къасана
Гарчли бицѳибси,
Ганзмабирид уркѳи
Шаддешлизибси.

* * *

Ракѳили, наб хѳулби
Гьадуца шадли,
Катаба ну чузи
Къяпѳдарайчилра.

Беркунси ашарули,
Хѳер ну вргес умѳѳули,
Масхуртали, лякъирли
Даим хѳулруркѳахъули,

* * *

Хѳер – берхѳиван рурхѳули,
Уркѳи – бацван харили,
Лерил гѳямру деркѳлаби
Хѳед дигуси бирули.

Дила сабурла дазу
Кабурхахъис марикѳуд,
Сецад къасбарадлира
Ахир баргес хѳерируд.

* * *

Илала хѳячми сари
Хѳилизи мурхъдикили,
Лигала мехѳелизи
Жъвллил гъдурдиубли.

Хѳу гъанни хѳерируси
Хъябшли сайра, гъарракѳи:
Хѳерли, гъайли лъавара
Анѳкъили бицѳиб уркѳи.

* * *

Гъарракѳи, наб гъанагар
Харидеш хес дигалли,
Дигайли хѳулукѳахъес
Абалтул гъигъ лебалли.

Уркѳи-гъаргѳи дукелѳи
Гъадурцен хѳуни даим,
Рикѳен: «дила шъгѳирри».
Марикѳуд «сайри гѳялим».

* * *

Илхѳели гъавла цѳуэр,
Акѳубли, урцар набчи,
Ахъдирахъура кѳелра
Дигайла зурхѳябличи.

Уркѳбира къасанира
Цадиубли диалли,
Бухѳнаб уркѳи бумхѳули,
Кѳили гѳямру дуркѳалли,

* * *

Ил саб дигайла улка
Пачара халкъра цаси,
Гъуни ахъибхѳелира
Гѳямру гѳелар кавлуси.

Хѳела гъайла мягѳни-хѳял
Хѳедала нуни къяйда,
Хѳила тумази алтѳан
Хѳела хѳер тѳяп нур къяйда.

* * *

Дуги-хѳери духъянни
Кадилзалли дус къяйда,
Хѳу агадли, баладу,
Гѳямру декѳтил секъяйда?

Чедиути къяйдали
Зубарѳи гъамѳи ахѳен,
Хѳерэсван барес хѳянчи
Аргъа гъамадси ахѳен.

* * *

Дигайла нигѳматуни
Лебтас гъарзали ахѳен,
Дигукъи, гъарзадарес
Лебѳа бирули ахѳен.

Рахли, гІямру дамкърли,
АнцІкѣи имцІадиалли,
ГІяхІти къасанала хъу
Хъябхъяливан диталли.

* * *

Илдала къиян-жапа
ХІярхІдирид ца хІуницун,
Калун гІямрула гъуни
Ихъис нуни хІечилцун.

ЖагъхІели дагъри сархес
ХІела къас гъарбизуру:
ХІянхІели сабухъ бучес
Вируд урузхІекІули.

* * *

ИлхІелира гъандиркур
ГъархІедизур къасани,
ХІяндешла талихІ кункли
Хъумуртахъу илдани.

ХІела бамкърси хІерли
БегІ гъалав ну вяхъира,
ШалгІеббухъун талихІли
Ну цунватни багъурра.

* * *

Бура, бархъсив, ахІену
ХІечила дила гъанбик,
БяргІилив уркІи, анкъи
ДуцІар дигайла цІабилкъ?



Тавсултан СЯГИДОВ



НЕШЛА ЮРТ

Адамгъуна буили
Саби илала юртра:
УхънавайбхІели вегІ,
Бухънабиулиилра.

БегІтала юрт баргира
Хъулив чилра агарли.
УркІи тІутІукабиуб,
Дирхаирая, марли.

Азбарлизив курега
Цедешла пяхІбирулри.
Галгала удир илди
Имиула дугулри.

Багълали ганзикІули,
АйцІулра нешла хъули:
СягІятли тІинкърличил
Манзил саб сабирхъули.

БяхІличиб субхІян саби,
«РегІ чинара?» – бикІули.
Дила нешли хІерирар
Унза бекІлил гІейкІули.

«ХІераргирагу хъулир,
Марли, хІу чинар сарри?
Хъулиб ванали саби –
Чинаррил, мякълар сари...

Тахлииб бусули саб
Буртла юлдаш житара.
Кайасли хІядурли саб
Ціала мякълаб утара.

КіабатІлизиб хамир саб
БерхІили тІембикІули.
Карилабад ил хили
АхІен бахъхІи биубли.

«Диур, неш, гъанна нуни
Дура духиб гъундури.
ГушхІейэс даибтигу
КІел гІяргІяла гидгари».

ХІела мякълав хІериз
Сайра гъанна разили.
Лерилра челукъути
Сайра гъанна арзили.

ТалихІ баргес умцІули,
ГІямру сари аркъули.
Ца бархІи беркІес диги
ХІела мякълаб акъули.

Дила кІелцад хІелара
Лер дургар челукъути.
Раши пикридулхъехІе
ГІямруличи аркъути.

ГіугІубикІахъес нуни
Бургис барскъа дагъара,
БевбикІули дигулра
Азбарлизиб бугъара.

Буркъунза гъаббакІес хІед
Унрубира агара.
Ишар калес сабабти
Дургид сецад-дигара.

Вегла анкылаб гъава
Буили саб т'яг'ямла.
Хечил лякырик'ули,
Кайилра ц'ала мякъла.

Байхъу дунъя нунира
Ургус чедибяхъили,
Дигула х'ела мякълав
Калес урдубяхъили.

«Вай замайзир ак'убти»
Бик'ули саби нушаб.
Чихъали се бик'алра,
Г'ях'ил саби наб ишаб.

Алк'ул манзил чеббирк'ес
Чихъали сарра нуша?
Х'еб садиур, чат'али
Бурхлиуб пукъа луша.

Лертиван дилзули сар
Юртлизир дудешла рух'и.
Миц'ирли лералцадх'и,
Жетх'ерех'е юртлис урх'и.

Талих'лис г'ергъидихъи,
Тут'ули сарра дурх'ни.

Гъаларван, киса бац'ли,
Аркъули сари бурх'ни.

Рух'лизир дургъули сар
Нушала дух'нар дургъби –
Детахълуми дуйг'ули,
Керт'ула дуц'ар нургъби.

Г'ях'си барилри х'уни
Мях'камбарили иш юрт
Г'урра разибахъес
Лугех'е житалис бурт.

Х'ябилра чарх х'яйбалтан,
Белч'алли илини къур,
Я юртличиб х'ебалта
Сеналра вац'нала къур.

Лебил дунълизи леб,
Неш, нушала бухъна юрт.
Ишаб талих'и бургула
Музаухъаспира мурт.

Иш юртлизир г'урра, неш,
Бикес дурх'нас барес мекъ!
Х'яжланк'ила хинк'и барес,
Лерал дургар х'ела декъ?

МАРЛИ СЕ САРИ ДИГАЙ?

«Дигай дихъилра» или,
Ца пакъир висули сай.
Илала се изулил
Х'ебала цалра инсай.

Дигайли бик'ули саб,
Арцан къяйда, урцахъу.
Дигайли бик'ули, саб,
Бяхъибсиван кармакъу.

«Дигай дихъилра» или,
Вик'ули сай ца далай.
Дигайли царх'ил пакъир
Мех'урсиригу тамай.

Дигайли, бурули саб,
Щализи ветицахъу.

Дигайли, бурули саб,
Чакар къяйда, вицахъу.

Дигайли, бик'ули саб,
Гъар сек'ал хъумуртахъу.
Дигайли, вайдерхалли,
Дунъя булан булъхъахъу.

Деркес – илди къац'и ах'ен.
Держес – я шараб ах'ен.
Илди чинар дирутил
Багъес вирули ах'ен.

Дигайли савцахъили
Калун, бик'ар Батирай.
Дигайли къагъварили,
Вик'и, бик'ар, ил далай.

МяхІмудлисра дигайли
Агъула умеГІ бицІиб.
Дихъиб дигай хІехъили,
Чумилра хІябли буциб.

Чум журала дирутил
Илди балул агара.
ЦацабехІ илдас бикІар
«Сари дуркъа авара!»

ЦабехІ бетарули саб
ЦІакъ дигайла ясирти.
Дигайли балхІебала
Давлачехти, мискинти!

МуцІур-супел хІяна сай
Дигайли гъавуцили.
Чили бала лайикІул
Дигайли лардяхъили?

Къабулданти булан сар
Дигайли къагъдирули:
Ца бархІи хІердиралра,
Дигай сари дирхъули!

ЧердалкІи-мага дурги,
Илди набчира дакІиб.
Дагъурли валкъаайчи,
ЦІуэрван, кункли дебшиб.

Чизи хъарбаадлира,
Хабар саби буруси:
Илди сегъунти сарил
Агара гъеч балуси.

Ца – илда «вигубли» сай,
Итил – «арцахъурли» сай.
«Агъ, дила дигай!» или,
ХІябъибил висули сай.

«Дигайли сагъварира!» –
Къаршиикиб викІуси. –
Илда вархъватаслири,
Жъявилл сайри убкІуси!»

Цали – михъирлизибси
Дихули сай уркІилар.
ЦархІил гераили сай,
Дяхъили дигайли лар!

Агарти диаллири,
Илдачила гъайбикІив?
ЦаликІун аргъили сай,
Дигайла «ГІяшти шив-кІив».

«Дигайли дяхІ сегъунтил
Нунира бурес хІейрус, –
ВикІар набзи ца ухъна,
Улкахъули папурус. –

Илди набчи хІедакІиб
ДигІяй яра дакІули,
Амма дигайлизивад
Чеира ца убкІули.

ГІябдуразакъла дигай
Ардухибтири дяГІли –
ХІебиалли лерти сар,
КъакъавакІилри дугІли».

Дигайли хІергибсилис
«ДугІли хІериуб» бикІар.
Дигай агар мерличир
Вавнира тІемхІедикІар.

Ил дигІяндеш багъалли,
ГІямрула тІагІям булъан,
ХІериэс булан иштяхІ,
ГІинизла шинван, белгъан.

Илди се сартил бурес
Агара дила ахъри.
Илдачила хабурти
Сари дила бицІахъри.

Дигайли, дила узби,
Аллагъличичи вилахъу,
Дигай музадухъайчи
ХІедухъар чилалра хъу!

Проза



Хадижат ХІЯБИБОВА

ЧАРБУХЪНИ

(Хъархъуд)

Зайнутдин дуцлухъи СалихІра кавкили вакІиб. Абзур бархІи разиагарли калунси Зайнутдин гъанна сакІуб. Хала дудешличил къацІлира укун. Илис сай халавайбсиван бизур.

ХІера, дургъби тамандиънила хабар, хІебла берхІила ванадешван, бигесли гІяйкабиуб. Адамти цали ца мубаракбирулри. Лебилра разилири. Байрам-сун балкъаурлири. Душмантазибад азадбатурси ВагІайчил дарх халкъла уркІбира датдухъун. Шимази мурул адамти чарбулхъескабииб. Ата бусягІят чархІевхъун. Ил ца дус гІурра тІашаиб. Гъар чарухъунси чеалри, Патухли ГІябдуллатІиплис биса бири. Ата чарухъунхІели, таманни умут бердибти неш-дудешли ГІябдуллатІиплис бебкІалис дирути лерилра секІал дариб, амма умут бердахъили ахІенри. Бахъал цархІилталара лебри чархІебухъунти. Пе, дургъбани дурхІни хІебиркъу, баркъибтира къяриу, – бурули бирар халкълизиб.

Таксырагар ясирти ца-цали чула мер-мусаличи чарбирескабииб. Къайыпбегхъалара умутла шала лебсиванри, ва саби мурт-биалра чула ВагІайзи, дурхъаси Хайдакълизи, чардирура или бирхулри. Илдас гъала-гъала Султанат рархъес дигулри, хъулри, мер-муса, саби бакІайчи хІядурдарахъес, Заитбегхъайчи урдихъибти мургъира, илдази дедибти секІалра чардирар или.

Мургъилис чумал гІяхІти хъали асес вирар, – икІулри Къайыпбег. Чула лебилра цІакъ бяхІчаиб Султанат Дагъистайзи даимлис рархъаахъес.

Султанат цархІилтачир гІяхІил рузулри. Ил гъар замана шабагъатлари-рулри. БегІлара дурхъаси шабагъат – ВагІайзи рархъни сабри.

Ахирра Султанатлис ихтияр бедиб, ВагІайзи чаррухъахъес. ДурхІяра дуклавлі, кам-гъамти секІалра чули лебтанілра дарибти арцра кадухили, ил Мажалислизи ракІиб. Рархъли рузичи хъурариуб. Илдала гъаларла хъулри цархІилтани асилри. Марият, Султанат ракІни багъурли, Гулжанатличи ара-цІиб. Султанат Мариятличи рисули хъябруцрикиб. ХІябалра бахъхІи бисули калун. ГІябдуллатІип къел-хІерзи агарли ветахъниличи илдала уркІби дирхули ахІенри.

– Нушара дахъИи хЕдирхули калунра. Ну гъаннара рирхули аХенра. Чинав-биалра лев бикІули саби дила уркІи, – рисули гъайрикІулри Султанат.

– Дилара уркІи бирхули аХен, бархъли бурасли. Ну иличи хЕрлира, –рисулри Мариятра.

– Дила игитси, цІакъси, къугъаси, духуси узи чилилра кавшес хЕйрар, – Султанатла тІама гъатІира ахъбиуб. – Ил чарулхъан.

– Ил чарулхъуси виалри, чарухъес замана баили саби, – рехІрихъиб Гулжанат. – ХЕла къуллукъ саби, Марият, амма нушаб дигахъира, хІу хъ-аллариубли. Нушала ветахъиб. Иличил рарх хІура ретахъили хъалли, селра барсбарес хЕдирехІе.

Марлира, Мариятличи чула шанти, дура шантира балли сукнибизур. Мариятли шери рукъес къабулбирули аХенри. Рирули аХенри цархІиличил хъалицІа дуцес.

– Агъ, хІябра цагъунти дуилрая хІуша! Сецад къугъати, гІяхІти, бялхъя рурсеби лебри итабра? Сецад ГІябдуллатІипличи гІяшикъбиубти лебрил. Се икІуси? Илди наб рузбиван саби, – икІи, рузи ребкІ. Чилра къабулхЕрариб. ХІу шери рякъун или чилирил хабар кабухибХЕлира, вирххЕур.

– Къянби сари дурути. Сен ну виргІякаргусира хІушани? Нуни балулра, Марият чисалра шери хІякъян, – икІусири, рузи ребкІ. Султанат гъайрикІухЕли, лебилра ахъли бисулри.

– Итар гелешмеш раргили сари ГІябдуллатІипли или, набчира дакІиб хабурти, амма ну рирххЕурра.

Илди гъайбикІухЕли, Гулжанатла уркІи бургъескабиб. Ил илдазирад урузкІулри, сенкІун хабурти датиан сари сарри.

Султанат ракІили багъурли, цархІилти тухумтира башескабиб, амма мяхІкамли. Гъар вакІибси чеалри, Султанатли биса тІашаэс рирули аХенри. ВатІайзирад декІаррикибХЕли, уркІи гъяжбирули, нургъби дурадиркути аХенри. ВатІайзи чаррухъунХЕли, уркІи батбухъун, дагдохъун нургъбира. Илдала ахир аги, гЕбшнила кадашутти чяхІ-забванри. Разидешла нургъ-бани-декІар уркІилис декІдеш бихули аХенри. Гъар биса баралри, уркІира батбухъи, паргъатбирусиванри.

Чули бузерилизир дарибти арцлис Султанатли гъала-гъала сунес хъали асиб. БегІасра асиб. Атасра декІарли асиб. Уркарахъи Залбегхъайчи урдихъибти секІал лерал Султанат рякъун. Дургъбани ибгилри Исабегра. Илала неш усалриубли риштІакараибсиван сарри. Залбег уршилис къадин чеббирцІис или, сай гІяхІулали, душмайчи къаршили ургъес арякъун. Илис къадарбиуб хабарла нарт Къара Къараевличил варх ургъес. Дусцад фронт-лизив кали, зягІипикиб. Хъули чарухъун. ВахъИи кахЕли, вебкІиб. Халум рисули, ил хабар буриб. Гъар чина ласухъаллира, бисара децІра сарри. Халумли Султанатлизи чучилара бурахъиб. Се мурадли ракІибсил хъарра хЕбаиб. Султанатлисра сари ракІнила мурад бурес адаббизур. ПЕРГЪИЛА бархІиалра илдачила гъанбуршу или хЕрлири. ПЕРГЪИЛА бархІи Халум къачагъуначи ретаиб. Гашазиб алхунтачила буриб. Халумла, Исабегла дурабад, гІурра авал дурхІя лебри. КІел гъатІи уршира, кІел рурсира. Сари виштІаси уршиличил хЕррирулри. Ургавси уршира хъаллаварили, сунела сагати хъулразир хЕри-рулри. Рурсебира хъаллабарилри.

Сари ракІнила мурадличила хЕбагъахъурли, чаркариуб. Рузи иличи рехІризулри.

– Сен хьархЕбаири? Сен сунези дихІяхъес дедибти секІайчила хЕбурри? Ил багъандан ахЕнрив хІу икІа рякъунси?

– ХЕбалас, сен селра эс хЕриубрал? – иб гІяшли Султанатли.

– Тамашала адам сарри хІу, Султанат. Се мурадли ракІилрил хЕбагъахъ-урли, чаркариубри.

– Сунени хЕгили гІергъи, ну диха сен рикІиша? Сунени ну сен ракІилрал хьархЕбаибхЕли, нуни сен-сен буруси? – пикриличил иб Султанатли.

– ХЕбиалли нуша кІелра аркъехЕ иличи. Нуни чедетаахъили лерилра дурис.

– Дила пикрили, нушала секІал чархЕдирар, – Султанатли Халумла гъай-лизибад ва шикълизибад аргъиб.

– Сен чархЕдирути? – тамашали хьарбаиб Гулжанатли, – хЕзи се-биалра ибу Халумли?

– ХЕили хъалли, аргъеслири. ХЕд бигуси бара, амма ну рирхули ахЕнра илини чардирниличи.

– Илала хъулразиб нушала селра агив? Цалра къалтин яра сумахъ, я уди чІябарличи я бяхІлизи чебяхІкахъили чехЕбаирив хІуни? НушалакІун илди дахъал лертири. Се дарили гъатІи 15 къалтин, гъалцад сумахъ? – Гулжанат тамашариубли, Султанатла хІулбази садемцІурти хІулбачил хЕррикІулри. Султанатла хЕр хумарлири. Тамара Гулжанатлаван бялхъа ахЕнри. Ил паргъатлири.

– Цалра нушала къалтин я нушала цархІил секІал илдала ери-юртлизиб аги. Нуни нушала секІал гІяхІил далас. Дудешли ХІяштархайзирад садухибти дурхъати къям-кІуцІул, тІусри – селра илдазибад аги. Бархъли бурасли, гІурра икІдачи арацІес наб хЕйгулра. Рукъес дигули риадли, хЕла уршиличил рах рукъен. ХЕд дигуси бара, амма дугІла шикъ детарар. Селра илини нушала чархЕбиру. Залбег мицІирли виалри, ил декларси адам сайри. Илини селра хЕбатурли чардири, амма Халумли селра чархЕбиру.

Гулжанат, илдачи хІярякъи паргъатхЕриуб. Халум Гулжанатлисра дяхІ шалали гъунираиб. Иличибра чула бекІибтачила, алхунтачила биса бариб, сарира цархІил гъайлизиахъиб. Сари сен ила ракІибсил пикрирухъахъес я бурахъес мугълат лугули ахЕнри. Биалра, Гулжанатли илдачила гъай дехІ-дихъиб:

– Ну нушала секІал чардарахъес ракІибсира.

– Гъуя, дила рузи, къачагъунани паргъатдеш лугули ахЕнри нушаб. ГІяхІси ибси секІал, хъулрази башули, ардихутири. ИмцІати илдани ардухиб. ДурхІ-нира нура гаша хЕдебкІес сяхІ анкІилис дарсдарибтира диуб, бархъли бурасли, – аргъахъиб Халумли. Ил гъайрикІухЕли, Гулжанатла хІулбази рахъли хЕррикІес рирули ахЕнри. Рагъеслири къунби дурули риъни.

– ХЕбиалли, нушала ибси ца селра кали ахЕн? – гІурра хьарбаиб Гулжанатли.

– Селра кахЕлун, рузи. ХЕръа, дила хъулри дацІли сари, – Халум аризур. Гулжанатра аризахъурли гъар хъули рукиб. Лерилра хъулри хЕрдарахъиб.

– Мургъили бицІибси хъабара лебсиригу нушала, – хьарбаиб дацІти, амма халати хъулразирад хъулрази Халумлис гІергъи ратрихъибси Гулжанатли.

– Мургъила хъаба? Нуни иличила балуси агара. Залбегли иличила селра хЕбуриб. Биалри, буригу, – гІурра къунби дурес рехІрихъиб Халум. УрхІла секІайчи гъаргъдешли бицІибси уркІилизи серил дигІянбирули. Детахъиб

нушала гъар секІал. Султанатли багъур къалли, ишини селра чархІебирни. Марриэс Халум хъями-цІамариркъескарииб. БекІли рирхъен, селра бареси я законнашал, я шаригІятлашал, я маслигІятлашал кахІелун. Гулжанат иларад чаррухъун, бекІлил хІяркъунси риасри ибси пикриличил. Ца шайчиб, рьяки гъар-се секІал дагъни гІяхІси саби. Дагъурли-декІар се дирутири илди гІягІниагар гъай?

Султанат чула колхозлизи карерхур. Ца къялра асиб. Гулжанатличи уршира хъарирули, гъар бархІи хІянчиличи рашулри. ХІянчилис лукІути къиянна бурхІни сарри.

Илди къиянна бурхІни хІясибли ризкъи, цІедеш ва цархІилтира секІал лугулри. Султанатли гІяргІя-дагъа, маза-мас адилкъескарииб. Сунела хъулибра хозяйство тІашбатур. Цагъачам иличи сунени хІебалуту адамти сукни бакІиб. БакІибтани буриб:

– Къаттигнавра урибси Тазайла урши МяхІяммадхІяжичила сари гъай. ХІечила нушази буриб чІивран Насруллагъли. Илди хІушала дудешхъала гІяхІли сабри. Нушала МяхІяммадхІяжис ца хІянчизар, духуси хъунул ригулра ибхІели, илдани Султанат руриб. Къабулриркурал дакІибтира.

Гулжанатла чи левал хъар-хъардаиб.

– Илала узби-рузби леб. Сунела ца дурхІя лев. Илалара хъунул ребкІиб. Тиладибирулра, къалабадикили, пикрихІедухъи, нуша чармадираба. Нушани иргъулра, хІушала бегІтира чарбухъи ахІен. Нушала МяхІяммадхІяжира ишав, Мажалислизи гечиубли, хІерирули сай.

Султанат, илди лебси хъулир тІашхІеризурли, дурарухъун. Илгъуна гІядат сабри. Рурсиличи сукни бакІалли, ил хъулир рууси ахІен.

– Нуша хъунул адамти сарра, нушазир ихтиюрти камти сари. ХъарбиэхІе гІелабти се бекІарал. Сари Султанат се рикІарал. Неш-дудешлизира балахъехІе. Илди Насруллагъли балуту биалли, дудешлира багъес гІягІнили саби. Насруллагъли нушаб вайсира хІебиру, – Гулжанатли бяхІихъан гъала тІинтІ-бариб, беркала кабихъиб. Цакамси гІурра кабиили кали, бакІибти арбякъун.

Гулжанатли МяхІяммадхІяжи чи саял, се саял гІяхІил вагъур. БегІтачира кагъар бархъиб. Къайыпли Тазай гІяхІил валусири, чула хала бегІтала гІяхІял сайри. Султанат шери рукъяхъес магъарлис пурбан балли батаиб. Султанатли сагати хъалица дуциб. МяхІяммадхІяжини асибти хъулри биалли, сунела гъалавла мурулла бегІтала сарри. Султанатлизи неш или дугъаилзулри угай урши Тазай. МяхІяммадхІяжинира Зайнутдиннис дудешла мер буциб. МяхІяммадхІяжи Мажалисла колхозла мазала фермала заведующийли узулри. Гъар замана фермабазибра хъарахъуназибра бири илди. Илдала ца гъатІи урши акІуб.

Султанатли уршилис ГІябдуллатІип абихъес хІериуб, МяхІяммадхІяжини ил у маслигІятбариб биалра.

– ХІерирус нуни ГІябдуллатІип абихъес.

Рузис гъанбиркулри ГІябдуллатІип чилилра кахІершу или. Хабар аги илис, сецад гІязизтира цІакътира хІярхІяли кайснила. Чумал бургъан, чулара цІудара бекІала кагъурти дакІили, саламра барибти, дургъби тамандиубли, гІяхІцад замана дикибхІели, чарбухъун. Илдала гъай хІясибли, пленнизи бикибтас ихтияр бедибсири чула ВагІайзи яра чус дигуси цархІил улкализиб тІашбизахъес. ЦархІилти улкназиб калунтира биуб. Султанатла хІясибли, ГІябдуллатІип чидил-биалра улкализи мерлавиубли урги. Илра, цархІилтиван,

чарулхъан, рикІулри. Вирибара илцад сунела ВагІайчи карцІси, сунела халкъ дигуси ГІябдуллатІип чинав-биалра калес?

Ил секІал нешли имцІали иргъулри. ГІябдуллатІип мицІирли дунъяличив левли, сунечила хІебагъахъурли хІеъи.

Султанатли сунела узила у абихъес къабулхІебарибхІели, МяхІяммадхІя-жинира селра хІеиб. КІилинилра къабулбарили МяхІяммад

бихъиб. Султанат бегІтачилара пикририкІулри, ва илди чарбиахъес гъаман органтази рашулри. Ил шайчив кумекикІулри МяхІяммадхІяжира.

Мариятла ГІямрура илцад тІяГІямла детхІеур. Илис бекІлил шери хІяркъи руэс дигусири. Дургъбала дусмачирад гъанна бикайчи ил учительницали рузулри. Буйнакъсклизирти учительтала курсани делчІи, гІур заочноли институтлизи карерхур. Институтлизир ручІухІели, иличи ца дурхІя ГІяшикъиуб.

Сепайда, Мариятла уркІилизиб цархІиллис мер аги. БелчІуди даимбарибсира ГІябдуллатІиплис къадин сабри. Илис урус мез дяркъес дигусири. Илбагъандан, Марият урус мезла учительница ретаур.

Ил шери рукъяхъес неш тиладирикІулри. Рурси сунечи гъамрарили, чуй-наалра дурибти гъай тикрардариб.

– Нуалра язихърараба. Дила ГІямру ца хІела дяхІличи хІеррикІули ар-дякъун. Аргъа, дила рурси, дякъличиб цунси галга дугІбани даим бирхъу. ЦІуръавиубси адам шишимта жявли урцу. Гъар дехІибалала гІергъи балгна-зир хІу гъанруршулри, талихІчерси риахъес. ХІу риштІаси рурси ахІенри, хІези ну махрикІес. ХІу мехІур ахІенри, хІези гІякълума ругъес. Набчибра хІуни гІяхІли иргъулри, далулри. Балулра, балулихъалли, хІура селичирил хІерлири? Чичи? ГІябдуллатІипличи хІерли калунри. Ил гъанна дунъяличив агара. Дила пикрили ГІябдуллатІипли хІед илгъуна хІукму хІебири. Илисра хІу талихІчерли дигахъусири. ЗаманакІун аркъули саби. Ну зягІиплира. Багъес хІейрар се бетарарал. Дила мякълар дугелира хІерелира хІу лерри. Нуша цали-ца гІердурцули калунра. Ну агархІели, хІела унза киждаресил атхІейхъур, шинна кІантІ гъабатеси хІергид. ХІела я, узи я рузиалра биалри, ишцад децІхІерикІаси. Дила ахІер, рукъен хІечи мешусилис. ХІела мякълав адам виубли дигулра наб.

Марият нешличи ГІяшриуб. Андаличи байрикун. Пишряхъили:

– ГІяхІна, неш, хІу рикІуси бирис, сецад наб къиянни биалра, – иб ва аризурли, улкъайла мякъла, дура хІеррикІули, тІашризур. Чина саррил гъарахъли хІеррикІулри. Рахъ цІакъли пикрилизирикнили, чина ва селичи хІеррикІулрил балули ахІенри.

Мариятли сунела ГІямру цархІил адамличил муэрлизирра диахъес рирули ахІенри. ХІейгуси адамлис шери рякъи хъалли, сен-сен хІерриэс рирусил балули ахІенри.

Тамашабизести саби цацабехІ адамти. Ца адам уркІили къабулваралли, цархІил адамлис мер кахІелни. ЦадехІ дигай. ГІур се бетаурли хъалли, цархІилти агара. УркІи сен илцад къиркъирбирусив? Сен илаб цархІилтасра мер хІебирусив? Сен цацабехІтала дахъал дигай лерли, цархІилтала цадехІ ахІи агартив?

Мариятлира цархІилти дигай даргес рирули ахІен, тѳп ГІябдуллатІипливан. ГІябдуллатІип хІулбала гъалав тІашсиван сайри. Гъандикиб илала къугъати делхъ. Ил дураухъалри, делхъ дарес чумал рурси гъуцІбулхъи, иличил делхъ-лизи кабухъес. Гъанбикиб чула класс. Чула классла дурхІназибад кІелцун

сабри дургъбазибад чарбиубти. Дурсри агархЕлира Марият чула класслизи ариџи. Сунела цаклассланги кабирути партабачи хЕррикИи. ХЕра, Каримра ГЯбдуллатИипра кабириси парта. Темирханнара ГЯбдуллатИиплара къалмакъ-ар. Балулри Мариятли сари Темирханнисра ригахъни. Лерилра къалмакъар ил сабабли алкИнира балулри, амма ГЯбдуллатИипли балули ахЕнри. Класслизи дарс кабихъес араџалри, ГЯбдуллатИип ца парталичи кайили левсиванри. Ил багъандан биши, Марият дурсрачи дебали чекаризурли ририси.

Класслизиб хЯбал ахИи рурси аги. ХЯбдилдра институтуни делчIун. Хади-жат тухтур ретаур. Къистаманра учительница сарри. Къистаманра Каримра цалис ца дигахъниличичилра шакикесли ахЕнри. Дургъбани къяраиб Каримра. Къистаман цархИллис шери рякъун. Илала кЕл дурхИя лебри. Хадижатра чула шаннис шерир сарри. Илди МяхИячкъалализиб хЕрбирулри. Марият сарри цунни калунси.

– Гъанна цаибил чи сукни вакIалра, илис аркъяс, – пикрибариб Мариятли. Неш базцад зягИипли кали, гIяхИла шайчи ласрухъун. Таманни гIяхИхериубли хъалли, дурарулхъи. Хъунул адамтачил гъайрикIухЕли, Мариятличила гъай дехИдихъиб. Илини илхЕли ибсири:

– Гъанна чи сукни вакIалра, разили сари рукъес. Гуждан гъай дурабикахъира.

– Гур се бириси? ГЯбдуллатИип дургъбазив кавшили виалли, чичи хЕрли карибси ил? – рехIрихъиб гъести Гямрула унра, – сунечилара пикрирухъес гIягИнили саби.

– ЗягИипси адам гъмхЕрукIахъес саррил, яра ну гЕрруцес саррил хЕбалас, къабулдешла гъай дурабикахъиб, – иб Асиятли.

БусягIят ил хабар шилизи гIяйбиуб. Мариятличила сарри гъай. Бахъалтани ил гЕрруцурли. Бахълис ил шери рякъи дигулри. БусягIят сукни бакIиб. Илис гЕргъи чумал гIурра бакIиб. Мариятли ибсири, чи гъалав вакIалра, илис аркъяс или. Гъалав вакIибси зягИипси адам сайри. Илини хъунулра карибсири. Хъунул рахъИи хЕруили, иличирад аррякъун. Гъанна веџал дусра имџалира хъунул агарли хЕрирулри. Илис хабар аги сунес Марият шери ляркънила. Мариятли сунела гъай къянахЕбариб.

Уршила бегIтани мекъ къалаббариб. Илдани дирутаци Мариятла гъай аги. Дебали къалабали сабира балкъаур. Адамтира бахъал аги. ГЯбдурязизла шайчиб камлири, сенкIун илини кIинайс хъунул карирулри. Мариятхъала шайчибра камлири. ТIалаббариб Мариятли сунечил бузутира ва дебали гъамти тухумтира. Мекъ бемжурси ахЕнри, амма мез демжурлири. Бахъалтас хЕйгилбулри, ил зягИипси адамлис аркъни. Нешли гIурра имџа гъай дарес хЕриуб. Рурсила гъай дурабикили лебай, бекIрарес къалабарикиб. ХЕйгилбултуртала лугИилизи каберхурлири Гулжанатра Султанатра.

– Се саби Мариятли бириси? – бикIулри илди. Илдала пикри хIясибли Марият талихIчерли риалли, ГЯбдуллатИипла рухIра паргъатли дирар.

Чилалра ташмишдеш аги ил талихIчерририличичи. ХIяџIанну шура дусла Гямрула ГЯбдурязиз урегIали-верхIџали дус виубсиван кайзурлири. Нешла хЕрличил хЕррикIулри Марият сунела муруйчи. Ил дебали зигарикIули вири, имџали дугила замана. Язихъилзулри. Районна больницализи кайхъахъун. Камси хъулиб багълабарахъили, Дербентла больницализи укиб. Сари ГЯбдуллатИипличил ахИи, цархИил муруйчил сен-сен хЕррирусира, рикIули деџлизирси адамлис цайналра уркIиличи бакIес замана хЕбиуб, сунела мурул игахъулил ахЕнал. Илала изай сарира къакъаракIахъили арбьякъун дус. КИибил дус ГЯбдурязиз вебкIиб.

Хаинутиннис, Гябдуллатип арякунмад, Марият кариэс дигусири. Илини чуйнара сукни бархьиб. Мариятлис биалли иличила бакьесалра дигули ахенри. Мариятли ил сунела душманван чейулри. Мариятли багьурси ахенри, Къайыпхъалара илалара ургар диубтачила. Амма се-биалра, ил урклили къуртирули калун. Иличил сунела яхши-хушра хедери. Мариятли сай къабулхерира или, Хаинутиннис сунечир гяхил риштаси, амма дебали жагаси рурси ураркьиб. Ил дусмачи араибхели карииб.

Мариятла мурул вебкибхелира, Хаинутинни Марият кариэс пикрибариб. Школализирад сарицун чаррирули чераили, иличил гъайкавхун.

– Дила урклили беггьалар къабулрарибси хьунул адам ху сарри. Нуни ху цаличиралра гяхил херрарес вирус. Хуни ца гъай гадли, нуни бусягят хуна къуллукъ таманбирис.

– Хуни хебалулрив, ну хед, карушили хьалли, шери хьякни? Шери ракес чина, хечил гъайрикес балли хейги наб! – къанткадариб Мариятли.

Гъай-мез гурра дахьдиуб. – Неш шери рукьен риклхели, рякунра эс, зягипкарлис рякунси рурги Марият, – биклури цацабехти. Хьяркъи руибси риалри гяхсири, илгуна адамлис рукьесичиб, – биклутира лебри. Къадурти гяхти делки ахен Мариятлис, – биклури итилти.


– Чи сая, гъати, Мариятла илгуна къадар биънилис гяйибла веги? Чум адам биалра, илдицад къадуртира дирути сари. Къадурти дирути сари гьардизуртира, гьархедизуртира.

– Дилайчирра къиянти гямрула бегти бирути саби. Някъбира лер, къяшмира лер. Арадешра леб. Дила хура лерри. Гур се гягнисси адамлис? – риклури Марият неш паргъатрияхес. Цацахели илала урклилизи тамашала пикруми дашулри. – Дила къадурти нуни деклардарибти саригу. Рираси Гябдуллатиплис херли кахериили, варгили наб виэсира, хьалларис. Ну шери аркъухели, балулри Гябдурязиз зягипли виъни. Ил вахъли херхейрни. Балубли хьалли, илис шери рякунра. Чизи гярзиклусив, вегла къадурти вайти сари или? Цархил тяхярла пикрумира дашулри. Юх, илди секлал набзи хьардаили, яра нуни далдушили детахурти ахен. Чили детахьалра, сенсен детаалра, Мариятла гямру хьалицализир минахедиуб. Сецад багьуди лебли хьалли, сецад хурмат-къимат лебли хьалли, сецад тухум, узи-урши лебли хьалли, хьунул адамла талих – гяхти хьалица сари.

Кел дус ардякъи, Марият гурра шери рякун. Загьид иличив шел дус виштасири. Ил дебали сунес валикибси адам сайли увухун. Кел рурси цалис гьегъи ца аклуб. Асиятла разидешла ахир аги. Илди имцали сунечиб хербирулри, Марият школализи рашахули, Загьид деклар-деклрти хянчурбазив узули вирусери. Ил уста адам сайри. Узес или Дагъиста цархилти мераначи ахи, гьарахъли Россияла мераначира ваши. Туркменистайзи, Узбекистайзи ветии. Янила замана арцличил, гяхти палтарличил, чянклили ва цархилти секлай чомодантира дицили, чарири. Илди цаличибалра гяхил хербирулри. Амма къадуртани Мариятлис иш гьаклисра гьунгелти хядурдарили ахенри. Лащичивад увяхикили, чумал бархи декли кали, Загьидра вебкиб. Вебкиб, цалис гьегъи ца аклубти кел биштлги рурсира гелаб батурли. Халалгуна Саняат авал дус рирулри, риштаси Издаг – кел дус. Мариятли гур хьалица хедуциб. Рурсбази гяхси багьудира касахьиб. Хьалларабариб ва рахъли биштлгачил рарх херрирули Асиятра калун.

(Хьарахъуд бирар)

**МяхИаммад
ТАХСУРМАНОВ**



ДИГАЙ

Повестъ

Мусани ПатИматлис ца дус гъалаб урга даражала школа ахъти кыматуначил таманбариб. МицИраглис тухтурти хИядурбируси факультетлизи керхес «авла» кыматуначил имтихИанти дедиб. Амма сепайда, конкурс хИясибли ветхИерхур.

– ХИяй вегИебш, «къакъ» я кисни гИягИнили дуили! ГИяшбуцили бекИра, цИакъли дигиаурси институтра тах шагъарра датурли, чатГали леслизи пукъаван белшунси сунела ахИерси шилизи чарухъун Муса.

Гела гИебшнила замана сабри. Дирихъмабиркъули вязбикИуси, бамкъурси аргъ сабри. Ил замана, гИядатли биубли, гумайла чукурбикибти дубурланти чедаибти-дакъибтачила иштяхИличил хабурта бугъулри.

КъантИли буралли, ил манзил гумай вахбердибси мирхИила тИакъаличи мешулири. Къаркъа иргъутала ургар жалти, анкъилаб цИаван, сагъли демжурлири. ЛебГИеб цИакъли жаллизибикилри жагъилти Абакарра Мусара. Къаркъа иргъуси мерличи, муридешличи тИунтИриван, бахъал жагъилти, бухънаби, биштИати чукурбикилри. Или хИебиэс-деклар бирау? Ит замана дубурла мер-мусаличиб къаркъа иргънила хИяз – спортла бегИлара бузуси жура сабсири.

– Тугъ каибси бархъли ахИен! ХИелайчиб дила гъалаб саби! – тамай уцИариубли вявикИулри Абакар.

– АхИен! ХИела дилайчи гъамра хИебиуб, – викИулри Муса.

Бархъли хИебиъниличи гИясивиубси Абакарла къаркъала бемжур ва майалибатур.

– Дилайчи абикайчи нуни гъачамлис къаркъа иргъули ахИенра, – кайзур Муса.

Илдала бемжурси жал къалмакъарличи шурбухъун. Мусани Абакарлис виругИев бяхъиб. Абакар бяхъибси галгаван адаттала гъалав хилтИли кайкиб. Айзес бажардихИейубли левалли, Муса илала канилизи ванцИухъи, берхИибси хъитГаван лакИвариб.

– Вай дила къа-акъ! Вай дила къа-акъ! УркИецИидухъесли тИамадариб Абакарли, изиаурси канира буцили.

– Ягъари, Абакар, хЕла къакълизи ахЕнригу ит ванцЕухъунси, кЕантЕиси канилизи сайри. Селра чехЕгибси хЕла къакъ секъяйда изаэс бирусив? – викЕар чукурбекибтазивад ца.

Изуси канира кЕелра някъли буцили, гумайлизивад кЕунвацЕиб Абакар.

* * *

Муса халаси абадличил ва уруз-хЕяцЕли хъули ацЕиб.

– Дила арши жявли дикъур, дудеш, – бахъ дигули чеббикЕибси институт-лизи барибси ва гъархЕбизурси архЕяличила пашмай иб Мусани.

– Къянара мабурид, бархъдеш буресра урух макЕуд. Дубуртиван чЕумасилира диркъаван сахаватсилира вии. Усалдеш хЕдарили, халкъ-ургав намус-хатирличил хЕрии. ХЕуни бурусиличи цархЕилти гапбикЕесли, тамаша-хЕяй-ранбиэсли узен, дила урши. ПЕурилти гъар се секЕал далдиркур. Мургъи мурталра мяржхЕебирар, дила урши, бекЕлизиб гЕякълу лебли гЕргъи, ишдус хЕебизалли, лябкъуси дуслизиб сеннира гъарбилзан, учЕес кархуд. Нуни иличи дирхалара бирхъула. Ванзала гЕилмура, мас-мицЕирагла «мезра», вава-къарла хЕял-гЕабигЕятра, халкъла гЕямрура дяркъурли керхадли, гъатЕиралра къулайли бирар. ИлхЕели учЕесра гъамадли бирар, гЕямрула ва бузерила гЕагЕямра балад. Чинавалра ва мурталра адамдешла умцЕализивад дурара малхъад. ИлхЕели хЕу миъличив виадра катхЕеркуд, дила дурхЕя. Ил урукЕичеввирули, дахъал гЕякълуми, насихЕятуни дуриб Амирхай.

Мусала дудеш Амирхан шилизибси совхозлизив ялчили узулри, гъабкъябазивад ца сайри, шила къакъбяхъунала лугЕилизив сайри. Илала сурат мурталра хЕурматла уркъуйзибад – разили хЕербикЕулри. Илала суратличи хЕерикЕухЕелира, даим челябкълаличила мурхъли пикриикЕуси, тамай кайзурси ва сахаватси гъабза сай или гъанбикеслири.

Совхозла ялчнала собраниеличирра иличила гапъала дири.

Амирхан – ахъси, тазаси къаркъа, дягЕути хъуцЕрумала, къуватти някъбала, гамса-гамса дяхЕ-някъла, дугати пикрумала, малхЕямти гъайла вегЕ, кайзурси минала дубурлан сайри.

Амирхан – баркабан неш-ванзала гЕилму далуси, вава-къарла хЕял-гЕабигЕят далуси, мас-мицЕирагла мез дяркъурси, галгубас даим къарауйчи кайзурси анхъчи ва мицЕираг адилкъан сайри.

Ил – хъумала гъуршразив халаваибсири, някъби мура удули чЕумадиуб-тири, дукЕ-дуразла, уркурла гЕелав цЕакъиубсири; чЕякъярбикЕуси янила чиллализив бухъна-хъяялис, гамъа-цЕуръабас, ятим-пакърлис дузани вашули, дебшлавииубсири; бугЕмала хЕентЕби, мурала гЕебни дируйхЕив цЕуэрли вет-садвирхъули гамсиубсири.

Амирхай, чуйнара ванза ухъабарили, зак юргъанбарили, дубура гЕянала-барили, дурар дугурби деркЕиб.

Ил чуйнара забли вемхЕур, хъябхъяли витиб, дяхЕила кЕиликЕма кЕапЕвариб.

КъантЕли буралли, Амирхан сегъунти-дигара къиян-жапа чедаибси, балагъ-къадар дяхЕяурси, хъаса-пухЕлизи викибси, гЕямрула мягЕни-хЕял мурхъли дагъурси, кайзурси дубурлан сайри. Илис дигулри бахълис шалаикЕес, гЕибратли вирес.

Амирхай чумра хЕевала сури гъели велЕули дурдахъиб, гъайикЕули чумра дуразла къячЕа делкахъун, чумдехЕра кабцла дабри дурдахъиб.

Амирхан лебгЕеб уркЕи чЕумаси адам сайри. ВагЕа дургъбала замана душ-

ма жанивардешли гІясиварибси илини немец гъармукабала каш барибсири. Нушала взвод командирла дигІянаси хъарбаркъ хІясибли, шилизи аркъулири. Шударш метрлацад бухъянси гумиличи бетиуйхІир дяхІ-дыхІли ляркъули немецунала танкаби чедаиб. Ил бекІлил хабарагарси анцІбукъ сабри. Душманта чула план барсбарилри, нуша диргІядаргили.

Нушала бургъанти уркІбухъун, бачабархиб. Сеннира командованиела хъарбаркъ гъайагарли таманбарес гІягІнилири. Солдатуни кабушахъес асу-бирули ахІенри, дигІянбикес мерра аги.

– Гъалмагъ командир! Асубирару душмантала танкабас гъуни буцес, – дугъаизур илав Амирхан.

– Секъяйда?! – тамашавиуб командир.

– ХІеркІлизи кайгІяхъис! – чІумаси жаваб бедиб Амирхай.

– Секъяйда кагІяхъес вируда гъатги?! –

– Дила гуми баргианти лер! НукІун даргиантала частьлизив калунсира! Къалабаикес гІягІнили саби. Асубиралли кумеклис кІел солдатра биха.

Асубирар, гъалмагъ МяхІяммадов – чІумали тІамадариб Соколовли.

Амирхай солдатла таврализирад дарулабарибси бухъяна гъимирра аппарата дурасиб ва дегІяурли гумила мякълав вагъариуб, пагъливанчиван гумила удивад жибжирухъи, цугдайни ветаиб, дарулабарибси гъимир гумила уди дебабариб ва кІелра солдатра сайра командирличи чарбиуб.

Душма танкаби гумила цугдайни садаибхІели, Амирхай аппарат ласбариб, вайти тІамагъамаличил гуми хІеркІлизи кабикиб, уркълала духъбала бутІни кІелра шайчидяхІ ва закидыхІ арцур, танкаби биалли, мерс дакъунхІели шур-миван, хІеркІли бицІибси къадала кадикиб, бажардибикибти душманти гІела-бяхІ гъаббухъун. Илкъяйда Амирхай нушала солдатунала гІямру дерцахъиб.

Разивиубси командирли Амирха някъ цІацІабарили буциб, гІур кІапІуциб.

– Баркалла дубурлан багъадур, – шабагъатлаваресра белкІун.

Ихъгуна гъабзадеш лерси, серхурси, цІала тІякъгуна гъабза сайри нушала шан Амирхан. – буриб сунела ихтилатлизиб дявтазив Амирхайчил варх калунси Разакъли.

* * *

Муса ялчили узес совхозлизи керхур: хІянчила стажра практикара диахъес или. Ил хІяйвантала тухтурличил варх узулри, тухтурлис кумекчили, амма белчІудиличилара хъумуртули ахІенри. ХІянчилизиवाद акъуси замана ил гъаман учІи, делчІунти тикрардири, масъулти сагали ирзи.

* * *

Мусала неш-дудеш гІядатла дубурланти саби, илдала яшавра ца ургабси саби, минала шанти саби, хІурматла адамти саби.

Амирха кулпет бахъал биалра, чатІниван балгунти, дубурла вава-къарван разити, дигичебти, нешла ниъван цалис ца хІялалти, мирхъиван бузери дигути, цалис-цали кумекбирути, цаличи-цала уркІи изути саби. ВецІал адам-лизибад цалабикибси: неш-дудеш, авал дурхІя, авал рурси.

Или биалра, Амирхай Муса учІахъес пикрибарилри – духуси, багъуди касес дигуси сайхІели.

– БелчІуди, дила урши, талихІла гІямруличи мургъила гъуни саби, азадти, шадти, аваданти гІямрула умхъу саби, гІямрула алжана саби. Багъудили адам-лис кункти дуклума луга, инсан дунъяла чиди-дигара мер-мусаличи виахъу, уркІила мурад биахъу.

* * *

Мусара Патиматра шел юрт-ургали, чатниван балгунти унруби сабри. Школализира илди барх баши, делчунти жузачила ихтилатбикли, сагъли жалтара биркьи, гямруличила чула дарсур пикруми дури, кыяндикибси мерличиб цалис цали кумекра бири, цали ца глебра бурци.

Ил манзил Муса вецъибил, Патимат урчѐмъибил класслизиб бучулри. Школализир хязани, абзани, конкурсуни, вечерти дурадуркълхѐлира илди имцаливан барх биѐс бируцад къайгънабиркьи.

– Ца агарли ца буѐс бирули ахѐнгу ишди балгунти унруби, – мяштѐрикѐли сари Патиматличил рарх ручѐси гъалмагъ рурси Аминат.

– Ишдала гъалмагъдеш бархѐиичи бархѐи мурхъдикѐли сари, чѐмадикѐли сари, дигили ламдикѐли сари. Ишдала гъимбуркѐни, халабурхни бекѐлил агара, – илдачи къясли сай вецъибил классла ученик Бяхѐндов Гѐялира.

– Чинаб биалра, макълатѐсли мегъван, цали итил бургули саби ишди. Дурхѐни-рурсби – ургабра ишди шиниш кърлизиб вавнигъунти саби, – буру Мусала унра Хизрини.

Школализив учѐхѐли, Мусани математика ункъли, таманни чебѐтаахъили бали. Илини барх бучѐтасра хѐсаблалашал халаси кумекра бири.

– Мусани вецъибил классла чумра ученик математикализибад берцахъиб. Илини заочникунасра халаси кумек бири: илдала масуѐлти ирзи, – пахруличил буру вецъибил классла руководительница Гѐхѐмадова Раисатлира.

Патимат гъала-гъала математикализир цакъадар зягѐплири. Илис Мусази кумекбара ѐс дигулригу, амма урузкѐлри, Мусази сари математикализир усалли риѐни багъахъѐсра дигули ахѐнри, амма иличи Муса ташмишлири.

– Патимат, хѐуни хѐсабла хѐбалуси секѐлал биалли, набзи бура. Нуни хѐд кумекбирис. Наб ил бегѐлара дигахъуси ва ункъли балуси предмет саби. Хѐсабти, масуѐлти ирзни – ил наб хѐязта виркънигъуна саби. Хѐу урузмакѐд, набчи дугъарилзен, – уркѐи-уркѐилабад буриб Мусани.

Марлира илала гѐргъи Мусани Патиматлис математикалалашал халаси кумекра бариб: къиянти масуѐлти дарх ирзи, хѐсабти дирухѐли гѐббури, илди дирнила гъамадтигъунти тяхѐурти далахъи.

* * *

– Патимат ишдуги клублизиб Батирайла уличилси даргала театрли Гѐхѐмадхан Абу-Бакарла «Гумайла масхурти» бикѐуси спектакль чебѐахъули саби. Ил тамашала саби. Рашигу театрличи аркъѐхѐну.

– Хѐбалас. Жягѐялла лерилра дурсри къиянти саригу, Муса.

– Мурталра-декѐлар чекаризурли ручѐусира хѐриишигу. Бекѐлисра бамсриахъѐс гѐгѐнисигу.

– Гѐхѐси саби. Ляркъяс.

Мусара Патиматра кабиибси тугълизи 9-10-ибти классунала дурхѐни-рурсби кабиилри. Гъалли илдала мякълаб Гѐхѐмадра Сайгибатра сабри.

Илдала гѐлаб скамейкаличиб – совхозла ялчни сабри.

Спекткъляла гѐргъи жагъилти жут-жутли, къукънадли хъайгѐи чарбулхъулри, спектакльла чебкад сакѐубли ихтилатбикѐлри.

Илдас гѐргъи, къургъаниван тугъ барили, совхозла ялчнири.

– Нушала унра Мусачи Патиматли, гѐяркъянани гурдачиван, чедяхъибсигъунари, – гѐяк-гѐякра или, дукарряхѐиб Разият.

– Илдала дигІянти пишни, гъагултазибад гъарш каили арцурси лямцІван, набра гъанаур. Илдала хІулбазир дигила цІа ухулри, – Разият гІерруциб мезли риркъес дигуси, далкІа хІулбар СалихІятлира.

– ГІяхІмадличира Сайгибатличира хІеръибхІели, мявхІеили гІяш буган-тигъунти саби, – ихтилат бемжахъес писдариб Хадижатлира.

– Илдала дигІянти пишни нуни дяхІимцІайзирван чедаира, – чебатур Алиятлира.

– Жав хъунри, рурсби! Се гъай-мез сартив хІушани мучиван писдирути?! Се бугъанти сарив хІушани жагъилтачи чедирхъути! Жагъилти барх кахІеби-рутив, масхурта хІебугъутив, дукархІебирхІутив, разихІебирутив?! ИлдикІун ца школализиб, ца класслизиб барх бучІути саби. Чинар хІердиубтира гъари хІуша...?! ВацІализир жанивартачил- мага хІердиубтирав?!

Марлира, вегІли бируси цархІилтанира бируси саби или гъанбиркули саби инсайс, – илдала бугъанти, гъай-мез, бурямли цІудара гъагултиван, пяхІли детахъахъили сари шила хъунрала Советла председатель МяхІяммадова Пирдазли.

* * *

ПатІимат вецІъибил класслизир ручІухІели, Муса, вецІал класс таманда-рили, хъайгІив сайри: совхозхлизив узра узули, бегІтас кумекра бирули, учІра учІули, шантас, жамигІятлис вируцад пайдалара вирули.

ПатІиматли математикала ахІенти лерилра предметуни шулал далулри, хасданра гуманитарный предметуни.

Лерилра предметуни «шула» кьиматуначил дедес багъандан, ПатІиматли Мусази математикала предметлис кумекбарахъес пикрибариб:

– Выпускный имтихІянти шулал дедес рирус, амма математикала... Илди наб цакадар кьияндухъес асубитар. Биалра «авла» кьиматличил илдира дедес бажардириркус. Мусани кьалли кумекбарес уркІи-уркІилабад чесиб. Илини кумекбарили набра дигулра, амма илизи гІурра... се рикІусира? Юх, селра хІерикІус. Рахли балу-балули хъардиути сари или гъанбиркур илис. Рахли гІягІнидеш биалли, набчил ца класслизиб бучІутази хъарбиис.

Амма... арбякьунси дуслизиб вецІал класс тамандарибси виалра, ишдус бучІутачибра Мусани математика ункъли балули сай. Лебилра заочникуна-сра ахтардила хІянчурби дирути Мусани сари, – кІиуркІли пикририкІулри ПатІимат.

* * *

ХІеб. Май баз. Адамтала гъар се-секІайчи гъав, гъира, иштяхІ, гІяхІти пикруми алкІахъуси дусла манзил. Лерилра жананала ва духълумала гІямру сагадируси, жагадируси баз. Марлира, ил базли адамтала гІямру даредиру: илди жагъбиубтиван, сагабиубтиван, къугъабиубтиван кабилзахъу.

Адамтала уркІбази – бархализиван чяхІдарили разидеш, жагъдеш, дигай, цІакъ, гъира, иштяхІ картІу.

Ил базли лебгІеб халаси асар бариб исбагъи, – ручІан ПатІиматличира.

АлхІят бархІи. ПатІимат математикала имтихІяйчи халаси кьасличил, гъарли-марли хІядуррикІулри. Гъар-гІергъили масъулти ирзулри. Ца масъала биалли кІийна-хІяйна арзиб, амма жаваб бархъли хІебакІиб. Ирзути масъулти анцІдукъи, бекІла мехІе ласдухъи, дамсурли хІулби палпалдикІесдахІиб.

– Туснакъ-мага рарибси хлеришагу... ишбархИ бекЛил шалаличи, сагаси гъваличи дурарухъи ахленрагу. Сагаси, умуси гъавара гъигъбарес, бекЛизи бамсрира ахъахъес, гъалмагъ рурсбира чебаэс шичи аркъяс, гъанна илди шичи башуси замана сабину, – ПатИмат столла гелар, гъавализиб члакаван, азадли чИкъритГун ва азгъинни аризур.

ДучІути, ирзути дархъдатурли, цархИл хъули ретацІиб.

ПатИматли цІуба босоножкабира, хІунтІена ва духъутІа халати вавнар кремплинна хІевара чегъур, дяхІин цІуба гІянтІикІа кланара чебушиб ва дяхІимцІа гъала тІашризур, бекІ абхиб, клана балбариб, цІудара нудби хІяршдариб, дяхІимцІа гъалар балуй шайчиряхІра алгъай шайчиряхІра жургърухъун, духъянти клел чури къакъличи лапІдариб ва къянарира касили, цІудара хІулби дерхъибти нудбаурад нурли чахъдикІахъули, гъалакли шичи ратрихъиб. Ил къабулданван кункли рашулири.

ТалихІра, хІулбукІрира, умутра, разидешра илала дяхІлизир, шизир берхІила нурван, думхІулри. Исбагъила сакІубси хІер, гІянтІикІа ганз дагъеслири.

Илала жагадешли, исбагъидешли жагъил адам кепкайрахъи.

ГІянтІикІа ПатИмат шичи аркъухІели, шила жагъилти иличи гъаргъли хІербикІулри. Гъунчиб къаршибикибтази ПатИмат гъаглизибад амъурси заклизидурабухъунси берхІиван, пишряхъили гъайрикІулри.

Илала хІулби, дяхІ талихІли, разидешли чахъдикІулри.

ПатИматла чархлизибси цІара, уркІилизибси дигайла ламира, михъирлизибси муридешра хІерикІусилира дагъеслири.

ПатИмат – ахъси, чІигІяла галгаван чІухІли ракибси, кегІебси, рицІибси, бикъурси исбагъи чархла регІ, дяхІиван цІуба дяхІла регІ, бягІуси андала регІ, дигичерси, къуймур рурси сарри.

Илала зумати, атхІебла хъуван царугли чедакІибти, махмурван клантІити, цІудара рангли ухути авадан нудбала удир лямцІдикІути, разити шинкъян цІудара хІулби рурхІулри. Илала царугси къакъличирад гІярчумагван жагали демхурти жибжирдухъунти шинкъян цІудара клел дабза чурили жагъилтала уркІби дилгъулри.

Илала берхІиван ванати дяхІли, сагали бухъунси бацлагъуна хІерли, журугли пишдяхъибти клунтІбани, нурли лямцІдикІути хІулбани, жайраннаван кункти тІяхІмани ва духути гъайли; жагъил адамла итмадан карцІдухъеслири. Черайбмад гІулухъани дигай дихъеслири.

ЦІудара гъаглиурад пархдухъунти берхІила нурван, шаласи разидеш, нешла дурхІяличиван ванаси, дигили ламбикІуси хІер гъанарулри – дагъеслири илала цІала тІякъгъунти хІулбазир ва верхІ-рангла зурхІябгъуна дяхІлизир. ДецІлизи ва анцІкылизи викибси адамла, ил черайбхІели клундицІи, гъаглиубад уббухъунси бацван разири, сунезиб агарси цІакъ баши, иштяхІ алкІи, челябкълала гІямруличи хъул имцІабири. Къаркъа гъав дакІубири, кункдеш пархбулхъи.

ПатИмат мургалра жагали, хІяздухъесли регІрири, къабулданван кункли раши, малхІямли, духули ва сабурличил гъайрикІи, адамличи дигили дуцІибти хІулбачил хІеррикІи.

Илгъуна исбагъили чичи-дигара асарбири.

Илала исбагъидешличи, гъар секІайчи черетаибдешличи, зилан рурсбира хІяйран – гІяшикьбири. Илдигъунти къуймур, рурсбани сари гІямру жагадирути, гІямруличи диги, гъира алкІахъути.

Марлира, исбагъи рурсбазир жагъилти уркІила дардлизи бикахъили, саби гъанни цумбикІахъес бируси сихІрула пагъ лебли буили саби.

* * *

– ХІера, къабудданван ит ГІяйшат ляркъули, ит сакІубси Аминатра чІакаван пархрухъи сари, къянарличил гурда ХІялиматра чераа. ХІерая лагъаван кІайряхІили ит ПатІиматра гІинизла мякълаб разили тІашти, рурсбира, къянурти шинни дицІили, ихтилатбикІули.

Илди, мекъличиван къугъали бегІбиубти дубурла лагъни гъайбатли хъули батбихъили саби. Гумайла гъала сабаибхІели, гъайгъайра, илдачи – илди дубурла гулвавначи – чумра жагъилла хІулби мурили ва ванали хІердизур, уркІби аваданни разидиуб, чумра жагъилли карцІайли дицІибти хІулби линкІдариб ва гІяшикъра биуб.

– Сайгибат, гумайлав ГІяхІмад тевну, жагали рашен. Ца хІулира гъинкІ-бара. Аминат, Къадир тевну, ил гІяшикьіесли къакъбаван кункли рашен, – масхурти дурулри рурсбани.

– ХІушара нушаван дашеная, хІуша чедаибхІели-декІар жагъилта, бецІ чебаибхІели эмхІеливан, хІулби къяпІхІедируну, дигайла дуклума чІумадикІес дехІдихъибти рурсбанира ихтилат бемжахъур.

– ПатІимат, хІу илцад регІриубли хъалли, гумайлав Муса агара. ХІед дигайли ламбикІуси хІули бячесалра хІебикиб, – къузбатур балуй къяшлизир ралкІа, дяхІлизир жагаси, рицІибси Перзиятли.

– ХІугъуна валкІа хъусбяхъ хІунира варга, сай дакІухІелхъули гІергъи, – мяхІярла къяван гъярредесли дукарряхІиб ПатІимат. Гумайлабад шалгІеббухъунхІели, рурсби къатІла къакъакад батбихъиб. Гъунила кІелра шайчидяхІли, селичи саррил дигІяй-гІяшли ванати, хІулбукІрили дицІибти хІулби лазатличил алавчарли умцІахъули, ПатІимат хъули ратрихъилри. Шила дайлабси гъуйчирад чІяртІа къакъала къячІикІличи шуррулхъулри. Рахли... илала, тѣй урчилаван кункти тІяхІми, хапли тІашдизур: хІулбала гъалав, ванзалиувад дураикибсиван Муса.

КъячІикІличивад дуцІли шурулхъуси Муса, сунесра хабарагарли, ПатІиматличи чевяхъиб. Эгер хъярхъли хъямики ил руцибси хІейалри, шинни бицІибси къянарчерли, ПатІимат къаркъубала бекІаличи къакъгъарли карирки.

Муса хабарагарли бетаурси анцІбукъличи уркІкавхъун, анарханариуб. ГІур исбагъизи черрехахъес тиладибариб.

Ил анцІбукъли Мусала уркІи, буцибси кІанралаван тямхъбикІесбииб, руржесбииб.

Хабарагарли бетаурси анцІбукъличи ПатІиматра тамашариуб. Урузриубли, камси гъаларван итцадра разити цІуба дяхІ хІунтІендиуб, ламдикІесдииб. КатхІерикахъес или, Мусани руцибси ПатІиматла къаркъайзиб алкунси цІала ружер хутІван тІинтІбиуб ва къаркъа азиралра биркІайзи баиб, руцІарриубдешли майали раратур, къяшми руржесдяхІиб. Сари алаврарили руцІиличи ПатІимат урузриубгу, амма къянари къакъличирли гІеларяхІ къаркъубала бекІализи катхІерикибхІели, разилира сарри.

Мусара ПатИматра къячбики гIергъи, илдала хIялани дарсдиуб. Чакали дуклумиван лапIдарибти, дигайли лямцIдикIути хIулбани цаличи-цали хIеръили, илди арбякъун: ца – хъули, ца – шадив.

* * *

ПатИмат каркардикIути къяшмачил, гъалаксаурси уркIиличил къалабали хъули ретаиб, къянари гъаргала чеббихъиб, игъубсиван кроватьличи карикиб.

Нургъбара харидешлира дицIибти хIулбачи някъбира чедуцили, чумал минут лехIкахъиб, (Илгъуна замана лехIдешлира адамла уркIилис рахIятдеш луга). ГIур бамсурси бекIлизиб дарсур дургъути пикрумала чябхъин бетаур.

– Муэррив ит хIуруцIрив?! Сен-сен бетаур вара ит анцIбукъ?! Муэрван гъанарулигу наб ит хабарагарси анцIбукъ, – пикрумазирри ПатИмат. Ца шайчирад тамашариубли, ца шайчирад харидешли рицIили.

... Шадибгъунира барили, Муса хъайгIи чарухъун, уталичи кайили, столличи бекI кабихъиб, кIелра някъли буциб ва пикрумала урхъулизи къягIиб:

– ПатИмат набра сунесра хабарагарли кIапIруцира... Дила гIямрулизир хъунул адам регI гъалар... Разидешла ахир аги: ил дилара ПатИматлара ургабси гъалмагъдешла гумилис хъулчи саби, тамашала ва хабарагарси анцIбукъличибад бехIбихъибси биалра. Гъар секIайс ца сабаб бируси саби, дигайлис – гъатIиралра, – Мусала къаркъайзиб разидешла ругер ламбухъун.

ГIергъила бархIи савли чула шила къакъализиб Мусара ПатИматра тят вягIдалабиубтиван дяхI-дяхIли къаршибикиб. Уруз-хIяцIли цаличи-ца хIер-бизур.

– РелхIунрив ПатИмат! Даг хIуни хибти шин, вари, наб хIегили камар-хахъид, илди сабабла шин сарину, – масхара буриб Мусани.

– ВелхIунрив хIура, Муса! Къакъурбазив вашули, къячIикIуначивад шу-рулхъухIели, хIу лявкъни адамтази балахъес бурхIер бугъаличиван гъайкIари баршили вашес хIунира хъуммартид. Рахли адамти машиналиван бялчIадну. Ил хIед гIяхIси лишан сабину, – дукарряхIиб ПатИматра.

– Балагъ-къадарлизи хIедикили дерцирану, нуша къячдикни, кIапIдикни гIяхIдешлис биаб гъатIи, ПатИмат, – чебатур Мусанира.

(Хъарахъуд бирар)



Жабурти

Патимат ВЯХИДОВА



ТАНБИХЛАДАРИБТИ КЪИРКЪИРДЕШ

Ца биштIаси шилизиб буили саби нешра уршира. Илди дебали мискинни хIербирулри.

Хапли неш зягIиприкиб. Уршилис дебали къиянбухъун. Ил унраличив хIерируси давлачевличив узулри ва барибси хIянчилис бедибси хIекълис сегъуна-биалра беркесира нешлис дармунтира исулри.

Нешла арадеш бархIиличи бархIи усалбикIулри. Се бирусил хIебалули, урши дебали къакъаикIулри. ВиштIаси уршили барибси хIянчилис баари хIекъ давлачевлира бедлугули ахIенри.

Нешлис гIяхIти дармунти асес, ва тухтур тIалабварес дигуси уршили, давлачевличи вякъи, Аллагъ багъандан или, ца камти арц тиладидарили сай. Давлачевли илди дедили сай. Илди арцлис уршили дармунти асили сай, амма тухтурлис дедес кали ахIен. Дармунтаницун се гIяхIдеш биру, нешлис сагъриахъес тухъси беркалара гIягIнилири.

Урши кIинайсра давлачевличи вакIиб, ва ца-кIел сяхI бетIула гIегудилис тиладидариб. «ПяхIли уэн! Гъанна кIел бархIи хIуни хIянчи хIебарилри», – или, давлачевли ил дугIеиб.

Се бирусил хIебалули, дебали къакъавакIибси урши, бекIра гIяшбуцили къисла къаркъала юртла азбарлавад дуравхъун. Илала хIулбазирад нургъби чяхIдикIулри.

Сайра шакхIейкили. Урши хIеркIла дубла ваиб. КIухли кабухъунси хIеркIла тIамали уршила пикруми къябаиб. Вамсурси ва сунела гIямруличи мешули ахIенти пикрумани хIялагарикахъибси ил кайиб.

Хапли илини цIумла тIамала бакъиб ва алавчар хIеризур. Сай кайибси мерличибад циила гъарахъли биштIаси бялихъ чебаиб. Ил рамчли хIеркIла дубла дурабушилри. ЧIархъбикIулри, бекIли гъакIбикIулри, амма шинничи гъамбиэс ахъри аги.

Уршилис иличи хІерикІухІели, изай къакъаракІахъибси сунела неш гъан-рикиб, ва дуцІухъи, бялихъ хъатла касиб, къакъличибад някъ хІяршбариб, гІур ругерлизи баткаиб. Бялихъ куртІ-куртІбухъун, бекІ гъаббакІахъили цІир-цІирбяхъиб, гІур адамла гъайли уршиличи дугъабизур:

– ХІу сен дебали пашмансири, урши?

– Дила неш зягІипли сари, ил арарарес виасири... Се бирусил хІебалулра. Нура шакхІейкили, хІера, иша вакІилра, набчи неш хІерли рургар...

Уршили гъар секІайчила буриб.

– ХІу, урши, илав ца камси замана гІашизи. Ну, нешличи, бякъи хІечила бурес гІягІнилину, – иб биштІаси бялихъли ва шизи гІелабикиб. Камси замана дикили гІергъи, гІурра гъаббакІиб.

Бялихъли уршилис лямцІбикІуси гъайкІари гъабуциб ва иб:

– ХъайгІи чарухъен ва, иш гъайкІари зангъарбарили, «наб цакамти арц хІяжатли сари» а. – ХІед хІяжаттицад арц ванзаличи кадикибхІели, хъум-мартид «Гъанна хІед баркалла, диур» эсра.

Урши хъайгІивяхІ виругІев дуцІухъун ва, нешлизилра селра хІеили, бялихъли бедибси гъайкІари виругІеб зангъарбариб:

– Наб цакамти арц хІяжатли сари.

Даари арц ванзаличи кадикибхІели, илини «Гъанна хІед баркалла, диур» или гІамадариб.

Ухъала карихъунси неш иличи тамашариубли хІеррикІулри. Уршили къалабали итхІяйзибал давлачевлизибад сасибси гІегуди чарбариб. Къисла къаркъала азбарлавад чарухъи гІергъи, нешлизи бетаурсиличила буриб.

Шагъарлизи вякъи, бегІлара урибси тухтур варгиб ва нешличи киб. Асиб бегІлара дурхъати дарман. Бедиб тухтурлис сай викІусигъуна ужра. Гъар бархІи базарличи вашули, тухъси ва бизиси беркалара зярхІти цІедешра исулри. Нешла арадеш бархІиличи бархІи къулайбикІулри. Неш тамай къулайриайчи, урши илала мякълавад шикъхІевхъун, сайгъунти дурхІначил хІязтаиркъесалра дурахІевхъун.

ХІера неш таманни къулайриуб, хъалицІа ибгес алавракІиб. Уршиличи пахруличил хІерризур.

Базарличи вякъи, уршили нешлис жагаси хІевара, кІанара, дабрира асили уилри. Илди гъадуцибхІели, неш дебали тамашариуб.

Илди палтарра чегъурли сарира, гІинзи аррякъун. Шинничи аркъуси тянишли ахІенси хъунул адам гІашризур. Илдигъунти палтарчерси хъунул адам илини чула шилизир чераибси ахІенри. Сунела унра сарниличила багъурхІели, ил уркІрухъи хІякризур. Сунела хІулбачи сари рирхес рирули ахІенри. УркІрухъундешли илини някъбазибси гажин баткаиб.

Гъеркличи рикили муруйчи ракІиб.

– ХІера, хІела давлара хІура?! ХІела давла сецад халаси лебли биалра, ит хІела рягІятлагъунти дабри наб гъачамалра хІесири, хІевара кІанара къалли дурра хІедурис. ХІейубри ну иткъяйда палтарли регІрарес! – муруйзи ил вярвикІулри ва агъи или рисулри.

– ИшбархІи сагати палтар чевли итала хъяша чеира. Ит чинав узиба, итис чили арц дедиба? Чеблара кІиибил бархІи чарбариб. Ишаб сегъуна биалра дигІяндеш леб...

Давлачев къакъала дуравхъун, ил уршиличи къалабалири.

Нешра уршира хъулиб баргиб. Хъули ацИибХели ил гъатИралра тамаша-виуб – хъулир гъар-ур агарти ваяИ лерри, уршила нешличир биалли, марлира, сунела хъунул рикИуливан, хабарлизир дурес хИейэсти черикЛа палтар сарри...

Давлачев, разисиладарили, уршиличи дугъаизур:

– Нуни хИед итХели бетИу хИегирану, урши, чевверхи набчивад, гъанна кИел къап дигадра лугас. ХИуни илкъяйда жявли чебла чарбарес вирниличи дила умут агарсири. Арцра гили, бетИура гес хИейубра. Амма наб дебали тамашабилзуси ца секИал саби: секъяйда виубри кИел-хИябал бархИила духИнар ишдицад дарсдешуни дарес?

Сунела виштИадешлира урКИила умудешлира уршили давлачевлизи гъар секИал дуриб.

Давлачевли вирхХеурсиладариб.

– Илгъуна секИал гъеч биэс хИебирар.

ИлХели уршили гъайКари, виругИев зангъарбариб. «Наб ца камти арц хИяжатли сари!» Арц заб къяйда кадасешдяхИиб. ГИур уршили «Гъанна хИед баркалла, диур» иб

Илала гИергъи бемцИур давлачевла гъанкИ, беткахъиб берка тИагИям... кИел-хИябал дуги я хъунул, я мурул бусХеун, секъяйда чузи гъайКари бикахъес бирарал пикрибикИули.

Ахирра-ахир, давлачевлис хИяжатси манзил бакИиб: уршира нешра базар-личи къял асес арбьякъири.

Масли хИебелкъунси давлачев лямцИван хъярхъли илдала хъули ацИиб. Уршили кабихъибси мерличиб гъайКари баргиб. Касили илра сайра хъярхъли хъуливяхИ ватихъиб. Сунела анхълизи саибХели, илини пикрибариб: хъали биштИаси сабину, анхълизиб гъайКари зангъарбирис или. Илис дахъал-дахъал арц кадикахъес дигулри... «Наб цакамти арц хИяжатли сари» или, илини виругИев ахъли гъайКари закибяхИ игъуб.

ГъайКарира зангъ-или бучИули саби, арцра цакъяйдали кадашули сари. Лебилра алавчарси мер арцли кабуциб. Разивиубси ил арцла чедив улхъулри. Халаси кур буркъили, арцли бирцИис или пикриикИулри. ХИера, къукъубала чеди арц адаиб, ил селра викИули аХенри. Арц вайличи адаиб – «баркалла диур» эс ибси пикрилра хИебакИиб. Михъири кИапИбариб, амма ил гъатИра ахъли «арц» или вявикИулри. Арц хъябличи адаиб. Цабагъали ил «Ар-рц! Ар-рц!» или вявикИулри. МуцИурличи цугли арц адаибХели, гъайКарлара гъунар каберхур. Давлачев виругИев ахъли «ГИурра» или, тиладиикИулри, амма ГИур арцли урзули аХенри. ГъайКари лехИкахъили гИергъи, кадикибти лерилра арц гъургъашин детаур ва ца халаси къатличи шурдухъун...

Гъургъашинна къатлиувад «Ар-рц!» или цабагъали вявикИуси давлачевла тИамала бикъулри.

Къял асили базарличибад чарбухъунти нешра уршира, давлачевла вявла хИебакъес, къалабали илабад шулумбухъун.

ХЪЯРЛА ГАЛГА

Хъярла галга дебали бухъулри. Илала дайхъалара-сера къялуби анхъла хІярличирад чедидухъири. Къакъализибад аркъути адамтала бургачи чейгугтигъунтири. Хала дудешла бегІлара черикІла галга сабри ил. Илини галга убатурсири сунела урши дургъбазив алхи «цІудара хІябмузан» бакІибси бархІи. Урши алхнила кагъар бакІибхІели, ухъна дебали варсиуб, ил чизилра гъайикІули ахІенри. Хала дудешли сунела марайдешра къутІкъути нургъбира дигІяндариб. ЦІумикІули кахІейили, илини сунела биштІаси анхълизи хъярла галга убатур. Гъалав дебали ихтилатикІуси ил, урши алхи кагъар касибси бархІиличивад адамти чехІебиъна арашусири. ГІур хапли зягІипикиб. ВахъхІи зягІипли калун. Шилизирси тухтуралра къабулхІерариб. Хъалибарг тиладибикІули хъалли, илини селра букули ахІенри. Сунела юлдаш-тянишлизилра гъайикІули ахІенри.

Ахирра, сай сагъхІейрниличи шакикибхІели, хъунуйзира рурсилизира галгаличибад бакІибси хъярбала сабухъ адамтас буртІахъес хъарбарибсири. Сунела уршила хІурматлис убатурси галгаличирад дакІибти хъярбала тІем лебтазилра багъахъес дигули уили сай ил пакъирлис.

Ца дус шалгІеббухъун. Бухъулри хъярла галга. Дудешла хъарбаркъ таманбирулри рурсилира. Илини чебетаибси къуллукъ бирулри галгалис. Ду-цІрумлизир хъярби дикъур, илдала сабухъ илцадра халасири, хІятта галгала къялуби ванзаличи чейгулри. Бет-садбулхъути адамтани халаси кІабатІлизир хъярби чедиулри – гъести гІямрула бухънаби, жагъилти, биштІати ца-ца хъяр касес гІяшбирулри. Лебтанилра хала дудеш гъаниркахъулри.

Набзи хабар бурибси нешла рузи, циила пикрирухъи, рикІар: «Цагъачам нура хъярла галгала уди тІашризулла, хъярра беркунра. Азбарлизирад хала дудешла рурси, дургъбазив алхунси ургъанна рузи, дурарухъун. Ил халаси тІерхъали хъярби пяхІдирес рехІрихъиб. Кадикибти цІедеш умуси чІянкІила бутІали ушкулри ва кІабатІлизи кадирхъулри. Набра чумал хъяр гъадуциб. Ну илала хабарличи лехІихъулра. Илини бурулри гъанна чумал дус азбарлизирти къялубачирван ахІи дурадяхІти къялубачир хъярби дахъал дашниличила. Белики, илис гъанаруси бурги яра или биэсра асубири. Ну биалли иличи рирхаурра».

Илала гІергъи ца гІяхІси замана арбъкъун. Рухънараили, зягІиприкили, хъа регІра ребкІиб. Уршилизи ва илала хъунуйзи илини хала дудешла аманатличила бурибсири, амма илдани лебилра сабухъ базарличи бихули кали саби. Арбъкъунси дуцІрумлизиб биалли сегъуналра сабухъ хІебучиб, галга буръэс бехІбихъиб...

Шантани тамашала вягІда барилри. Хала дудешли убатурси галгаличибад бакІибси хъяр беркунсини къакъализи ца-ца цІедешла галга удатесли барилри. Гъанна ца галгацун хІебирарну, хала дудешла хІурматлис убатурси – абзур анхъ бирар.

«ДУДЕШЛА ЗУБАРИ»

Дагъиста диштIати шимазибад бахъал мурул адамти ВагIа дергълизи арбякъун. Бахъалгъунти чархIебухъун, илдазибад къел-хIерзи агарли бетахъ-ибтира биуб. Чинаб-биалра хIярибихъибтира биуб. Чула хъалибаргуначи чарбухъунтазибадра имцIатигъунти чулахъбиублири.

Хъунул адамтира дергъла дусмазиб, чула лерилра цIакъани цаладяхъили, мурул адамтас къадин авлахъла хIянчурбази ахъиб. Дахъал къиян-жапара чед-аиб. Илди пергер хъунул адамтани сабригу бургъуси фронт хIяжатти дахъал секIайчил гIеббурцуси.

Илдас чула ВагIан дурхъалири, ил берцахъес багъандан се-дигара барес хIядурлири. Камси заманалисалра акъудеш хIебали. Аршила маргъличиб, хъу балцухIели, мура удухIели бамсурдешли бускалутутири. Камси замана гъанкIахъили, гIурра бузерилизи ихъутири. Чула биштIати дурхIни къайгъили алавбуцесалра замана хIебири...

* * *

БархIехъ неш хIянчиличирад чаррулхъухIели, верхIел дус виубси МяхIям-мадра авал дус риубси Асиятра нешлис гъунибаэс дуцIбулхъи. Илди че-баибхIели, житара гъала дурабулхъи, нешла къяшми-алав сирбикIи, ахмах гIяргIнира азбарлизир дагъардири, лебилра азбар бучIескайи.

– Ва абала ахIерти, дила диштIа лачинти, хIушала дудеш ара-сагъли чарухъаб, – пишрехъили, нешли уршира рурсира уммайбири...

– Ва дила духучанти, дила чинарла жибхIни! ХIябилра гIяхIтира леррая къалли хIушала неш-дудешлис датарти...

Илди гъай дурили гIергъи, хIяйван-къача мерладарес дурхъи ретицIи ва нургъбас ари бедлуги.

Хъули ниъли бицIибси къялизайчил черяхIрулхъи ва вана ниъли уршира рурсира балхи.

Неш хъайгIи ракIниличи разириубси Асият, ниълара бержили, нешла дукла пяхъирки. МяхIяммадли биалли нешла хъяб-алав някъби лусахъи.

– Рузи гъиммаруркIахъид, абас ват, биштIати гъимбуркIахъес асухIебирар, халакараибхIели хIед кумекчи ретарар. ХIерагу, хIу секъяйда вигахъулрил, сецад малхIямси сарил нушала Асият, – нешли уршилис «дарс» кабирхъи.

Марлира, иличир гIяхIси рурси дунъяличир хIерурги: жагасира духусира сарри ил.

Нешла дуклаб циила агъанкI ахъибхIели, биштIаси хIябкъяшан уталичи карири ва закиб, цархIилтачиб гIяхIил ухуси зубари гъаббакIайчи, хIерли рири.

ДуцIрумла замана шимазиб адамти имцIаливан гъаргалаб бусули бирар. Нешли сунела урши-рурсилисра буруш гъаргалаб бирусири.

Хапли Асиятли ахъли тIамадариб:

– Неш, ва неш, узи хIерагу, икI дудешла зубари гъаббакIиб.

...Дудеш дергълизи арякъи чумал баз сарри дикибти. Гъар дуги рурси «дудешла зубари» чебаайчи карилхъуси ахIенри. Мурталра къяйда, Асият,

цѳуба игѳяйла цулбира гъардакѳахъили, къакъличирикили русусири, ва тѳап «дудешла зубарличила» гъайрикѳухѳеливан, гъанкѳлизир пишрирхъи. Закиб, чула юртла чедибван, дебали ухуси зубари бири. Белики, ил бииши Асиятла цайли цаси зубари. Ил закибад рурсиличи хѳербикѳусигъунари. Ил зубарли уршира рурсира гардбирутиван гъанкѳлизи мурхъбирки.

– Икѳ дудешла зубари набчил гъайбикѳули саби, дудеш чарулхъан бикѳули саби, – пишрирхъи Асият...

Бегѳлара арши-мурала хѳянчи демжурхѳели, Асият дебали зѳгѳиприкиб. Нешра хѳянчила дурахѳерухъун, кѳапѳруцили рурсира сарира, абзур жумѳягѳ гъанкѳ хѳехъиб. Шилизирси тухтурлира селра барес хѳериуб.

– Хѳед се дигахъадив, Асият? Нуни се-дигара баргес вирус, хѳу сагъриахъес багъандан, – викѳулри Мяхѳяммад. Дуги-хѳери гъай хѳеибси рурсили хѳулби абхъиб, заклизид хѳерризур, пишряхъиб. «Дудешла зубари» пархбикѳусигъунари.

– Нушаб нешли хѳянчиличирад ляркъухѳели дихутигъунти хъелгѳе диги, узи...

Неш мякъяд рикѳахъули, виштѳаси Мяхѳяммад хъелгѳе далцѳес ватихъиб. Илди лерси мер гъачам нешличил варх ѳякъунхѳели чебаибсири. Гъуйчив чула унра Хѳясан къаршиикиб.

Се мурадли аркъусил багъурхѳели, ухъна Хѳясан уршиличил варх ватихъиб. Далцѳи хъелгѳера сабира, шилизи чарбухъун.

Хъули чарухъунхѳели, Мяхѳяммадли нешла дукларси Асиятлис хъелгѳе дедиб. Рурсили илди деркун ва узичи ванали хѳерризур.

Асият пишряхъиб, циила ахъризурли узила хъяб-алав някъби делсахъун.

– Ишди бегѳлара бизити цѳедеш сари, узи, хѳу дила дебали гѳяхѳсири, – шивкѳиврухъун рурси.

Нешлисра узисра пишряхъиб ва даимлис хѳулби къяпѳдариб...

Урши-рурсила дудеш дявила майдайчив алхниличила балахъуси «цѳудара хѳябмузан» почталъонна таврализиб жумѳягѳра-сера биублири.



Нушачир гъяхладли

Мариям ИБРАГЪИМОВА



«ИМАМ ШАМИЛ» РОМАННИЗИБАД» БУТИА

*Имам Шамилла мурид шайх Къурба
Турцияла султтайчи архІя*

Имаматлис бегІлара къиянти бурхІни садаибхІели, Шамилличи гъамти адамтани имамлизи маслигІятбарибсири кумекбарахъес Турцияла султтайчи дугъайзахъес. Шамилла насихІятчи Жамалудин-Хусей биалли ил барахъес имамлизибад тІалаб булан бирусири. Гъарил ярғализиб Шамилли илдас жаваб лугусири:

– Илини сунени хІебалулив гІергъити дусмазир нуша ГІярасайличил дургъухІели, сегъунти жапати шуртІразир саррал? Султан гъарли-марси бусурман адам виалри, илини сунени жявлил нушаб кумекла някъ гъабурци, сунечил ца динна адамти диъни багъанданалра. УрхІла халкъла лебдеш кебусули, илди бялчІули, бурцули, илдачи къаршили ургъули сархибти нигІматуна укуси ва кеп-чеклизив хІериуси иличи кумекбара или дугъаизурли, нуни илдигъунти усалдеш дарес хІейрус. Ил барес наб я дигули ахІенра. Ну султантачира шагъаначира вирхули ахІенра, пачначи къяйдали. Илбагъандан наб чилалра шайзибадси кумекра хІяжатли ахІен, нуша лерилра ва иш дунъя акІахъубси ца Аллагъла шайзибад ахІенси. ИшбархІира нуша душмантаци къаршили дургъес бажардидиркулра, ЧевяхІсила шайзибад нушачи уркІеңли лебхІели. Илини сабигу нушаб нуша дашуси гъуни чебиахъуси.

– Ну дебали васвасикІулра, дила урши, урусла пачани ярагъ кадирхъу ва нуша даршути гІямрула нигІматуначил пайдаладирахъес паргъатли далтара или.

Шамилли илис ишгъуна жаваб бедиб:

– Аллагъла шайзибад нушачи лябкъуси нуни сегъунтилла зигаръала яра къабулагардеш дакІухІедирули чекайсулра, я дунъяла гІямрула гІузрумази мурхъркес ва илдазибад разидеш кайсес дила къас агара.

Имамлара устадлара урғаб илгъуна ихтилат бетаурли гІергъи халаси декІар замана хІебикили лебалли, Даргозивси Шамилличи Черкесиялизивад сунес Изет-бей бикІуси адам вакІиб. Шамилличи гъамиубли, илини бергараг дурасиб ва Имамлизи иб:

– ХІурматла Шамил-апанди, иш хІечи бархъибси Черкесиялизивси гІялим ХІяжи-Юсупла кагъар саби. Иличи хъуравиубли калун Турциялизивад Кавказлизи султан ГІябдул-Мажидли вархъибси Ибрагъим-паша.

ГІяхІяйс кайахъес мерра чебаахъили, имамли кагъар лебси мухча абхъиб ва кагъар бучІес вехІихъиб:

«Даршудеш ва баракат дулгулра хІедра, хІела хъалибарглисра, гъамтасра, улкалисра, халкълисра! ХІурматла Имам Шамил, улкала чебяхІтазивад чевяхІси! Аллагъли хІечи дакІубирусиди ряхІму гІурра каммабиаб, илкъяйдали хІечил барх бархъси гъуйчи кабизурли башутасра!

Нушала чебяхІтазивад чевяхІси, ванзаличив дунъяла вегІла дяхІцІили сайси ГІябдул-Мажидли, Аллагъли мяхІкамварабну сай, хІед кумекбарес къасбарилли сай, хІу сунела динна узи виъни багъандан нушала цахІнавси душмайчи къаршиси хІекъли бархъси дявилизиб.

Эгер хІед селичила-биалра набзи багъахъес дигули виадли яра хІела ур-кІиличирти челукъутачила чевяхІси султайзи бурес дигули виадли, хІуни набчи хІела адамти бархъа.

Лерилра нушаб Аллагъ икъалавираб! Даршудеш булган!

ЧевяхІси султан ГІябдул-Мажидла марси къуллукъчи Ибрагъим-паша».

– ГІяхІси саби, – иб Имамли, кагъар белчІи таманбирули, – амма жаваб гес гъалаб нуни хІурматла адамтачил пикри цалабяхъес хІяжатбиркур. Дила юртлизив хІу гІяхІялван ахІи, илала хужаим сайливан мерлавии. Нушани пикри цалабяхъибхІели, кагъарра лукІехІе ва нушани дурасибси хІукму султайзи мухІили бурахъес хІечил барх адамтира Турциялизи бурхъехІе.

Бусурмантала улкнани дарсур бархбасуни кадизахъниличи ну къаршили ахІенра, – буриб Имамли ахирличиб, – амма ГІябдул-Мажид нушачил ур-кІи-уркІилавад вархъли гъайикІули виъниличи ну вирхули ахІенра. Сегъуна-биалра цархІил мурад агарли, ил нушаб кумекличи хъулухъес вализурли виъниличи ну васвасикІулра, нуша кумекличи хІяжатли диъниличила илинира балули виаллира. Амма, иличи хІерхІеили, нуни хІуша дикІуси бирис.

Туркла мез далуси устад Жамалудин-ХІусейчи хъарбариб Ибрагъим-пашачи ва султайчи кагъурти делкІахъес.

«Халати кабизалачердеш лерси ва гІибратла хІял-гІабигІятличилси Ибрагъим-паша-хІяжичи! Къудратла вегІли хІу мяхІкамвараби! Икрам хІед ва дахъал гІяхІдешуни! ХІела кагъар касибмад нушала ур-кІабазирти къақадешуни ва пашмандешуни кункли кІундацІиб, ва нушала рухІ разидешли дицІиб. ХІуни кагъарлизир чевяхІси султан ГІябдул-Мажидли нушачи дакІубирусиди къайгъиличила балахъулри.

БелкІунси жавабличирлицун паргъатхІедиубли, нушани къасбарилра бир-хаудичебти адамти хІечи бархъес, Аллагъ икъалавиалли, илди хІечил барх яра хІуни чеббикІибти цархІилтачил барх Истамбуллизи биур ва султа гъалаб тІашбилзан. Аллагъли хІура илдира мяхІкамдарабая!

Иш Даргозибад хІечи бархъибси Имам Шамилла кагъар саби».

Султайчи белкІунси кагъарла мягІна биалли хІера ишгъуна сабри:

«Нушани халаси хІурмат бирусиди, Турцияла тахла халавегІиллис, чевяхІси ГІябдул-Мажидлис нушала икрам, Аллагъла шайзирад ряхІму-уркІеци! Амин!

ХІела уличил белкІунси хІурматла кагъар нушачи баиб. Илизи белкІунси нушани белчІунра, мягІна аргъира, дебали разидиубра ва хІечи къабулли

калунра. Хиуни нушачир кадизурти тяхІяр-кьяйдаличила хьарбиули виадли, Аллагълизи шукру. Илала ряхІму-уркІеџИла гІяхІдешли ишбархІиличи бикайчи нуша ара-сагъли сарра ва балагъ-къадарлизирадра урехилизирадра дерцилра. Ибрагъим-пашани белкІунси кагъарлизир нушани аргъес хІедиубти меранира лер. Нушала ургабра туркла мез далути ва илди мезли лукІесра бучІесра балути лебли биаллира, нушани хІези тиладибирулра хІела пикру-мира нушаб дурути насихІятунира гІяраб мезли хІези делкІахъес яра нушани хІечи бархъибти адамтази нушази дурусли дурахъес илдази мухІилили дурахъес. Илди адамтани сабри нушала кагъар хІечи баахъибсира.

Аллагъла икьяйчил исламлис гІяхІдешлис ну гъар секІал дарес хІядурлира. Иш кагъар белкІунси саби І262 ибил дусла сапар базлизиб Дагъиста ва Чечняла халкъанала имам Шамилли».

Сунечи жибарили гІялим Амирра, Гехи-Мартаннизивадси шайх Мусара, Гъази-Кумухлизивадси гІялим Къурбанра, Шамилли илдази иб:

– Даршуту архІяликьянабалагъунти гІядатла палтарлира дегІдиирая. Палтарла удир хІушала ярагъра дигІяндарая. Цагъуна бухІнабуџличилти кІи-кІел кагъар арџличил дарх мяхІкамси мерличи дирбубли дигІяндарая хІушала къапІнала духІнар. Иззет-бейличил дарх илини аркуси мерличи дукъеная. ГІур илини хІяж барес аркъути хІяжликьянабачил дарх гамиличир Турциялизи дурхъурая. Истамбуллизиб хІушаб Турцияла султайчил гъунидаахъес имкан луга.

Авалра урчила мурда Россияла дазуличи бикайчи селра хІебиубли, паргъатли баиб. Гъунила дублабси авараглизиб илди урчачибад кабаџиб ва ГеладяхІ дукахъес бирхаудибихъибти адамтази дедиб, саби биалли џІяббийчи хІерли кабииб. Гъунила дуб буџили башули, илдани чула архІя даимбариб. Амма секъяйда багъурал, иларти урусла гІяскуртала бекІли имамли Черкесиялизибад бикахъили Турциялизи адамти бархъили виъниличила багъур. Гъундурачиб къараул имџабарахъес хьарбарилри.

Имамла вакилтира илдала гъуни балуси вархкъяра къалабабикІули аХІенри. Илди шимази бухІнабурхули аХІенри, илди шими ахъибхІелира џунти махъурбазиб яра бекІлил адамти агарти мераначиб сабри дуги беркІес тІашбилзути. Мазала дурхъбазиб кавлули калун џІябдийчи, дугили биалли архІя даимбусири. Сунжа ва Терек хІуркІбала мер-мусаличирти казакунала станицаби Гелар датурхІели, Кубанъна ванзаличи баиб. Иззет-бей илхІели уркІичевиуб ва къалабали гъалавяхІ вашескайиб. Черкесунала ванзаличи ваибхІели биалли, ил тамай паргъатиуб ва разивиуб.

Черкесунала цаибил шилизиб илдази авал черкес жагъилличила пашманси хабар буриб. Ярмаркаличи шагъарлизи бякъунти илди ГелабяхІ чарбулхъухІели буџили буилри ва, Шамилла шпионтази халбарилри, кабушилри.

Абадзехлизи баибхІели, Иззет-бейли Шамилла вакилти ХІяжи-ИсмягІилличи букиб. Илини биалли Шамилла адамти ХІяжи-Юсупличи баахъиб. Черкесунала гІялим ХІяжи-Юсуп гъарил шилизив тІашилзулри ва халкъла гъалав илди гъузгъалдибиахъес, гъазаватлизир бутІакъяндеш дарахъес жибирули гъайулхъулри.

Ил гІялимли дурутазибад Амирли ва цархІилти черкесунани «гъазават», «имам Шамил», «Истамбул», «султан» ибти дугъби аХІенси, гІур селра иргъули аХІенри. Шамилли Турцияла султайчи белкІунси кагъарлизирти баянти шимазив халкъла гъалав гъайулхъухІели ХІяжи-Юсупли дурули виъниличила

багъурхІели, туркла мез далуси Амир къумукъ мезли иличи дугъайзур:

– ХІурматла хІяжи, наб гъанбиркули саби, белгити адамтачи делкІунти кагъуртазирти баянти лебилра халкълизи тІинтІдирес асухІебирар или, илдикІун халкъличи дугъабизуни ахІен. Илди баянти дигІянали дихІес чебиркутазирад сари. Илала дурабад, нуша гъачамлис архІя ахирличи бикахъес хІедиубли лералра...

– ХІед паргъатагарирес хІяжатдеш агара, – жаваб бедиб ХІяжи-Юсупли, – Шамилла имаматлизир къяйдали, нушачирра вершадеш дирути ахІен.

Илкъяйда югла шайчибяхІ чула архІя даимбарибти илди лусента буцибси Цудара урхъула дубличи баиб, Анапа ва Сухуми шагъургала урга. Илаб ХІяжи-Юсупли архІяликъянаби Шамугун-бей бикІуси ухъна черкеслизи бедиб. ДекларбиркухІели, Амирли ХІяжи-Юсуплизи хъарбаиб:

– ХІурматла ХІяжи-Юсуп, нуша гъанна Цудара урхъула дубла даилрая, амма Ибрагъим-пашачил кършидикес гъачамлис далкъаурли ахІенрая къалли...

– Ге, – жаваб бедиб ХІяжи-Юсупли. – ХІушани гъанналичи бикайчи хъарбаэс хІебагъурлирая, нуни биалли хІушази багъахъес хъумартурли уилра. Ибрагъим-паша баз гъалавал Турциялизи арякъи уили сай.

Шамугун-бей хІериуси черкесунала биштІаси ши урхъула дублаб мерлабиублири. Алавчарти цархІилти шимазибад черкесуни урхъула дубла убяхІихъули буилри чІянкІли ярмарка бетурхути бурхІназиб яра капуртачил дергъ бемжурхІели. Лусентачилси урхъула дуб гамурби тІишиэс дебали гІяхІти мерани лерниличил декларбулхъулри, илар Цудара урхъуличир рамчанани итадяхІра ишадяхІра гъакІардикІахъули тІашдизурти ялкантачил гамурби чедаэс вирулри. Илкъяйдали урхъула дублар мер-мерличир халали ахІенти гІяхІцад къалурбира лерри. Дазу балтахъути урусла пачала къараулти сабри илдазиб мерлабиубти. Ухъна черкес Шамугун-бей муртрил урибси гІяхІгъабза ургъан сайри, ухънаваибхІелира ил кункли вяшиклес вирули левалри ва гъабзадешличил декларулхъулри. Арцлис дурабад се-дигара сабухес ва бицес бирути дигІянали дазу ахъес бирути базригантачил бархбасунира лерри илала. Илкъяйдали илини татаргала ва туркла мезра ункъли далулри. Илини урус мезра далулри. Илала се-дигара тІалаббарес, дазуличибад адамти бетакъбиркахъес имкантира лерри.

– Гъандуца, – викІар ил Шамилла адамтази, – гъамли Истамбуллизибад вачарла гами бакІес гІягІниси саби. Нуни хІуша иличир Турциялизи дурхъурая.

Ахирра ил гами бакІиб, амма ил гъар шайчибад къаякъуна алабуцилри ва иличи чилра гъамиахъес валтули ахІенри. Дугилира хІерилира къараулти лебри, чІумаси хІеруди бузахъути. Сунела гІяхІли цакъадар паргъатбиахъес, Шамугун-бейли ца базар бархІи илди урхъула дубла букиб. Амирли ва иличил лебтани турканала пароход-алав тІашти ялкантачилти къаякъуни чедаиб.

– Чедиуляв?- викІар ухъна черкес. – Гамила лабарла гъаяличибад гамилличи адам ахІенну, къурга вацара абацІес хІебирар. Ну се-биалра гІямал баргес умцІулра, амма гъачамлис селра бетарули ахІен. – Гъав бетакъибти гІяхІли паргъатбиахъес багъандан, илини имцІабариб:

– КъакъамадикІудая, гъачамлис селра бетакъили ахІен. Дила гІурра гъатІира умутчебси гІямал лебал. ДигІянали адамти ва масани итара-ишара дихутани се-дигара барес бирар. Илдачил биалли дила бархбасуни лер.

Чумал бархІила гІергъи Шамугун-бейли багъахъур, лусентала ургабси

урхула гъярца дублаб дигянали ташбизурли Турциялизибад баклибси вачарла цархил гами леб или. Цяббиубхели илини Шамилла адамти урхула дублабси ил гамиличибхели арбукиб. Илди шурмала мер-мусаличирти дукьбикад хъусли башутири урхула дубла баайчи. Лебилра дуги башули калун. Савли Амирли урхула дублар чябхъдиклуги шинна ва чила саррил шупурла аргъиб.

Шамугун-бей дакуухъес къалабаиклули ахленри. Гьуцванухъи, камси мер ахъили, ил ванзаличи пьциркулри ва шимшализив ил чейули ахленри. Алавчарти лусенти булан дусаунтигъунти сарри. Урхура бусусигъунари, ил бургули ахленри. Савли шалабиубси заклизир багълали зубарти дилшулри. Гъарахъли чебиуси лусейчибси къалала чедиб къараул бирес барибси ахъси къуппачивси къараулла цунси сипат хъасиббарес вирулри. Шамилла муридуначил Шамугун-бей лусенна беглар дубличи ветаиб ва илавад удибси гами лебси урхула дубличи хлеризур. Ил хапли гелавяхли хихиуб. Илалара бархкъябалара хулбала гъалаб кахси сурат гъаргбиублири: шизирад гъардаклили цали бигубси гамила гела-гъаладиклуми чедиулри. Гамила гъаладуб биалли урхула дубличи сабаилри. Дягъла гъирлиур лапардиклули жибжиркадухъунти ялкантала бутни лерри. Урхула дублар, ванзаличир кабушибти адамтала чумал жаназара хъасиббарес вирулри. Илди гамиличибадти туркла морякуни сабри, чулира илаб бекла баргибти. Урхула дубличир вегдеш дирутани беклибти жихебарибти гяхлала жаназуни хъаридихъесалра къасбарили буили ахленри. Кабушибти турканала цудара супелти булан хъасиббарес вирулри.

Амирли хулби чедихъиб ва балга шипирбариб. Илала балликъянабира чебаибсили кахъабхублири. Гъанна илди разили булан сабри, Аллагъли илдас султа ванзаличи букъяхъес гъабиз барниличи. Илдазивад цалра гъачамлис урхъначибси итара ишара гъакларбиклуси къаякъличичи кайибсира уили ахленри. Иличила пикрибухъунхели, илдала урклиби урехилизи диркулри.

– Сейкисив? – иб Шамугун-бейли, лехкахъили чула пикрумази мурхъбикибти балликъянабачи хлериклули. – Гъарилла сунела бархъира сягъатра дирути сари, селра барес хейрар... Цархил гами баклайчи хлерли дуэхле, белики нушаб гъарбизес...

Хлерибуси замана илди сегъунтилла бехлемцунази хлебикили Шамугун-бейла шилизи чарбухъун. Лебталала дебали вайси гъав сабри.

– Наб гъанбиркули саби, – виклар бархкъябази Шамугун-бей, илдала лехдеш къябиули, – ил къуллукъ бекларес багъандан хлуша хъаблилра архъа даимбарес хъажатдеш агара или. Ца яра клел адам гамиличичи касес илала хужаим гъамадли къабулиркур, хъабал адам касесван ахли.

– Хлу вархъли виклулри, дудеш, – иб ухъна черкесла гъайличичи разивиубси Амирли. – Нушани гъанна нуша-ургаб ихтилатбирехле ва чили султайчи архъа даимбирул белгибирехле.

Ил бархли ухъна Шамугун-бейла юртлизи деклар-декларти гяхцад адамти музабухъун. Цабехли хъа вегличил гъяшли гъайбиклули гяхцадхли калун. Цархилтани биалли, илизи серил бурулри ва хъярхъли дурабулхъулри. Сай хъа вегъра гъаман хъуливад дура арашулри. Цацахели ил къалабали гелавяхли чарирулри, цацахели биалли ил абзур бархилис хъуливад ветихъулри. Гъачам ил дебали вайси гъавличил хъули чарухъун ва Шамилла вакилтази багъахур:

– Иш яргалис, виклулрагу, Аллагъ набчи къакъгъавли кайзурсигъуна сай,

селра барес вирули ахIенра. Амма хIуша уркIагармадирудая, нуни хIуша дебали умутбихьеси адамличи, дила гьалмагъ ХIясан-бейличи унра шилизи аркурая. Белики, илисалра имканбакIес хIушаб кумекбарес.

Амирли ухъна черкеслизи иб: – Турциялизи султайчи укьес нушазивад Къурбайсун дигули сай. Гьалмагъ гьуниватурли, Мусара нура ГеладеяI Дагъистайзи чардулхъехIе. Къурбан биалли хIяжликъяна сайливан Истамбуллизи аркъян.

Шамугун-бейли илдала вягIда ункъли чебаиб ва ил барни гIяхIси биъни аргъахъиб. Ил бархIил илини сунела хIерудилиубти унраличибси шилизив хIерируси ХIясан-бейличи арбукиб. Шамилла адамти илаб разили къабулбариб, гIяхIти гIяхIлдеш дариб ва илдас гьар секIал дарес чесиб. Сагал хужаим хIерируси шира чебаэс къулайси сабри, хъа вегIра яшавлизив гIяхIил сайри: илала ютра къулайсири, палтарлира ил гIяхIил вегIиублири. Ухъна черкес, балликъянабас гIяхIси гьунира балги, декIарикиб ва сунела шилизи арякъун.

Ца бархIи ХIясан-бей архIяличивад къанни бархIехъ чарухъун ва муридунази викIар:

– Дила къуллукъуни хIясибли ишбархIи ну урусунала къалализи вякъунра. Илдала начальникли набзи хъарбаиб – хIечиб хIербиэс гIашбизурти Шамилла вакилти хIебиэс? Нуни жаваб бедира, ахIен или, илди даршуту адамти саби, Маккализи хIяж барес букьес хIядурбиубти. ИлхIели къалала начальникли набзи уркъбяхъиб, хIуни бархъси бурули ахIенри, илди адамти бекIлил даршуту ахIен, къулайли бирар илди гIелабяхI чарбухъалли или. Чили-сабил илизи хIушачила багъахъурли бургар или гьанбиркули саби наб, – аргъахъиб ХIясан-бейли.

Хъа вегIли бурибси хабарли Шамилла муридуни паргъатагарбиахъуб. Амма хъа вегIли илди итмадан паргъатабиахъуб:

– ЧарулхъухIели, гьуникад ну ца морякличил къаршиикира, Турциялара нушалара урхъула дубаначи гьаман вашуси. Илини набзи гъай гиб хIушазивад ца сунечил варх арукес. Чумал бархIила гIергъи илала гами Турциялизи чарбулхъуси саби.

ГIергъила бархIи савли ХIясан-бей вягIдалавиубси моряк иличи хъули дурайкиб ва иб:

– Нуни пикри барсбарилра. Чилра набчил варх касес хIейрус, сенкIун урухкIулдра. Урусунани гамиличив цархIил адам варгалли, илдани нуша гамиличил дарх мицIирли цIализир игура. Нуцун варгасли, илдани дила се лебал лебсигъуна кебису, амма ну мицIирли валтара, сенкIун илдани ну чи сайрал балули саби. Илдани наб илгъуна чуйнара барибси саби.

ИлхIели шайх Мусанира Амирлира, Къурбан ХIясан-бейличив ватурли, саби арбукьес къасбариб. Абадзехлизиб илди ХIяжи-Юсупличи бякъун. ГьархIебизниличи илра дебали къакъавакIиб. ГелабяхI чарбулхъутас илав Маккализира Мадинализира хIяж барили чарулхъуси унцукуллан ца адамра къаршиикиб. Ил мегъла уста сайри. Илди хIяблилра ХIяжи-Юсуп Шамилличи къуллукъличи шурухъес къабуликахъес къасбариб. ХIяжи-Юсупли иб:

– Нуни хIуша Дагъистайзи бикайчи гьунирдалтара, Шамилличилра къаршииркус, нуни се бирисал итхIели белгибирар.

ЧIянкIли абзур дус шалгIеббухъи гIергъицун имканбакIиб ХIясан-бейлис Константинопольлизи аркъуси гамиличи Къурбан катахъес. Истамбуллизиб

султан ГІябдул-Мажидличи Имамла кагъар баахъили гІергъи, шайх Къурбан хІяж барес ГІярабиялизи арякъун.

Черкесиялизивад Шамилла муридуні гъуниббатурли Дагъистайзи вакІиб-си ХІяжи-Юсуп Даргозивад арякъунхІели, Амир Шамилличил къаршиикиб ва имамлизи хъарбаиб:

– ХІяжи-Юсуплис хІянчи бедес къабулхІейкирив, Имам?

– Илини набзи сунес къуллукъ бихабарибу гъатІи? – суайс суайчил жаваб бедиб Имам Шамилли.

* * *

1845 ибил дуслу гІебшніра яніра паргъатли шалгІердухъун. Восточный Кавказла мер-мусаличирти ГІярасайла дазурбачиб паргъатдеш даимбиублири. Урусла гІяскургала БекІ командующий фельдмаршал Воронцов сунела гІярми-яла байхъалара бетахъахъили, сайра дубурлантази ясириркули хІилхІи кали гІергъи, Даргози дураберкІибси чябхъин дурхъали кабизурси ва ил баркъуди багъандан князъла даражаличи айкахъиб. Гъанна илини Тбилисизир даршут-ти гІямру кеп-чеклизир даимдирулри. Иличи бирхаудибихъилри дубурланти мутІигІибкІахънила шайчирти далдуцуні сунес дигуливан дурадуркІахъес. Шамиллара гъамли дявтази ахъес къас лебсигъуна ахІенри: таманхІедирути дявтазибад суненира бамсриихъулри, сунела бургъантасра челукъути къул-лукъуназиб бузахъес имкан бедилри. Амма илала планти бекІлил хабарагарли дарсдиуб. Янила ахирличиб Веденолизи Черкесиялизибад машгъурси египетлан ХІяжи-Юсупли бекІдешдируси делегация бакІиб. ХІяжи-Юсупличил варх Сулейман-эфенди бекІуси делчІунси гІялим адамра леври.

ХІяжи-Юсупли имамлизи Турцияла султайчи бархъес хІядурбарибси хІябал адамлизибад цалабикибси делегациялизи керхахъурси шайх Къурба пашманси къисматличила багъахъур. Ил викІар:

– ЧІянкІли ца дусла гІергъицун шайх Къурбайс, сунечила шалати гъанбику-ни нушала уркІабазир даимлис кавлан, – Турциялизи аркъуси гамилічи кайэс имканбакІиб. Истамбуллизиб илини имамла кагъар султан ГІябдул-Мажид-личи баахъиб ва гІур хІяж барес Маккализі арякъун. ХІяж барили, ил Истам-буллизи чарухъун. Султайчи вякъун ва илини Шамилличи белкІунси кагъар сасиб. ХъулибяхІ гъайбариб. Амма нушаб хІейгибизеси пашманси анцІбукъ кабикиб: Турциялизивад Черкесиялизи лявкъуси ил гъуйчив таманкайуб.

Имамли ва иличил барх лебтани някъби чула дяхІла гъала ахъдуциб ва вебкІибсиліс алхІям белчІун. ГІур ХІяжи-Юсупли буриб вебкІес гъалаб султай Шамилличи белкІунси кагъар имамличи баахъес вируси адамлизи бедиб. Ил сайри ХІяжи-Юсупличил варх левси Сулайбан – эфенди. ГІур ил гІялимли сунечила ишгъуна хабар буриб:

– Ну Кабардализивадси сайра. ВиштІахІейчивад динничи чекайзурсири. Бусурманничи хъарси барили, хІяж барес ГІярабиялизи вякъунра. Чарулхъ-ухІели Истамбуллизив тІашизурра ва исламла гІилмуртази мурхъикес ба-гъадан чебяхІси даражала духовная семинариялизи керхурра. Исламличил барх илаб нуни бусурмантала юриспруденцияра бяркъурра. ГІялимла даража сархибхІели, дила ВагІайзиб ислам дебабиахъес ва душмантаци къаршили ургъес къасличил хъули чарухъунра. Ну Черкесиялизив минавиубра. Аллагъла дяхІцІиличи гъамти бусурмантала жамигІятла машгъурти вакилтани илгъуна бирули бирар. Цудара урхъу бетахъси Истамбуллизи вачарли башутачилра

дигІянали бархбасуни дузахьутачилра гьудуриубра. Истамбуллизибад декІар-декІарти къасаначил нушачи бурхьути адамтачилра гьунивиула. Итабад нушачи башути вакилти жявлил ита арбякьунти черкесуни, къабардинти ва бебшибти польшалан эпсертти саби. Дила икьайчил дурхути сари Англияла дявила гамурбачир иша дихути ярагъра янсав-хІярхІяра. Гъанна нушала ярагъ ункъли далути адамти леб. Илдани янсав диресра балули саби. Амма нушаб дебали диргалабулхьуси ца секІалра леб. Ил саби исламла байрахълиу лебилра халкъани ахъбуцес вируси багъадур адам агни. Нушала дявилис бекІдеш дирули, душмайчибад чедибдеш сархес виэси гъабза хІяжатли сай.

Илдигъунти гъайра дурили, Сулайбан-эфендини черкескала хІясирла кисализирти бирцІлумала цализибад селтІализи бергурси кагъар дурасиб ва ил имамлизи гъабуциб.

– Иш Турцияла пачалихъла бекІличибад саби,- виКІар ил.

Султан ГІябдул-Мажидли лукІулри:

«Къудратла вегІ Аллагъ багъандан! БаркаллаикІулра мусни-зубри акІахъубсилис! ГІусма пачалихъла тахла вегІла шайзибад! РяхІму-уркІцила вегІли хІушала байрахъуни вавалидирхъуси даражаличир калахъаб, исламла душмантачилси хІушала дявилизир гъарбизуни гІердуцаб!

ХІела кагъар касибхІели, хІушала умутунала бухІнабуц багъурра ва нуни чейсулра хІуша дила уркІилис гъамтачирад гъарахъхІедарес. Дирхеная набчи душмайчил дургъухІелира даршули хІердирухІелира. Дила имкан агара хІушаб гъарли-марли чесабиуси кумек барес, сенкІун нуша урхъулира ванзалира декІардарилра, илхІелира илдас душмантани чІумаси къараулра бирули саби. Амма гъарбизунани нуша гІердуцахІелли, нушани капурти дугІиэхІе ва нуша ванзурбачилра нушала уркІбачилра дархдиркехІе. Ил шайчив нушаб Аллагъ икьалавиаб! Гъачамлис биалли дублизи атІес ва ургайчи гъамдиэс къасбирехІе. Ил барес багъандан хІушачи чебиркур кагъарличир хІушала ванзурбала дазурби чедаахъес, гъундури, дубурти, диркъбикунни, вацІурби, гІинзурби сипатдарес. ХІушала гІяскуртала къадар сегъуна сабил багъахъес. ХІушала шимира шагъуртира сипатдарес, илди мерладиъниличила нушази багъахъес. ХІушала сегъунти ярагъ лералра багъахъес гІяхІсири. ХІушала запасуначилара багъахъес хъуммартидая. Душма цІакъаначилара, илала къалурбачилара ва цархІил лебсилничилара нушази багъахъес чебиркур.

Лерилра илди секІал дагъурли гІергъи, нуни къасбирис зубрала пачала кумекличил ну нушала цахІнабси баркъудилизияхъес. Аллагъ нушаб душмантачирад чедидикахъес икьалавиаб!


*ГІусманхъала пачалихъла халавегІил
султІан ГІябдул-Мажид».*

Шурбатурси – Тавсултан СягІидов



Назмурти

Хизри ЮСУПОВ



АГАРА ГІЯХІЛА ХАБАР

Бахъалтиван вашира
ГІямрукад ну – хахамли.
ХатІахІейкес хІейрира –
АхІенри халахарли...

Леб балути– хатІаби
Дила дурцес гІебнази,
Чула вайбаркъудлуми
ХІедурцули зарлизи.

Бахъал агара бархъдеш
Чучила дигахъути,
ГІяйибтала къудкъудеш
ГІядатли чекайсути.

Умудизэс, мардизэс
Нуша гъалакдикІулра,
ВеГІ-веГІси пахрулисра
Нуша бушиндирулра.

РяхІмуличи хІерли сар
ХІела паргъатти хІулби,
Ну илдачи хІерикІес
Чинаба гъатІи ахъри?!

Ил арбухиб къаркъаван
ХІясаддешла варачай –
ХІялагарти хІяланас
БелчІи пашманси далай...

ХІу – къаркъала, ну – яхІла,
Агара хабар гІяхІла:
Хамдешла хилипдешли
Нуша хасархІелтули...

Вашира... Бархъдешличи
Бургисра или гъуни –
ЦабехІтаван балули
ХІедарра бунагъуни...

Леб – набчирти гІяйибти
СубхІянван садирхъути,
Чула зина-зарулти
Тавбаван хъумкартурти!

* * *

Бахъал агара бархъдеш
Байрахъван ахъбуцибти,
Къалпси багиагардеш
УркІба хІейгибарибти.

УрхІла шишимтачира
Къакъгъарли кадилзулра,
Ил ярга нушачира
Сабийни хІебалулра.

* * *

УркІецилис гъаргли саб
ХІела кІантІиси уркІи,
Ну иличи лехІахъес –
Чарх саб гъимили белкІи.

Илала лами набзиб
Ухар пушназиб цаван,
Гъай-мезла буцІар цабилкъ
Хясаайчи гаван!

* * *

ХІу – гъапулли, ну – гъявли,
Аркъули бурхІни жявли:
ГІямрула гІузруртала
Ясирти детаурли...

ХІу – берхІили, ну – бацли,
Урван ахІелкишара,

Гьалар кьайда дигайли
ГІур кепхІедаришара?!

* * *

Пикрила пишнар пилта
Дагьрилизиб пайтсиван,
Ухахьу набзиб умут
Галикьла гантариван.

Цала цІуба цІуденга
УркІилаб улкусиван,
Ну хІела гьалав гьаман
ЛамикІулра ламиван.

* * *

УркІи ангузван саби
Чебихьибси гьавличи:
Чи лева лехІахьибси
Ил язихьла авличи?

МуртхІейчирад дирулив
РухІли мехІелис лагьдеш?

Ну итгьуна шаласи
Адам – шадси саяхьчи –
Шурухьира шавласи
УххІевхуси шямличи.

Илди – суалтигьунти –
Дила цІумьала сари,
Илдани наб дихути
УркІилизи кьиз сари.

Мурт, чинар детахьибтив
Дила хІясратдеш, гьаргьдеш?

Ца хІуницун баладгу
Сабаб дила «хьябшдешла»,
Диги агарти гІямру
Дагьуртину хІунира...

* * *

Цуб дирихьла кІанаван
ГІяршла зубарти ургаб,
ХІела сурат бетяхьиб
Дила хІулбала гьалаб...

ГІячихьли бурес хІейрус
Лерсирил дуньяличир,
Яра хІу рирсибсирил
Дай уркІили сунезир.

* * *

Имиулала кьада
Бири гьалаб дила ши,
Жигарла кьутІ-вякъ ишар
Дугилира хІедилши...

Мирхьиагар тІакьаван
Саби гьанна дила ши,
ХІявбуцІала цІумьала
Сари гьанна дикьути.

* * *

Дуньяла даимдешла
Ва гІямрула декІдешла,
Умцла баргахьес или,
Гьириулра ну хІили...

Лебил уркІила дунья
БацІибсиван сунезиб,
Щегьала сумван саби
Гьигь булан гьанна набзиб.

* * *

Гьалав кьайда савцили
АхІенра ну пирули.
Держли ужули хьалли,
АхІенра кепирули...

ЦархІил гІяламатуни
РухІлис гьаладурцули,
Аркулрагу гІямрули
Сукьурван гьавуцили.

Имин МЯХИЯММАДОВ



ЧИЛИ? СЕН? СЕ БАГЪАНДАН?!

Ва гьалмагъ, хIела жан дат,
Гьар ганзлис хьармарикIуд,
Чили? Сен? Се багъандан ? –
Суалти дахьмадирид.

Илди хьардианта ну
Низбаниван игулра,
Буруш-гъанкI демцIахьурли,
КIиуркI-хIябуркIирулра...

АхIмакъли хамси улка
Се багъандан бехьубсил,
ШайтIа къапIниван, хапли
Чум пачалихъ акIубтил?

Се къасли, се сабабли
Илди декIардикибтил,
Гъанагар гьундурикад
Чина гьалаксауртил?

Чиди пача сегъунал,
Чидил улка севанал,
Чидилла гIяскар цIакъсил,
Чидилла ярагъ хьярхьтил?

Чинаб гIяржакъ азадлил,
ХIебузули букулил,
Чинаб илди лутIулил,
Байхьу гушли бузулил?

Сен пулан министрла
ХIянчи-къуллукъ бухьунсил,
Итил рушбатла изай
Туснакъла ухIнавшибсил?

ГьатIира ахьси хIяким,
Мургъи дигIи, вебшибсил,

Сен ил угъраш уцахьес
ФСБ хIебархьибсил?

Чинаб сабил, чихьалил
Сен агъулабарибтил,
Донбассла гIяшул-урши
Чили дигIяй кавшибсил?

Сен Керчьлизиб мехIурли
Кахси баргберд барибсил,
Сунечил барх бучIанти
Кабушибтил, бяхьибтил?

Унра Украинала,
Сегъуна тебсил Майдан,
Къалмакъар – къижла ужагъ
Бишахьес лебсил имкан!

Сен нушачил рургъусил
ГIянтIикIа Тереза Мей,
Итала вассал сайсил
Патриарх Варфаламей?..

Чили вайси баралра,
Се анцIбукъ кабикалра,
Сен гьархIели ГIярасай
ГIяйибтази бурцусил?

ХIебалас, дила мурад,
ИрхIергъулра нунира,
ХIекъси жаваб чарбатес
Я бажардихIеркулра.

ГIяжаибси хIяйчиб саб
Гъанна дунъяла гумай!
Илгъуна бири гьалаб
Дербентла карбансарай.

Очерк



Нурулгъуда РАЖАБОВА

ХІЯБАЛ РАСУЛ

... ЦархІил бекІлил селра хІебиаллира, сунела «Цуба къургъачил» дунъя чедибяхъибси, лерилра дунъяла мезаначил, тамашала хІяйранти макъамтачил ил назму зайбухъахъунси, дунъяла халкълира марварибси, Дагъистан машгъурбарибси Расул ХІямзатовра, уркІби гъимили дицІибти, цархІиллис гІяхІдеш биалли, чус вайбилзути питникартанира хабарла имам Шамил валтІухІелира, илдигъунтала ургІер законтала урхамтау викибхІелира, имам Шамил Дагъистацунра ахІенну, арагІеб Кавказлара миллатла Игит сай или, шанда баруван чІумали кайзурси ХІямшимавадси Расулра. Пергъити чумал дус илдала ургав камагарсири илдала виштІал узи гІярбукІан Расулра.

Жагъти гІямрулизиб унраличиб бирули, гъести гІямрулизиб поэзиялизибра гІилмулизибра бузули, гъатІиралра гъести гІямруличи бетикили, чула къяшмачиб ита-иша башес ахъриагарбиубхІели, гІярбукІан Расулла кумекличил чула бархбасуни гъатІиралра уржахъути Расулхъали.

Расул ХІямзатовла рири сунела марси, уркІи кагибси гІямрула ралликъяна ПатІимат, сунесра Расулли дахъал назмуртира сонетабира багъишладарибси. Дебали ахІерси, жагаси, духуси. Расулличиб жявли ПатІиматли дунъя бархъбатур. Расуллис дебали бяхІяэс къиянси агри сабри ил.

Вахъ дебали анцІкъилизи викибси цІадалан Расуллизи хІямшиман Расул маслигІятикІусири, ил вахъ дебали къакъахІейкІахъес, сабурчевли вирахъес...

БахъІи агарли цІадалан Расулла къисмат сунечира чебуркъиб: цункавхъун ХІямшимавадси Расулра. Сунела пергерла ралликъяна, уркІи аргъибси гъалмагъ, жагати хІял-тІабигІятла, дяхІ-сипатла, куц-кабизла регІ ЖумягІра ахиратла хъули минариуб. Шамил вархъагарсилизи халирули, иличира чябхъинти дирухІели, ил гъарли-марси Игит виъни кабизахъес гъазализивикибси, сунела профессорла улизивадра, халати жавабла къуллукъуначивадра акъува-турхІелира селисалра мукІурхІекІибси, ца дугила бухІнаб шинкъян цІудара делсунти гъез хІяндиубхІелира сунела цадехІ пикрумачив калунси ХІямшимавадси Расулра вахъ дебали гъузгъалдиварибсири ЖумягІла агрили. Ил


виклусири: «Сен илкъяйда бирусив, илкун набчир вецал дусла риштгалри?.. Гямрула хЕкъдеш – ажал даалли, виштгал-халал деклархебиру... Расулли сунела ЖумягГлис чумал жуз багъишладарибтири ишгъуна белкличил: «Дила гямрула марси, пергер ралликьянас, дурхИнала нешлис».

ЖагъИели кЕлра Расул жура-журала мажлисуначиб, мукърачиб, улкала масъулти ирзути форумтачиб къаршибиркули бири. Чула уркИби аргъибти гьалмагъунала урgab тамашала пасихИти масхуртазиихъули бири. Гъанбиркур гъачам Расул ХИямзатов хИямшиман Расулла уршила мекъличив гъайулхъули: «ИшбархИи ну чумал мекъличи живарилра. Амма ну иша дила узила мекъличи беГ гьалав вакИлра. Сен дикладалли нуша кЕлра иш дунъяличирти Аллагъла вакилти сарра. (илди гъай дурухИели, тамай ватухъи Расул дукарирхИули сай, илис гЕргъи лебил залра). – Амма ца секлал: наб Къудратла ВеГли пагъ гили хьалли, жагадеш хЕгиб. Расул МяхИяммадовичлис биалли пагъличил дарх жагадешра дедиб (гГурра дукелци)...

ХИяжатси мерличиб масхара бурнира, ил къабулбирес-иргъес балнира духути адамтала хасдешуназибад саби. Илдигъунти бири илди кЕлра Расул. Цадалан жагасири сунела пасихИдешлизив, халахЕрхнилизив, адамтачи дигилизив, масхуртазив.

Нушачиб бикИули бирар: «Мурул адамтас хъунул адамти жагъИеливанра ахИи, гъести гИямруличи бетикибхИели имцлали хИяжатти саби» или. Гъай-гъайра, анкъи ванабирули, уркИби шаддирахъули, чула жинс-минала наслу даимбирули, дахъал дусмазир цахИнар гИямру деркИибтас гъамадли хЕбирар, илдигъунти къулайдешуназибад – гИямрула балликьянабазибад мяхИрумбиалли. Дунъя бацкабулхъан, се барили, се бурсил, чина виркусил хЕбалутти пикрумала ясирти бетарар. УркИби паргъатдиахъес шадиб-гъундури даресра гьаларлагъунти имканти хЕдидарар – къяшми декИдиубли сари...

ХЕра, илдигъунти шишимтази бикибти кЕлра Расулличи Аллагъла уркЕцИван, илдала ургав дакИуухъун хИябъесил Расулра – гИярбукИан МяхИям-



мадрасул. Илдала ургав ил гЯрбукІан устнани арцличир мургѳи-шинни варакъдарибти жагати някъишван валикилри.

Дирар манзилти адамла гЯмрулизир сегъунти-дигара жагъалти дакІудирути. УркІби дурес, чула бегІлара гъамсилизира дурес хІейэсти дигІандешуни гъаргдарес чараагарси, уркІи бирхуси юлдаш хІяжатси. ХІера илгъуна – уркІи-гъаргси, дигичевси, кІелра тјамадала уркІбала мурадуни дирес музаулхъусили ветаур МяхІяммадрасула. КІилалра уркІбала мурадуни дируси, бархбасуни уржахъуси, илдала жузи дураахъес икъалабируси.

... ХІямшивадси Расул 90-йчивад шалгІевухъири. ЦІадалан гехІцІайчи гъамикІулри. Цалалра арадеш гапла ахІенри цІадалан гЯрбукІан Расул бекІ-ливиубли хІямшимайчи вашусири. ЦацахІели цІадаланнизи хъарбиусири «Я, Расул, хІед вашес гІядабли саби, се чараагардеш лебси хІямшимайчи вашес?»

– Ил дила учитель сай, учениклис учительличи вашес чараагарси саби. ИлхІелира – дигуси учительличи. ВегІ халатачи хІешалли, биштІати вегІ-личира хІебашар. Сунела узи ХІяжи ХІямзатовлизи ил викІули вири: – Иш базла пулан кІелра бархІи (илдала уми айхъули), цархІилтас ну левси ахІенра, илди бурхІни Расул МяхІяммадовла сари».

ХІера, духути, пасихІти кІел адамла сецад диги леррил чула уркІбазир, селилра – я деркІибти дусмани, я бархибси дунъяла зугІлумани, я заманали дуркъхІедиахъубти, дарсхІедиахъубти, гъарли-марти гІяхІгъабза дубурланта диги ва хІурмат.

Сецад диги диубли хъалли се гІяхІдешри, дяхІ-дыхІли кабиили, чяйла стаканра хупІбирули, чула уркІбала хІялани аргъахъес имканти хІедиалри? Илди имканти гІердурцутазивад бегІлара марси ветаур кІелра Расулла виштІал узи – МяхІяммадрасул.

Чула диру-далтутази, зугІлумази абархили, узи-уршили, тухум-агълули дарес имканхІебикІути зугІлуми гЯрбукІан Расулли сунечи чекасилри. Къас-къасли хІурматла тјамадала уркІбала мурадуни дирули.

МяхІяммадрасулла дигеси ца гъатІира гІяхІдеш. Илини илдас чула челукъутачи далдикахъили, сай вегІти, сунени дирути дармунтира дужахъули вири. УркІила дигиличил балули дирути сархІели дурги, илди сабабра дири. Сунечи хъарахъибтала уркІбас, чарх-бекІлис, рухІлис рахІятдеш бихуси дяхънуша! Чула халати имканти лерли диаллира, ахъри агарбиубтас кагибси кумекчи!

ГЯрбукІан Расулла кІиэсилра хасдеш – азгъиндеш хІедални, чарх-бекІли-зив, рухІла шайчив ара-сагъли, серхурли вирни. Вархибдешличи хІерхІеили, кумекличи музаулхъес иштяхІ, ил барес замана мяштІхІебирни. ХІукуматла хІянчиличив узра узули, цархІилтала мурадуни диресра бажардииркни.

Наб гъанбиркур, МяхІяммадрасул жузала издательствола директорли узуси хІейалри, мажахІят бажардибикши кІелра Расул чула илдицад жузи дураэс. 90 дус виубси ХІямшивадси Расулли «Дарганти Дагъиста халкъанала башрилизиб», «Дагъиста халкъанала уржибдеш – миллатла давла» жузи дураибтири. ГЯмрулизивад шалгІевухъес кІел жумягІ калунхІелира МахІяммадрасулли «Дагъиста историяличила буруси» ца гъатІира жуз кабухили, тјамадала уркІи шадбарибсири. Жузала авторти сунечи башес ахъри агарли биъни хІисаблизи касили, сай илдачи вашули, илди къалабали далкъарахъусири.

... ЦІадалан Расул 80 дус вирнила шадлихъуни детурхулри. Ил анцІбукъилис багъишладарили, илала чердикІибтала 8 том дурадухъунтири. Шадлихъуни даимдарес цІадалан Расул Москвализи аркъули, хІямшиман Расулличи вякъун,

– гъайгъайра, гЯрбукІан Расулла икъайчил. Расулхъала разидешла дазу аги. ГІур Расул ХІямзатов, сунела гехІелра том Расул МяхІяммадовичлис пешкешдарес белкІани дирули вархиб, някъби руржули, илис ил барес гъамадли хІебиъни чебиуси Р. МяхІяммадовли, ил мяхІкамирули иб: «Я, дила узи, хІурматла Расул, ца томлизи хІела белкІ барадра биурну, инжитмайруд»...

– ЦархІилтас нуни ца-ца томлизи сари белкІани дирути. ХІед биалли нуни лерилра томанази дила пикруми лукІас. ГехІгъесил томлизи илини барибси белкІ гъанбиркахъис: «ХІурматла Расул МяхІяммадович, хІу хІейубси виадри, наб хІериэс гІядабли бири...»

ХІера, дунъяличи сунела хабардерхурси, машгъурси, пасихІси поэтли уктемдеш агарли, халадеш хІедуцили, сен ахъли къиматладирули калил мурул адамтала гъарли-марти юлдашдеш.

Москвализирра Расул ХІямзатовла шадлихъуни детерхур. Илала назикси уркІиличи асар хІебарес хІедири илдани... Больницализи викиб. Гъар бархІи сунела хІямшиман узичи зангъдирхъи. Ца алхІят бархІи бархІехъ илини дяхъибти зангъ: «Дила узи Расул, карцІкайублира, гъандурцехІе... Итни бархІи ну больницализивад дураулхъулра, къаршидиркехІе»...

Илди бегІла гІергъити зангъли урдухъун. Итни бархІи, хабарагарли, арбякъунси даршдусла, пасихІси поэт, гъарли-марси дубурлан таманкайънила декІси хабар бакІиб. ХІямшиман Расул – чІумаси Расул кІантІивакІахъибси, гъузгъалдивиахъубси хабар...

Ну ишар Цадавадси ва ХІямшимавадси Расулхъала ургарти диги-хІурматличир, чис-дигара гІибратли диэсти юлдашдешличир имцІали тІашризулла, гЯрбукІан Расулличила бурес алавракІили. Сен илкъяйда бетаура? СенкІун гІергъити дусмала илди хІябалра Расулла баркъ-бацла, бархбасунала, гъалмагъдешла ну бикъри сарри. Илди хІябалра Расул ца бетауртиванри, цали-ца чебирцІахъутиванри. Илди халати, чула уркІбала гъира лебли хъалли, чархбекІла къуват камкабиубти, саби-сабил чула уркІби дикІна баэс хІебирути халати Расулхъали мурадли биахъан сайхІели.

ЦацабехІтала бирар, чусра се-биалра гІяхІдешличичи хъулбикІули, хІяким-карим гапирули лукІути. Илгъуна ахІенри гЯрбукІан Расул. ХІямшиман Расул итил дунъялизи минавиублири, МяхІяммадрасулли, адамтала уркІбачи тамашала асар барибси, мурхъси мягІналичилси, тамашали далдикибти пасихІти дугъбачил каргъурси, хІямшиман Расул жагали сипатвириси «ХІямшимала чедиб чІака» бикІуси статья дураиб:

«... Ил хІяриирхъухІели, хІябрала чедибси лесличиб хапли чІака багъарбиуб. Дубурла чедиб лас-ласбухъи, ахъси дубурличичи кахІебиибну, адамтачи гъамли кабиб, – лукІулри гЯрбукІан Расулли. – Бяхъили, арадеш агарли хІебиалли, илис адамтачибад гъарахъли биэс дигахъу. Амма илала арцнили, умутличил лусенничичи кабиънили, нушала шайчибяхІ пахруличил хІербикІнили балахъулри чІака ара-сагъли биъни».

... Ахирличиб МяхІяммадрасулли бурули сай хІямшиман Расул лерилра сунела гІямрулизив тяп дубурла чІакаван хъар-хІерагарли хІерирули калун или.

ХІера гъанна гЯрбукІан МяхІяммадрасулла нушала ургав агара. Камси гъалабван дус дикиб ил нушазивад декІарикила, Аллагъли алжанала агълула барабну сайра, цІадаланра, хІямшиманра.

Жафар



Набигуллагъ СУЛАЙБАНОВ

ХІЯБАЛ ГІЯББАСИ

Пулухъаби Темирбегра Тиримбегра Дербентлизи бакІиб. Илдачил варх Мусабегра. ХІябалра зиланна шагъарлизиб халаси-декІар бируси аги. Неш-дудешлизи хъаралра хІебаили,

– Се бирехІе, чина аркъехІе? – суалухъун зилантази Темирбег.

– Гъаланачи арц сецад калил хІисаблизи кайсехІе.

– Шилизи чарбулхъуси автомашинала вегІлис дедес арц декІарли кадихъа. Гурилти цаси пикриличи дакІили, харждирехІе, – иб Мусабегли.

ХІябалра гъаланачи къацІли букес бякъун. Столоваялизир ца-ца борщ сасиб. Ца шиша лимонадлара бержиб. ХІябилра бизити шинра лерригу илди!

– Даширая айрипалан бургахІе. Иличи кадирехІе, – Тиримбег сакІуб.

– Билет дурхъали бургар. Нуни аргъира, билет агарли иличи кабалтути ахІен или. Тимирбег арцличила сайри пикриикІуси.

– Ну айрипалайчи кайэс хІейрус, – Мусабег, айрипалан чехІебаили левай, илала у ахъибмад руржусигъунари. – ГІяхІси секІал ахІен ил.

– ГІяхІси хІебиаллири, адамти сен кабирути иличи? Урцра урцусигу. ХІушанира чебаираягу, нушала шила чедиб арцурси айрипалан, – Темирбег закивяхІ хІеризур.

Рахли хІябалра тІашбизур. Халаси юртла гъалаб, тамашала тІакъала мякълаб бахъал дурхІни чебаиб. Илдала някъбазир цІуба секІалри. Илда букулри илди. «Даширая нушанира илдани дукути исехІе».

– Мяружнай! – викІар Тиринбег разивиубли.

– Дати тІама. Кайзи учерлизи. КІи-кІел каса, – иб мухІли лямбирули Темирбегли.

– Дурхъали вара? – Мусабег багъа багъес алавухъун.

60 кепек дедили 6 мяружнай асиб. КІи-кІел илдира някъбази дуцили, тІяйдибиуб хІябалра ва букесбииб.

– Агъ, хІуша даркъибсила атта калг, бизитира лергу! – Тиримбегли бара хІилхІи калун мяружнайла къяжа ца гъакІли къяриули.

– КъалабамакІуд. Гашукъ иру хІед, – иб Темирбегли уртахълизи.

– ХІела ляжиличи хІеризигу, – ахъли дукаряхІиб Тиримбег.

БуцІарси дуцІрумла бархІи дубурлан дурхІнас дикибти мяружнайти дурхъати секІалри. Букули, дукаркІули лебли, забли ургъес бехІбихъиб. Темирбег

заки хЕризур. Гъагулалра чехЕбаиб. Тиримбегра, Мусабегра чина-сабил тяхЕбухъун. Илдачи дукарвяхЕс къасличилси Темирбегла някълизибси кИибил мяружнай чили-сабрил някълизибад хъямбарибсиван биуб. Иха, къакъалабад хапли кабухъунси хЕркЛизи игъуб. Сайра вазибсиван виуб. ГъанкЛизивадван чевсаргъес Темирбег бажардихЕйкили левай, къакъурби шинни чахъдирусид машина гъарахъбикиб. Илала авара аги илис. Темирбег някълизибад «гъаббухъунси», хЕркЛили гъайбарибси мяружнайлис гЕлавадикиб. Иличиб дукаркЛути Тиримбегра Мусабегра ахъли гЕамалибиркъесбииб:

– Абдал. Нясси секЛайс гЕлавад маркуд! ХЕчиб шагъарлантис дукаркЛар. Ил уртахъунала мякъла вакИили, тиладиикЕсииб:

– Асая наб арбухибсила мерлаб мяружнай!

– Адамван вяшикЛули виадри. ХЕд асахЕелли, нушабра исехЕе. ХЕу декЛар кЕел бекЛла вегЛрив? АрхЕбухахъадри – дукарирхЕулри Тиримбег.

– Марлира, хЕябал гъатИи мяружнай асахЕелли, арц... Темирбег, ма иш дила мяружнайла байхъала, виКлуси Мусабегли сунела кИибил мяружнай кИибайбариб.

– ГурхЕели, узикъар, хЕд нунира илкъяйда байхъубирис, – или Темирбегли ил сасиб, уку-укули Тиримбегличис хЕулбис вякъяиб.

ЖалбикЛули, мяружнайтис дикибтис хЕябалра дубурлан уршбис шагъарла къакъакад айрипалан чинаб сабил багъес батбихъиб.

Илдани чула гЕямрула ца уршис гЕашаиб.

– ХЕуни нушаб айрипалан чинаб-сабил хЕбуриду?

Шагъарлантис ил лебсис мер буриб. Баргиб илдани айрипалан.

Тиримбег итмадан айрипалайчис кайиб. Темирбег къяшлизис се сабрил бархили, ил убасес гЕяшиуб. Айрипалан урцулри.

– Ай, хЕушала бегИтис! Гъуя, Темирбег, уввитЕабая! – или чЕярикЕсииб Тиримбег ахъра бирулис, гЕяшра кабирулис, гЕашбизагарлис ласбикЛулис айрипалайчивад. Темирбег уркКавхъири. Мусабег дукаркЛулри. Мякълав гЕашизурсис Темирбегра хЕи-хЕи-хЕя-хЕяйкЕес вехИхъиб.

– ХЕушала узбис батабну, уритЕабая! УбкЛулра! Темирбег, Мусабег! Жан дила узбис, лерилра дарг-мах дурадиркулину, верцахъабая! – висулрил, чЕярикЛурил багъес къияннири.

Ахирра айрипалан гЕашаиб. Иличивад рангагаркайубсис Тиримбег кацИиб. ХЕялагарикибсис уртахъла мякъла гЕашбизуртис Темирбегра Мусабегра дукаркЛули лебалри.

– Гъарис, хЕуша кадиирая. ХЕу урухиубригу, Темирбег, – ил дев бурес бикибсис Тиримбег аргъайчис вакИиб.

– Илди урхъулизис базес гъайбиуб.

– Гъаланачис дукехЕе. Дила варглаб хив булан вякъярбулхъан, – виКлусис Тиримбегличис уртахъунис къабулхЕебикес хЕебиуб. БакИиб урхъу дублабсис столоваялизис.

ХЕяблисалра котлетуни асиб. Лимонадлис арц хЕедаиб.

– Урхъула шин дужехЕе, – пишяхъиб Тиримбег.

– ХЕела ширдан варглис се-биалра асубитар, – Мусабег пишяхъиб.

– ХЕу селичис авъяхъилри. Иш мехЕурлис се баралра, се буралра дукаркЛу-сирив? Гъа! – вехИзур Мусабегличис Тиримбег.

– Гур се бариша? ХЕу абдулта угъулри. ХЕечив дукаркЕес хЕейгукъис, сарис сарил илди дурадиркулис сарис.

Дубурланти урхъула паргъатдешли тамашабиахъуб. «Нуша тядили дизехе. Вари гърахъ куртдяхес ибси пикри батирая. Иргъулрав?» – иб чумали Темирбегли.

Гъарли урхъула дублаб къузраниван бурги шиннизи къуздирули бизути хІябалра, гъумлизибра хІязта биркъули, гІяхІцадхІи калун. БерхІи хІерейчибад шалгебухъунхІели чарбухъес балкъаур. Иткъяйдара райпола масличил дубурлизи аркъуси шоферличил бигъунси вгІдала заманара биулри. БегІбиуб. Къакъакад гъайбариб.

Сунесра хабарагарли Мусабегла някъ кисализи бухІнабикиб. Къуруш байхъала арцла, 50-50 кепекла хІябал гІяббаси, агара! ХІябалра цаличи ца хІербизур ва урхъула дубла арбякъун! Гъаланачи палтар чердатурси мер хІулба чедибяхъиб. Агара арц!

– Гъари, Тиримбег, аса мяружнайги, белики шоферли, уркІеци барили, машиналичи кадатиша, – иб Темирбегли.

– Хъули дуцІухъи илис арц лерхира. Арц агарли ардукахІеллири, – сунтІухъун Мусабег.

– Нешли хІегалли, дудешли маймайварадли. ХІед дигуси бара, арц детахъахъибси хІу сайри. Даахъаба шилизи, – чІумаикІулри Тиримбег.

– Сунес дигули детахъахъибу, гъатІи арц? Даширая мяружнайги хІейсехе. Ишди сари калунти или, дедлугехе лерти арц шоферлис, – маслигІятбариб Темирбегли.

Юх, гІур мурт лявкъусира ну шагъарлизи. ХІушаб дигуси барая, мяружнайтала дила бутІа исисра. ХІушала бутІала мая арц, – кепекуни зянгъдухъахъун Тиримбегли.

Темирбегра Мусабегра цаличи ца хІербизур.

– Эгъ, се биалра биэс. Аса мяружнайги. Амма хІу гІяхІси уртахъ ахІенри, – бикІар кІелра.

– ГІур ну хІечил, Тиримбег, дузани хІякъяс, шагъарлизи ахІенну.

– ХІела мерличив ну виасри, къапІара кабихъили, садакъа барахъес къакъализи кайраси, – Тиримбегли мяружнайги къяриулри.

– Диур, масхурти. Даширая, замана камси саби калунси, – гъалаверхур мяружнайги тамандарибси Темирбег. Илис гІелабадбикиб Тиримбегра Мусабегра.

– Вирулрав, гъатІи. Дабрила бухІнаб улукъуси леб, – цІумикІулри валкІикІуси, цинкІкайкІуси Мусабег. Амма виубсиван яхІбарили, гІевваиб уртахъунас. Заманаличиб бакІиб базализи. Варгиб шофер.

– Арц агарли хІейрус хІуша машиналичи кадатес. Далутирая хІуша нуни. Шилизи диухІели, машиналичирад тяхІдухъи, детихъудая. ХІушагІив вашес хІейрус, – чІумали иб илини.

– Адаузи, дила атга райпола хІянчизартачи хІерикІуси сай. Тилади саби, кадатаба машиналичи. Дила гІяйибличирли арц детахъили сари, – тилади-икІесииб Мусабег. Темирбегра гъатІира имцІали бусравбикІи илизи. Шофер сунела девличивад чевулхъули ахІенри.

Висес хІядурси, дабрилаб балхІебиркуси къяшлира цІумикІахъуси Мусабег гъарахъикиб. Дабри чеббалтес вархиб. КІелра уртахъ тилади-бусрав бикІули, шоферлис гІелабадкабикилри.

– Темирбег, Тиримбег! Эгъе-гъе-гъей! Чардиирая, чар! Даргира, даргира! – вявъиб Мусабегли.

– Се сари хІуни даргибти!? – хъарбаиб илдани.

– Арц! Ишди! ХІябалра 50-50 кепек! Шалбарла кисалаб тІярхъи буили, дабрила духІна ардякъи далан!

Критика

Гябдулла ВЯХИДОВ



САГИД ГЯБДУЛЛАЕВЛА – ПОЭТЛА ВА ПРОЗАИКЛА УСТАДЕШ

Дарган мез руркъуси гЯлим, словарьтала, дарган мезла учебникунала ва литературала хрестоматиябала автор Сагид Нухкъадиевич Гябдуллаев Даргазив машгурси сай.

Бучантас тяништи сари даргала прозалис хьулчи кабихьибти С. Гябдуллаевла «Канилис дарман», «Гъази секьяйда учИба?», «ГЯлисултIай секьяйда чебла сасиба?» бикIути хабуртира.

Даргала поэзиялизир жавгъар духурибиван лямцIдикIули сари С. Гябдуллаевла – поэтла «Нешла цIум-цIумъала» бикIуси далай ва «Фронтвикла далай» бикIуси поэма. Марлира, халаси саби нушала культура гъалабяхI арбукнилизе С. Гябдуллаевли-гЯлимли, прозаикли ва поэтли кабихьибси пай. Илбагъандан саби С. Гябдуллаевла у даргантани хьумхIертуси.



Машгурдешличи поэтла гъуни 20-ибти дусмазибал бехIбихьибсири.

Даргала шимазиб Совет хIукумат чедибикимад сагаси ибси, гъабкъяси ибси тIинтIбикIесбииб. Дубурланти сагати гЯмру лушес халаси гъираличил бехIбихьиб. Амма илдас ачам дуркъа гЯдатуни ва урла гЯмрула гIела-гъала-диклума диргаладулхъулри.

С. Гябдуллаевли итди дусмазиб сунела пагъму сагати гЯмру лушуте дубурлантас къуллукъличи каиб.

ГI. Иминагаевличил къяйли, 1920-30 ибти дусмазев С. Гябдуллаевра динчиби, илдани дурути ва дирути дакIу-гъаргли далтIули машгъуриубсири. Улкализиб классла душманте лебалхIели партияла ва советунала хIянчизартас

колхозуни кадизахъес бургъути активистунас гЕлабадбиркули, илдала гЯм-рулис урехи алкАхъухЕли, балу-балули, дакЛу-гъаргли динчибачи кършили дурабухъунти Г. Иминагаевла ва С. ГЯбдуллаевла поэтический белкАни гъабзадешлис бикърили детаур.

Дубурланна дагърилизи гЯмру ва общество гъаладяхА дашнилахЕкъллизирти гИлмулати баянти минадияхъес гЯгИнилири. Илкъяйда хЕбиубли гЕргъи сагаси дунъя, сагати гЯмру лушуси адамличила гъайра диэс хЕдири. Даргала поэтунни, хаслира С. ГЯбдуллаев, социализм лушуси дубурлан динна асарлиувад увсайтЕс гЯгИнили биъниличи чИумали ва уркИи-уркИилабад бирхутири. 1920-ибти дусмала поэтунани чула творчествора ил мурад сархниличи сабри бяхИчиабси.

Марксизм-ленинзм дубурланти-урга тИнтИбарес поэтунани кабихъибси халаси пай В.И. Ленинна гИлмуличил бархбасунсири. Убла ибси балтЛули, даргала поэтунна чула заманала хЯкъикъатличи асарбарес, дубурлантала хЯл-гИабигЯт дарсдияхъес дигусири. Лерилра илди секАл пикрилизи касиб-хЕли, даргала поэтунала динничи кършити назмурти социалист реализмала произведениебази халдарес имканти алкЛули сари.

Г. Иминагаевла «Гъай-аман-гъай» бикЛули даргала советская литературализиб цаибси сабси сатирала назмулизиб сунела у ахъибси (ЖабрагИил) маллала образличибли саби лебилра динчиби балтЛути.

С. ГЯбдуллаевла сатирала назмуртазиб биалли, чула уми дурибти динчиби –халкълис диргалабулхъути адамти аХен сипатбарибти.

С. ГЯбдуллаевла геройтанира халкъла хабуртазибти ва Г. Иминагаевла назмуртазибти геройтачи части чула канихусдеш, къртурмадеш дигЯндирули аХен.

Назмула ахирлизиб геройтани чула классласи хасдеш гъаргбирули саби, чули халкъла къиян букниличила бурули саби: «Къиянна халкъ биргЕс гЯмал нушала. Саби гЯнцИли бихЕс гЯмал нушала. Къия халкъла – доход нушала». Гур рефрен зайбулхъули саби: «Нушаб сен агарси хИурриятла пай?».

Чебиули къяйда, тикрарбикЛули тугъли (рефренни) халкъла къиян букули хЕрбирути геройти батИнилизибцун аХенну, назмула каргъни дурусбиахъ-нилизибра бекИсигъуна мер бурцули саби.

С. ГЯбдуллаевли реаволюциялис гъалабси даргала литература ункъли балусири, Востокла улкнала литературабачил ил тянишсири. Илини ункъли балусири динничи бирхути адамтачи хИурхъан ГЯбдулла-хЯжила тулкна (динна мягИнала назмуртани) бируси асарличилара. Советский поэт вирху-сири динчиби балтЛути назмурти чула каргъни ва зайдикИни хЯсибли тулкна-чир усалти диэс асухЕбирниличи, сенкИун илдигъунти произведениебани бучИантачи лайкъси асар барес хЕдири. Ил сабабли бургар или гъанбиркур С. ГЯбдуллаевли сунела произведение каргънилашал илцад дурусбикахъибси ва гъалагбарибси, хЯтта илис авторла цаибил назму саби или викЕсра балли гъамадли аХен.

Динчибани лукЛути произведениеби каргънилахЕ тяхЯр пайдалабарили, поэтли сунела назму белкИун. Тулкназиб мурталра камагарси гъар тахтала (строфала) гЕргъити хЯбал тугълизибси рифма ва лерилра тахтабазиб

тикрарбуси (бара-бара барсбиубти анцѢбукъунира кършидиркур) тугъ бузахънила къяйда советский поэтли динчибала назмуртазисби мягѢналичи кършили пайдалабариб.

Динчиби балтѢнилалашалцун ахѢнну, илди дукелцѢиличибихънила къяйдурти дузахънилалашалра чедир гъандушибтачи гъамли саби «Маллала гардла далай (сарин)» бикѢуси произведениера. Ил С. Гябдуллаевли шурбатурси азербайжанлан поэт Сабирла произведение саби. Сай авторли ил секѢал дигѢанбирули ахѢн. Ва 1934 ибил дуслизиб дурабухъунси «Даргала назмуртала жузлизии» кабурахъухѢели, «шурбатурси» ибси баян гили сай.

ХѢйгеси саби С. Гябдуллаевла назмуртала сборниклизи ил назму поэтла автордешличила сегъунсилра баян хѢебарили кабяхъили биъни. Нушала гъай 1955 ибил дуслизиб дурабухъунси «ЧердикѢибти» ва 1961 ибил дуслизиб дурабухъунси «Дигуси Кавказ» бикѢути жузачила сари. С. Гябдуллаевла творчество руркъянтанира ил анцѢбукъличи сен-сабил пикри бяхѢчиули ахѢн. 1967 ибил дуслизиб дурабухъунси «Дагъиста литературала историяла» кѢибил томлизиб белкѢи саби: «Маллала гардла далай» образунни гъаргдирнила мурхъдеш хѢясибли Дагъиста поэтунани акѢахъубти цѢакътигъунти произведениебала къяйлизиб саби» (142-143 ибти бяхѢяни) къяйдали, сегъуналра шартѢ хѢебурили, баян хѢекили, С. Гябдуллаевла произведениелизи халбарни бархъсилези бейгѢес хѢейрар. «Маллала гъардла далайлизир» дакѢудиубти авторла устадешличила ва образунала каргъниличила гъайхѢедикѢахѢелли, нехѢакъ жалхѢерхъусилис ашкарси саби: «Маллубала шикаятлизир» ва «Супила дардлизир» гъаргдиубти имканти сари «Маллала гардла далай» бикѢуси назмулизир тикрардиубтира.

Чидил произведение ахтардибарес гягѢнисирил гяѢимлизи гѢеббурес дила къас агара. Наб бурес дигуси С. Гябдуллаевла творчество руркънилизиб бетаурси хатѢа «Маллубала шикаят» бикѢуси назму гяѢимла пикрила дураб калнили акѢахъубси биъниличила саби.

Авторли динна классласи хѢекъдеш сунеласун гъаргбарили сай, ва иличибли дин дукелцѢиличи бирхъули сай. БучѢехѢе назмула ца тахта: «Леври Аллагъ НикѢалай вирухѢели, Ветахъиб НикѢалай ветахъибхѢели, НикѢалай ушкуси къяркъя бушка дуб чегибну, сунечил вал-валли вегъуб». Иш тахталис гѢелавадси тахтара философская лирикала гѢибратличи халбарес мажахѢят асубиэс: «Сунес гѢелавадли бикѢусила кас лерилра кацѢибти детаур гяѢас. ГѢелавад машудну, вати маллубас. Сай чула пайдалис пикриварибтас!» Ишди тугъазиб, гяѢчихълигу, махируси малхѢямдешличилсиван ахѢи, жиличилси гѢама чедибулхъули саби. Чула бухѢнабуц хѢясиблира илди, философская лирикаличиван ахѢи, агитационная лирикаличи гъамли сари. Гъанбиркули саби «Аманту» сатирала произведениебачи имцѢали гъамли саби или. Гъайгъай, илизир агитационная поэзияла философская лирикала лишантира лер. Марксист идеологияли дагъри дамкъахъурси поэтла белкѢи саби иш.

ИшбархѢи нушани, гъайгъай, динничи, аллагъличи кършити поэтла белкѢани хъулчидан урдирхъулра. Амма илдала художестволалашалти хасдешуначила хѢебурили, поэтли даргала литературализи кабихъибси пай белгихѢебарили калниличилара балулра, ил сааббли сари илди произведениеби

ишар ахтардидарибтира. С. Гябдуллаевла произведениебала жанрлати хасдешуни ахтардидарес гЯгИндеш акIубси гЯлимтала хатIаби чедаахъес ахIенну, даргала поэзия гялабяхI башнилизиб поэтла творчествола къадри белгибарес багъандан саби. Бурес чевкъули саби, поэтла назмуртала мягI-ни-бухIнабуццун ахтардидарниличибли С. Гябдуллаевла – сатирикла пагъму къиматлахIебарили кали саби.

С. Гябдуллаевли 30 ибти дусмазир делкIунтазибад чебаахъеси саби «Мурулдеш» (1934 д.) бикIуси назму, сабира убяхIси, къабулхIебареси, батIеси ибси марбирнила, гапбирнила къяйда пайдалабарили каргъурси.

Поэтли мар-марли гялаб дубурланна мурулдешла, гябзадешла лишан-низи халбируси ханжал вайлиуб бихнила «пайда» кабилзахъули сай. «Каса, далдарбати хIябал декI, Пикримабирид сецад бикIарал декI. Мурулдеш сари мура ири-ханжал. Ханжал агарли бузару хIела жал?»

ГIергъиси тугълизив поэт «мурулдеш» лерсила куц-кабиз чедаахъес даимиубли сай: бекIличиб гIясатIин къапIа леб, алгъай някълиуб ханжал саби, балуй някъ тапанчала билтIикIанничиб саби. Авторли сунела герой махирули сай ханжал бихес гЯгИнили ахIен бикIутачи лехIлехъахъес. «Амма хатIа саби, агара чара. Илди хабурти хIуни гъарахъдара», - гIевугъули сай поэт «Мурулдеш» лерсизили. Ханжал бихникIун дудешунала гIядатунни дузахънила лишан саби. ГIядатунни дузахъес биалли чебси саби, хIедузахъни цахдеш саби».

Назмулизирад иргъути илди пикруми цацабехI бучIантани дурибси тяхIярли аргъес асубири. Амма саби белчи гIергъи кавычкабази буцибси уличи сагадан пикри чарбулхъути назмула ахирлизирти къяяна гъар секIал чула мерличи кадилзахъули сари.

Ашкарбирули саби, ханжал «вархъала валкIа варес», «арати чулахъбарес» биъни хIяжатси.

СекIал яра анцIбукъ уббяхъес багъандан ил гапбирнила къяйда цархIилти автортала творчестволизибра къаршибиркули саби.

С. Гябдуллаевла назму цархIилталайзибад декIарбулхъахъули саби илизир агитационная поэзияла лишанти лернили, ил назмурти-насихIятуначи мешубикнили. Чебаахъеси саби назмула бехIбихъуд, сунезибси жили, насихIятли бекIсигъуна мер буцибси: «Инсан! ХIура адам сайра викIадли, Мурулдеш се сарил далад виадли, ХIедра инсандешла ца асар дигар, Мурулдешличи ца гIяламат дигар». ГIеларадти тахтабазив авторли сунела «инсан» мурулдешла лишанничи вегIаахъес – ханжал гIалаббарахъес махирули сай. Лерилра илди дурнила мурад ханжал бихнила буркъа гIядат мискъилладибарни, батIени, уббяхъни саби.

Сатира имцIали вавалибяхъибси манзил сабри 20-30 ибти дусми.

С. Гябдуллаевли 30-ибти дусмазир делкIунти произведениебазибад тIинтIли ва мурхъли, реалистический тяхIярли сипатбарнила шайчиб декIарбулхъули саби «Шадибгъуни» («Тямадала хабар») бикIуси поэма.

Поэма белкIи саби поэзиялизиб гялабра бузахъуси каргънила къяйда хъулчилибуцили: бекIсигъуна герой цархIилтачил къаршииркули сай, алавчарси дунъяличи хIерилзули сай ва ит яра ишил анцIбукъличила сунела пикруми дурули сай. Чебиули къяйда, Батирайла «Алмаслини шишаон...» бикIуси

поэма-очерк С.Гябдуллаевлисра - «Тямадала хабарла» авторлисра гИбратли бетаурли саби.

Поэмализир лерилра анцІбукъуни сунени чедаибтачила хабар буриси ухъна-ургар сари гьаргдарибти. Тямада дахъал чедаибси адам сай. Авторли илис у хІебеднира геройла образ типический биъни чебаахъес багъандан саби. Геройла дурхІядеш ва гІулухъадеш революциялис гьалар ардякъи сари. ДекІтири дурхІяла гІямру. ЭмхІечи чедихъибти декІти чІупри шурмала музурбачирад дучибти курегали дицІили, мухъи-мяхІярла сяхІлис дарсдарес ил чуйнара шилизивад дуравхъун. Геройли граждан дургъбазир бутІакъяндеш дариб. Граждан дергъ таманбиубли гІергъи къисматли ил цархІилти мераначи викахъиб. Ва хІера гъанна тямада сай акІубти мер-мусаличи кахІедурхути дигили кили сай.

Поэмализир анцІбукъуни сипатдирути герой дубуртази вакІибси манзил-личирад сари.

Амма анцІбукъуни чедаахъес гъалаб хІебли къугъабиахъубси тІабигІятли геройлизир акІахъубти хІялани сипатдарили сари. Чебаахъеси саби произведениела бехІбихъудлизиб гибси тІабигІятла суратла халаси къадри леб поэма каргънилашал дурусбикахънилизибцун ахІенну, бекІсигъуна геройла образ гьаргбарнилизибра.

Бархъаначи бурехІе, илкъяйда тІабигІят аргъес рухІлашал давлачевси, дахъал чедаибси адамлицун вирар. ЦархІилти къиликъуначил барх геройла тІабигІятла ил лишанни тямада сагаси , социалист общества адам виъни марбирули саби.

Герой акІубхІейчивадал дагъричевси ва духуси виъниличивли цархІилтази-вад декІарухъун. Амма тІабигІятли илис дедибти гІяхІти къиликъуни, илала имканти Совет хІукуматла дусмазирцун дири тІинтІли гьаргдиес.

Сай геройлира иличила балули сай Тямадани буриси хабарла бухІнабуцра тятп иличила саби. ГІячихълигу, илини сай сагали акІнилизиб Совет хІукуматла къадриличила дакІу-гьаргли бурули ахІен. Амма геройли буриси хабарлизи-бад ВатІайчил къисмат бархбасунси адамла гІямрулизиб Совет хІукуматла къадри аргъесли саби.

Адамти-ургарти бархбасуназирад хъям-къацІ тІашаибси ва адам азадли гъалавахІ вашахъес акІахъубси хасси ВатІайчила геройла пикруми ва уркІила хІялани сай акІубси шиличила пикруми ва хІялани-ургар сари гьаргдарибти.

ВатІан ва илала адам бархбасунтили, цала къисмат цархІилли белгибарилли чебиахъни социалист реализмала произведение саблин С. Гябдуллаевла поэмала гьарбизурси шали саби.

ЦІакъси чедииркуси, бархъдеш агарси манзиллизив хІериубси ХІусен сунечив цІакъси адамли кавшиб. ХІусен кавшибси адам хІили хІелкъунси жанивар адам ахІенну, сайгъуна хъубзар адамличил сунела гІямру дерцахъес жаляхъибси, гаша хІебкІес къайгъилизикибси адам сай.

ХІусеннара илала унраличибси анхъла вегІлара маркалис гІергъи биштІаси татаулкад шин ургадикили къалмакъар детаур. Бара удиб, къярдлизиб биалли халаси хІеркІ бучІули саби, суненира адamtас пайда агарли шин урхънази архуси.

Бархъдеш агарси обществолизив адам мурталра тІабигІятла арилизив сай. Адамла яшавла даража, цацахІели илала гІямрура далли, тІабигІятла анцІбукьуназирад дигахъули сари. Хабар буриси геройлис лерилра илди гъандиркули сари гъалаб кІухлацун тІама батурли урхънази шин ардихуси хІеркІла шинни иркули гъанна сагабарибси ванза чебаибхІели. Батирайла, Г. Иминагаевла ва Р. Нуровла сужетла дегІти произведениеби ахтардиларибхІели, гІячихъбирули саби, илдазир сипатдарибти анцІбукьуни ублайчирад гъанналайчи дяхІчиабти, замана башнила гъаб-гІергъидешличил каргъурти диъни. Сагати гІямрула къулайдешуни имцІали гІячихъли чедиахъес багъандан С. ГІябдуллаевла поэмализиб хабар бурни, анцІбукьуни сипатдарни ГІелабахІ, ублайчи чарбулхъули саби. Ил хасдеш произведениела мягІна-идеяла хасдешунани саби белгибарибси.

ХІусеннайчи мешуси ахІен илала рурсила кьисмат, сенкІун рурсилис цархІил замана, Совет хІукуматла замана, хІерриэс кьадарбиуб. Чилилра валхІелуси, урхІли кавшибси ХІусенна рурси Заза советский замана машгъурси адам, Ленинна орденничи лайикърикибси зяхІматчи ретаур.

Даргала литературализиб Зазала образ сагаси саби. Иличил поэтли азадрибси дубурлан хъунул адам колхозуни алкІахънилизир, сагати гІямрулушнилизир халаси цІакъ сарливан чериахъули сари.

Биалра, Зазала образлизир, гІямруличил къяйли, авторли гъаргбарес кьасбарибси бекІ мягІнали белгидарибти, илини дакІудиахъубти къиликьунира лер.

Дубурлан хъунул адамла общественный бузериличила поэмализиб гІяхІцад тІинтІли ва чебетаахъили бурили саби. Амма хъунул адамла сари регІти гІямруличила селра бурили ахІен. Марбарес чебиркур, граждан дургъбала замана ва сагати гІямруличи шурбулхъути 1920-30 ибти дусмазиб художникунани чула геройтала общественный бузериличи имцІали пикри бяхІчиусири, илдала саби бегІти гІямру сипатдирниличиван ахІи. Биалра, Зазала образ пикрибарибси къалипличи мешубиркули саби. Жагъли рирухІели Зазани дигай дихъибтири, сарира ригахъусири. Амма ил хъахІериубли, цайли калун. Халкьла, общества мурадун багъандан рургъули, Зазани сари регІси талихІ сархили ахІен. ГІямрулизир илдигъунти мисалти къаршидиркур, амма гІямрула бархъдешра художественный бархъдешра цаличил ца мурталра цугти ахІен.

Тямадала образ сипатбирухІелира кали саби илгъуна хІебалгундеш. Иллара сай вегІти гІямру цІябли кали сари.

Батирайла «Алмаслини шишаон...» поэмализирра геройтала къиликьуназирад илдачи жамигІятла вакилтачиван чедетиути лишанти сарри декІардирути. Ил аргъесира саби. Батирайла поэмала геройти чула саби бегІти къиликьунира сабира бучІантас (лехІихъантас) тяништири – илди гъарли-марли хІербнубти адамти сабри.

С. ГІябдуллаевла поэмализиб биалли сагати гІямрулушантала обобщитьдарибти образун сари гибти. Илбагъандан геройтала саби бегІти хъалибарглати гІямруличил тянишиэсра иштяхІ ва гІягІнидеш алкІули саби. Амма поэтли сунела геройтала общественный ахІи, саби бегІти гІямру сипатдирули ахІен. С. ГІябдуллаевла поэмализивси тямадала рухІласи давлачевдешра илала сай

вегIси кьиликь ахIенну, советский адамла тIабигIятла лишан саби.

ХIебиалли, тIабигIят сецад тIинтIли алавбуцили биалра, «Тямадала хабар» бикIуси поэмализир гIямруличи мешути образунни ахIахьубли ахIен.

Нушани сунечи пикри бяхIчиуси поэмала чебетхIебаибдеш авторла усташличил ва илала пагьмуличилцун ахIен бархбасунси. Ил белгибиубси саби даргала поэма гьалабяхI арбукьнила даражаличиблира.

Образунни цашаликарти детаурли хьалли, произведениела гьардизурти шалутира лер: хIякьикьат тIинтIли сипатбарни, поэмала геройтала баркь-бац социальный ва психологический тяхIярли баяндарни.

Октябрьла революциялис гьаларти ва гIергьити дубурлантала гIямрула суратунни вирхаэсти сари. Гьалаб гашазибси дубурла шила куц барсбарибти геройтала хIял-тIабигIятлира учIусиличи асарбирули саби. Чула баркьудлу-мазиб ва пикрумазиб гьаргьируси геройла социальная психология адам реалистический тяхIярли сипатирнила бикьрили бетаур.

1930-бти дусмала ахирлизиб – 40-ибти дусмала бехIбихьудлизиб даргала поэзияли ВатIан балтахьнила тема ахьбуциб. Рабадан Кьурбановли, МяхIяммад Мусаевли, Багьатир МяхIяммадовли, ГIязиз Иминагаевли ва цархIилтани Красная Армиялис, улкала дявиласи ва экономикаласи цIакь чебиахьнилис багьишладарибти гIяхIцад назмурти делкIун, сенкIун Европализир кадиркути анцIбукьуначи илданира пикри бяхIчихIеэс хIебири. Фашистунани, халкьани-ургарти ихтиурти кьаркьли дуи, Европала пачалихьунни дурцулри ва илди чула дергьлати мурадунас кьуллукьличи кайулри.

ЧехIяси ВатIа дергьла дусмазиб тыллизиб калунти Адам МуртазагIялиевла, Кьурбан МяхIяммадовла, МяхIяммад Мусаевла творчествола, даргала литература руркьуси гIялим Ф. Абакарованира чебаахьили кьайда, дубурланти инсаниятла душманни сабси фашизмаличи кьаршиси дергьличи бяхIчиинилизиб халаси кьадри биуб.

ЧехIяси ВатIа дергьла дусмала даргала литературализир чедаахьести сари С. ГIябдуллаевла произведениебира. Илала «ВатIан багьандан» повестьла пергер образунани фашистунни чебухьунси жапаси замана нушала халкьли дакIударибти гьабзадешлис ва чIумадешлис бикьридеш дариб, чедибдешличи илдала чIумаси бирхауди чебаахьиб.

Дергьла дусмазир С. ГIябдуллаевли гIяхIцад поэтическое произведениебира делкIун. Илдазирад дахьалгьунтани бучIантала уркIбачи гьунира баргиб. Дергьла дусмала даргала литературализиб халаси мер буцибсиван декIарбарес чебиркур 1944 ибил дула июнь базличиб белкIунси поэма – «Фронтвикла далай».

С. ГIябдуллаевла произведениелизиб диубти анцIбукьуначила саби буруси. Ил секIал авторлира ишараличил баянбирули сай.

Арторла гьарбиз сабсиван чебаахьес гIягIнибиркур гьарли-марли биубси анцIбукь типический сабливан, сунела заманаличи хасси сабливан сипатбарес виъни.

Произведениела герой халаси дардлизи викибси, амма гIяхIгьабза ургьан сай. Госпитальлизилад, отпуск бедибхIели, ил сунела хьайгIи, ригуси хьунул Марьямличи аркьули сай. Солдатли Марьям чина раргеса, чула юрталра хIе-

баргиб. Унра хьунул Маришани ургъаннизи бетаурсиличила буриб: къацІла бутІара урхамтира юртлизир даргни багъандан фашистуна Марьям юртла рухІнар цІали ригублири.

Советский солдатунала гъабзадеш ва фашист гъармукабала жанивардеш цаличил-ца къаршидуцили чедаахъни кІелпра армияла хаста лишантили диубти илди сипатдарни поэмала бекІсигъуна мурадли бетаур.

Амма поэмализиб ил мурадцун ахІен сархибси. Поэмала бекІсигъуна мурадличил сунес у хІебедибси бекІ геройла ва илала хьуна къисматуни уржахъили сари. Ургъанни гъунарти сархути Марьямличи дигили вицІибхІели сари. Амма хІила дергълизи ил вукуси хьунул адамличирти дигайлицун ахІен. Геройли панабарибси, гІязаббуркІуси сунела ванза чебиули сай, ва илизиб душмантаци цІудара гъими алкІули саби. Сунела децІлизив Марьямла мурул цайли ахІен. Ил советский адамтала талихІчебси къисмат ганзбарес къасбарибси гъимидухъла душмайчил бекІлала дергълизи дурабухъунти бахълизивад ца сай. Герой ригусилизивад мяхІрумварни багъандан, ахІерси ванза цІахбарни багъандан гъимили вицІибсили ва ил сабабли чеббицІес хІядурсили сипатварили сай; поэмализиб советский халкъла дергъ ВатІан азадбатес багъанданси, хІялалсили чебаахъили саби. Советский бургъантала дявилати баркъудлуми адамти багъанданти, илдас гІяхІдеш барес дарибти сарливан сипатдарни даргала поэтла пагъмучебси произведениелизиб мер баргибси историяла бархъдеш саби. ГІямруличи халати дигили вицІили сай ургъан. Амма фашистуни сунела ВатІайчи чебухънили, иличи бекІла бихути ярагъ някълизи касахъес чебуркъахъиб. Адамти кабушес хІяжатбикили саби иличи, амма геройли кабуршути жалладуни саби.

ЧебяхІси ВатІа дергъ таманбиубли гІергъи С. ГІябдуллаевли советский халкъла даршудешгІебси дяви, коммунизм белшес багъанданси бузери чеби-ахъути, Кореялизир дургъби адикъурти Америкала империалистуни балтІути назмурти делкІун. Дергълис гІергъиси поэтла творчестволизиб гІяхІцадла мер бурцули саби дурхІнас делкІунти произведениебани. Лерилпра илдазир 20-ибти дусмачирад дакІудирес дехІдихъибти поэтла пагъмула ва устадешла лишанти чедаэс вирар.

1920-30 ибти дусмазиб Дагъиста литератураби-ургабси цадешлизи ишра или эси, чебаахъеси пай кахІебихъиб. «Дарган» бикІуси газетализи кадирхъути М. Мусаевла, Г. МяхІяммадовла, Х. Сулеймановла очеркунира хабуртира геройла тІабигІят мурхъли гъаргІебарили, ца белгиси анцІбукъла, фактла асарлиур калунти белкІанили урдухъун. Итди дусмала прозала произведениебазирадекІардарили чедаахъести сари «Канилис дарман», «Гъази секъяйда учІиба?», «ГІялисултІай секъяйда чебла сасиба?» бикІути С. ГІябдуллаевла – сунела уличил даргала проза акІни кабизахъурси авторла – хабурти.

«Канилис дарман» бикІуси хабарлизиб гашазиб ва къарциндешлизиб дурхІни абилкъуси революциялис гъалар хІерриубси дубурлан хьунул адам Шагъумла образ гъаргбарили саби. ЦІябдешлизир калунси, белчІуди кахІе-сибси, гІявамси, ил вяргІили зягІипикибси уршилис дармайгІир маллачи аркъули сари. Илини дарман саб или сунела мягІна хІясибли дукелцІидухъести дугъбачилси «Ва убарха, чебарха, шин дашул халал барха, хІу илдани биркъадли, иш ВиштІи чили валха!» кагъар-кІа бедлугули сай.

Дубурланти гъарали лутІути, сегъунти-дигара гІямулти дарили илдала

мас чус бирути динчибала гьардизурти образуну поэзияла гЯхИцад произведениебазир аКІахъниличила чедибра бурира. С. ГЯбдуллаевла «Канилис дарман» хабар биалли, чебаахъеси ил шайчибадцун ахІен. Илизир Къурба яшав-бекІахъуди, мискинти гЯмру реалист тяхІярли сипатдарили сари. Хабарла бехІбихъудлизиб гибси тІабигІятла пергер суратра, дубурлан хъубзарла бекІахъудира, цаличи ца къаршили кадизурли, зяхІматчи адамла мискиндешра язихъдешра чедиахъули сари. БекІахъудила суратунани, Къурба юртла мискинси кабиз чебаахънилицун ахІен произведениела бухІнабуц белгибирахъуси. Къурба ва илала хъунул Шагъмла образуну хІекъти сари. КъакъаракІили, мискиндешли гЯизизрарили, ретикес мер хІебалули, Шагъмли сунела дурхІялис диргалара балли бирули сари. Къурбай биалли гЯмрули сунечи чекабихъибси декІдеш паргъатли бихули сай. Дурав къацІла кесекли-гІив къяйцІикІес къадарбиубси мискин адамла къисматличи къабулли сай ил.

«Гъази секъяйда учІиба?» бикІуси хабарлизиб авторлис мижитлизиб дурхІни бучІахънила аги чебаахъес имканбакІиб. Кахси къисмат къадарбиуб мижитлизи учІахъес вархъибси Гъазис. Терхъали бирхъули, зулмурта биркъуйхІиб белчІудиличи виштІаси дурхІяла иштяхІ бетяхъиб, амма ил аги барсбиахъес пикриухъунсилра агара.

Чебиули къяйда, С.ГЯбдуллаевли цаибти хабуртазир революциялис гьаларти дубурланна декІти гЯмру сипатдирули сари, амма ил къакъадешлизибад дубурлантис азадбиахъес чула гъунарра цІакъра лебти адамти чебаахъили ахІен.

«ГЯлисултІай секъяйда чебла сасиба?» бикІуси хабарлизибра, лебси агилчи къаршили, балу-балули бургъути агара. Илдазиб бархъагардешличичи къаршили сайра шакхІейкили ургъуси ца адам сай чеахъибси. КІелра гьаларти хабарлизибад декІарли, «ГЯлисултІай секъяйда чебла сасиба?» бикІуси хабарлизиб сипатбарибси анцІбукъ гЯмруличил балбикибси, дурусси биъни, давлачевтала къиркъирдешличила авторла пикруми хІясибли аргъахъили саби.

Дуркъа мезличил чи-дигара виргІяиргес вирар, амма чебла сасес вякъунси С. ГЯбдуллаевла герой илгъуна ахІен. Гебекгъуна увяхІси ва къумба угъуси адамла вирхІейрар ил виргІякаргес. ГЯлисултІай абзур дус давлачевличив узули къуллукъ бариб. Бузерилис хІекъ бедес замана баибхІели, давлачев Гебекли, сегъунти-дигара сабабти дурили, илис детиркути 50 къуруш дедлугули ахІен. ГЯрзикІуси ГЯлисултІа шикаят хІербарес багъандан хІякимтачи давлачевси Гебек кибхІейчибад хабарла сюжет барсбирули саби. Хяла гъямла бакъибхІели, урухиубли Гебекли виркуси мер балули ахІенри. Иш гъакІлисла, ГЯлисултІай, хяла гъямла гІердарили, сунес биркуси сайсули сай.

Давлачевси Гебекла адабласи чулахъдеш, рухІласи мискиндеш, масли мискин ГЯлисултІа гЯкълучевдешличичи къаршидуцили сари. Бурес вирар, геройти тамашабизести чеббикІили саби, къиматуну гЯмруличил дурусли сипатдарили сари, амма даргала проза гъалабахІ башнила гЯдатуну дахъхІила хІедиъни сабабли, авторли сунела герой цархІил тяхІярли ургъахъули чеахъес виъхІейуб.

Общество гъалабахІ башнила лишанти ва челябкъла С. ГЯбдуллаевли имцІали гЯчихъли сипатдарибси произведение саби «Запирхъала гЯмру» бикІуси хабар. Дура узес арашуси ялчила декІти гЯмрули Запирла бекІа

гъамбариб. Вебкѳбси илала жаназа дурабад шилизи хибсири. Цуръабиуб Хѳамидра Пирдаузра, гаша рубкѳули сари илдала неш Рукъиятра. Дурхѳнала къисматлизибра селра барсхѳебиуб. Бегѳтачив къугънаиркъуси Гѳисахѳяжи дурхѳначивра къугънаиркъес даимиубли сай. Гѳисахѳяжини цуръа дурхѳнази галгубау кадикибти, заяли аркъути цѳедешалра кайсахъули ахѳен. Дусми аркъян. Ва заманала асарли – инкъилабла тѳалабли ит цуръа урши Хѳамид гъалаб Гѳисахѳяжила бируси заводла директор ветарахъу.

Эгер «Гѳялисултѳай секъяйда чебла сасиба?» бикѳуси хабарлизир автор вирхаэсти образуни акѳахъес бажардиикиб виалли, «Запирхъала гѳямру» бикѳуси хабарличила илгъуна бурес хѳейрар. Хабарли повестъла яра тѳинтѳиси романна хъулчи гъанарахъули саби. Хабарлизи халбируси саби ца белгиси адамла гѳямрулизиб биубси ца декѳарси анѳѳбукълис багъишлабарибси халали ахѳенси произведение. «Запирхъала гѳямру» бикѳуси произведениелизир биалли кѳел наслула къисматуни гъаргдарили сари. Сюжетла каргънилизир Хѳамидла гъаларла ва гъаннала гѳямру гъаргдирути къатани дархдасахъес имканбакѳили ахѳен. Эгер «Гѳялисултѳай секъяйда чебла сасиба?» бикѳуси хабарлизибси хабарагардешли образуни гъатѳира тамашадизести детаахъурли диаллира, сецад дахъал анѳѳбукъуначила ва халаси замана алаббуцили илдачила бурили биалра, гѳямруличи уб хѳебиубси, сагаси хѳер агнили, гѳямру гъаладяхѳи дашнила низамти далнили акѳахъубси бирхауди агнили «Запирхъала гѳямру» бикѳуси хабар гъархѳебизурсили бетарахъули саби.

Чебиули къяйда, даргала прозала цаибти произведениебани илдала авторла, художник сайлин, цаибти гунзрачицун лишанбирули саби. Арагѳерли касибхѳели, илдазир, я ахтардидарес чердиркѳути анѳѳбукъуни, я образуни гъаргдирухѳели пайдаладирути къяйдурти хѳясибли, илди дусмала поэзияла произведениебазир къаршидиркути чететхѳеибдешуни урдизахъурли ахѳен.

Ахтардидарибти хабуртала къиматчебдеш илди хабурти даргала литературализир прозала цаибти белкѳани диънилизибцун ва Чебяхѳиси Ватѳа дергъла дусмазиб арагѳебли Дагъиста проза гъалабяхѳи башнила бетуц ва даража белгидарибси «Ватѳан багъандан» бикѳуси повестъла авторла устадешлис хъулчи кабихънилизибцун саби.

Хѳякъикъат сипатбирнилизирти, образуни алкѳахънилизирти чететхѳеибдешуначи хѳерхѳеили, прозаван ахѳи, драматургия 20-30 ибти дусмазиб Дагъиста литература гъалабяхѳи башнила даражаличи имѳѳали балбикили саби. 1932-1934 ибти дусмазир дурадѳркѳибти конкурсуначир Р. Нуровла «Пучиуб шайх» ва «Букѳун» (пъесала текст ачам баргили ахѳен) кѳиибил ва хѳябъибил премиябачи лайикъдикни даргала драматургияла гѳурхѳелла имкантачила буруси бикъри саби. Амма гъачамлис илди имканти детерхахъурли ахѳен. Даргала драматургиялизиб 30 ибти дусмачибад Лебилсоюзла бучѳантани ва театр дигантани къиматлабареси ишра ибси произведение акѳахъубли ахѳен. Гѳ. Абу-Бакарла ва цархѳилти автортала киносценарийти ва пьесаби, къяйда саблин, прозала ва поэзияла хъулчиличир сари цахѳнадяхъибти, ва илбагъандан илди литературала ахѳи, театрла, киноискусствола анѳѳбукъуни сарлин тамашадизести сари.

Даргала прозали биалли дергъла дусмазибал Дагъиста литература гъалабяхѳи башнила баркъудилизи чебаэси пай кабихъиб.

Гъарил хъалибарглис дардани хибси дергъли фашистуначи гъими акѳахъуб.

Илбагъандан Дагъиста литературализирра Гитлерла ва илала солдатунала инкарти оборазначилти произведениеби акІахъни гІядатла баркъудили бетаур. С. ГІябдуллаевли «Тамашала муэр», «Гитлерла бекІ лебсирира?» бикІути хабурти-фельетонти делкІун. Илдазиб фюрерличибад бехІбихъили, лебилра фашистуни, кІарахъан ХІ. ЦІадасала, булеги А. Гъафуровла, къумукъланти А. Акавовла, Ю. ГІялимхановла ва цархІилтала ппроизведениебазиб къяйдали, къумбартили, вяв-чІярбикІутили, пахручебтили, къуцузунили, абдал-гягІ бархтили чебаахъили саби. «Гитлерла бекІ лебсирира?» бикІуси хабар-фельтон, хабар-масхара халкъла бекІахъудила хабар каргънила къалип хІясибли белшнили авторлис сипатбируси дукелціиличи бихъахъес имканбакІахъиб.

ЦархІилти халкъаначибра саби чебяхІтази халбирути фашистунала гъанбик уббирхъули сай даргала авторли «Фриц ва Берта» бикІуси хабарлизибра. Сунела хъунул Бергани, мас-хазналичир хІерелкъунси хъямчи хъунул адамли, гъирируси Фрицлис Польша, Франция, Белгия, Голландия делтІес имканбакІили саби, амма СССР-лизи дураберкІибси илгъуна «архІя» Фрицлис кахсили убухъун. Ил советский танкли вячІун. Илала юрт биалли гъарали белтІунси давлара сабира, бомба чегили, гъина-панабариб. Даргала автор, къиркъир, тамяхІкар Бергала образ алкІахъухІели, гІячихълигу, фольклорличи хъарихъули сай. Амма лебилра произведение ахтардибарибхІели, илизиб А. Пушкинна бяхихъичила ва илала хъунуичила хабарличи мешудеш гъанарули саби.

Образуни алкІахънила цархІилти къяйдурти пайдаладирули сай писательли «ЦахІулантис» бикІуси произведениелизир. БиштІаси анцібукъ, секІал бархъли, биубси тяхІярли сипатбирнила къяйдаличил сари ишар фашистунала жанивардеш чедиахъути. Дила пикрили, советская литературализир фашистунани концлагерьтазир адамтачи дирути зулмурти чедаахъибти цаибти авортазивад ца сай даргала писатель. С. ГІябдуллаевли акІахъубси майденек концлагерьлизир диубти зулмуртала суратуни, концлагерьла къурбунтачи уркІеціи, илдала жалладуначи, адамти къяриантис дибягъуни-цахІулантачи гъимицун алкІахъули ахІенну, фашизмаличи къаршиси дявиличи къасра имціабирахъули саби. Произведениела сюжет акІахъубти очеркла тяхІярла бархъдеш бухІнабуцибти анцібукъунани сари илала каргъни ва художественный хасдешуни белгидарибти. Произведениелизир илкъяйдали хабарла ва публицистикала лишантира лер. Анцібукъуни сипатдарнила, лукІнила къяйдала азаддешли «ЦахІулантис» бикІуси белкІ авторла творчестволизиб мягІничебси анцібукъли бетаахъур. Даргала авторла творчество гъалабяхІ арбукънилизиб ва даргала проза реализмала ахъанайтачи гъамбирнилизиб мягІнибирахъусили бетаур С. ГІябдуллаевла «ВатІан багъандан» бикІуси повесть. (Абдуллаев С. Далуйти ва хабурти. Фронтла очеркуни. Махачкала. Даггиз. 1948).

Сай миціирли левхІели дураибси жузлизир фронтла очеркуни сарлин авторли баяндарибти произведениеби илини цализирад ца хъархІерти диалра, сари аринтиван ахІи, лерилра цахІнадирхъутири. Авторли, нуша гъанна дикІули къяйда, произведение алкІахъухІели новеллаби цаладирхънила къяйда бузесаили саби. Гъайгъай, ил цалабиклизирти, повестьлизи кадурхути очеркуни-хабурти чуласун сари аринтира сари. Илгъуна саблин хасданра декІарбарес вирар 1962 ибил дуслизиб дурабухъунси «Дигуси Кавказ» бикІуси

С. Гябдуллаева сборниклизиб декларли кабахъибси «Мусахъай» биклуси хабар. Баягъи ил жузлизир повестьлизирадеклардарибтили урдулхъули сари Гяжакъализиб цубабачил биубси дергъличила Гябдусалам Иминовла ва Жабрагъиловла Гялиевличила хабар, чузиб ВатАйчирти Жабрагъиловла дигиличила геройла гъай. (1986 ибил дуслизиб дурабухъунси, цахънабахъибси ва гъалагъай делкунси Б. Гялибеков) сборниклизибцун саби произведение сунела лебси кабизра сабира кабахъибси. Произведениела лерилра вецуну царалра бекI яра очерк (повестьлизи) кадерхахъурти бутнас нушани жанрлашалси баян – очерк – авторлагъуна бурни шартласи саби) ца мягнала (идея) ва художественный ца мурад сархниличи – фашизмаличи къаршиси советский халкъла дявила ибкъси сурат чебаахъниличи – дялчиабти сари. Очеркуназир сипатдарибти лерилра анцбукъуни повестьла бекI геройли сайси Гялиев Гимранна образ-алав сари цадалгахъунти.

Цаибил ва киибил очеркуназиб бурили саби герой фронтлизи, дургъути частанази севан вархъибсирил. Даргала писательли алахъубси суратлизибад душмантачибад чедибдеш сархниличи вирхуси советский солдатла гъавцун балули ахенну, бургантала-связистунала саби аринти лишантира якъиндирули сари. Авторли солдатунала къукъялизибад цацабехъити декларбирули сай, дергъла суратуни лугули сай. Писательли сунела геройти-бурганти илкъяйдали гъужумти агарли акъубухъунси манзиллизибра чебахъули сай. Ургъан Гялиевли, замана баргили, хъалибаргличи кагъар луклули сай, жагъил ургъан Иминовли сунела риганайличилси дергълис гъалабси гъибанди бирули сай, Жабрагъиловли гяхъгъабзачила далай бучлули сай. Геройти-ургаб леб пергер хабарчи Носов ва Гялиевличил, урибси солдатличил, ихтилатиклули окоплизирти Гямрула дигъандешуни дагъес дигуси пикрикар ургъан сибирлан Яригин.

Авъибил ва шуибил очеркуназир жура-журала санигъатунала бегъити Титовичли, Безмагаричныйли, Носовли, Черновли, Жабрагъиловли, Иминовли, Свистовли телефона бархбас кабилзахъули саби. (Илдала юлдашуни Горьковой ва Царен XI ибил беклизиб саби даклубирути). Свистуновла отделение дергъла къиянти аги-къяйдализиб чебаахъили саби. Солдатла декити Гямру ва Ватан батахъес багъандан цабиубти улкала бахъал халкъанала вакилтала узидеш писательли-ургъунни сунени чедаибхели сари илкъяйда Гямруличил дурусли ва чедетаахъили сипатдарибти.

Урег-ибил хабар, автор виклули къяйда, амма, дурусли буралли, повестьла урег-ибил бекI, сунела Ватан – хъана Кавказ дебали дигуси ургъан Жабрагъиловла ВатАйчи дигили дицибти гъай сари. Илди гъайра немецунала самолетли бомбаби чекъурли къябудахъули сари. Ил анцбукълис гъергъи Жабрагъиловли дергъ бетурхуси мерличив хъерируси дарган Гябдусалам биклуси адамлизибад Гялиев немецунала ясирлизибад гъавухъи, партизанта отрядлизи ваъниличила балули сай.

Верхъибил очерк партизан Гялиев Гимранни мегъла гъунила станциялизиб барибси гъунарличила саби.

Повестьла гехъибил беклизиб Гялиев Гимран сунела узила хъунул Кишдейличив даклубирули сай. Ил беклизиб бурули саби Гялиев Гимранна

гъамтачила ва илала къамличила. ГИмранна дудеш виштIахIели Дагъистай-зивад Кабардализи арякъи уили сай. Дудеш вебкIили гIергъи, нешра рузира Кабардализиб батурли, ГИмран Дагъистайзи чарухъунсири ва илав ХIунтIена Армиялизи живарибсири.

Повестъла урчIемъибил бекIлизир ГIялиев кIийа ясирикниличил, илад герой гъавулхъниличил дархдасунти анцIбукъуни сипатдирули сари. Ил бекIлизиб геройла дурхIядешла дусмачилара бурули саби. ВецIъибил бекI Мусахъайличила хабар саби. НакIа геройли дебали мягIничебси жавабла хъарбаркъ таманбарили сай – партизанта ла отрядла командир ГIялиев ГИмранна кагъар илини саби шагъарлизи баахъибси.

ВецIну цара ибил бекIлизиб бургъантачила-связистуначила хабар даимбарили саби. Кубанъна билхIлализиб бургъути илдас ХIунтIена Зубарила кIел орден ва «Гъабазадеш багъандан» медаль сархибси илдала юлдаш ГIялиевра къаршииркули сай.

«ВатIан багъандан» бикIуси повестълизирти публицистический жи бурхIнабуцибти тугъани, гъабзадешличила ва дигайличила далайли, шилизи белкIунси кагъар-дугъабизли, ургъанна гъабзадешличила марван белкIунси хабарли лебилра произведениела кабиз белгибирахъули саби. М. Шолоховла, Л. Леоновла. А. Платоновла лукIнила къяйдализиб анцIбукъуни ахтардирнила дергъла дусмазиб уркIила хIялани чедиахъниличил бархбулгули биъни пикрилизи касахIелли, даргала писательла лукIнила къяйдализирти сагадешунира арагIебли советская литература гъалабяхI башнили дихъубти сархибдешуниван къабулдарести сари.

ХIебиалли, повесть алкIахъути бутIнала (очеркунала, белкIанала) бетуц цаси биъни ГIячихъли саби. Илдазиб буйрухъ хIясибли ахIи, уркIила жи хIясибли ахIерси ВатIан батахъес дурабухъунти халкъла вакил, улкала дахъал миллатуназибад цабехI сабти даргантазивад ца ГIялиев ГИмранна баркъудлумачила бурули саби, илала уркIила хIялани гъаргдирули сари. АнцIбукъуни кадикибси мерла хасдешра, илди заманализир духъяндитIнира писатель жура-журала баркъудлуми къиматладарес бажардииркнилисцун бикъруми ахIен. Илдани чебиахъули саби, даргала автор итхIелла заманаличи челябкълализивад хIерикIес хIядурли виъни.

Связистунала дергъла къиянти ГIямру чедиахъути белкIанира итхIелла дубурла шила ГIямрула суратуначил дархдасахъи гили сари. «ВатIан багъандан» - жура-журала масъулти ахъдуцибси произведение саби. ГИмран ГIялиевла хъунул Пахайла, илди кIилалра дурхIни – гехIел дус риубси Кабиратла, илала виштIал узи ГIялила, ГIялис икъалабируси пионерка ХIяпсатла образуну бекI герой дахъал шалубачивад белгиварахъес кумекбирули биъни ГIячихъбирули саби, амма илди образуну сари сарилра, тьп Мусахъайла образ къяйдали, къиматчерти сари. Илди образуну-ургали авторли дергълис гъаларти хабуртазирад дехIдихъибти дурхIнала хIял-тIабиГIят гъаргдирнила умцIлаби даимдариб. Дергълис гъалар делкIунти хабуртазибти никIа геройти къисматлис мукIурти, селра барили бекIбарес имканагарти саблин чебаахъили биалли, повестълизибти никIаби ГIямруличи разити, гъала тIашбизурси му-

рад сархес гъаргъти саби. УчІусиличи сунени бируси асар хІясибли даргала литературализибцун ахІенну, арагІебли Дагъиста литературализибра карушибси неш багъандан фашистунас чеббицІес гъаргъси партизантала отрядла командирла хъарбаркъ таманбирусни никІа партизан Мусахъайла образличил цугбуцеси агара виқІалра хатІа бетхІерар. Пионерка ХІяпсатла образа дергъла дусмала литературализиб сагаси саби. Ил образличил дарган авторли дубурлантала рухІласи давла имцІабикІули биъни чебаахъиб.

Повестълизир дергъла ва даршудешла, фронтла ва тылла масъулти дархдаси сари. Бузерила асилдеш ва дергълизир дақІудироти гъабзадеш илизир душмайчибад чедибдеш сархес шартІ сарлин сари сипатдирути, тыллизиб бузути зяхІмагчибала образунира повестълизир, тѳп бургъантала-связистунала ва партизантала баркъудлумиван чедетаахъили сипатдарили сари. Повесть халаси ахІен. Ил сабабли авторли, дергъла манзила советский адамтала гІямрула лерилра шалуби цагъуна чебетаибдешличил сипатдарес хІейри. Биалра, дубурла шила гІямруличила бурути камти бяхІянанира тыллизибси ибкъси бузерила суратуни акІахъес дирули сари, амма произведениелизир бегІлара гъардизурти, чузир бекІ геройла баркъудлуми гъаргдарибти бяхІяни сари.

С. ГІябдуллаевли сунела герой ГІялиев ГІимран кабиз хІясибли дубурлан, адамдеш ва гъабзадеш хІясибли интернационалист сайлин сай чейахъуси. Герой баянирнлизиб бекІсигъунали бетаур сунезиб партизан ГІялиев ГІиманни немецунала кІел офицер ва хІябал солдат кърбарни чебаахъибси верхІѳибил бекІ. Гъардизурли сари геройли барибси гъунар сипатбарни, илала ва душмантала баркъудлумала хъулчни гъаргдарни ва илдала дурала чебаъ, куц-кабиз сипатдарни, ГІялиевла, станцияла комендант-немецла, румынияла фашист-офицерла, чай дихуси хъунул адамла гъарил вяшатІала, тѳп сегъуналра гъай хІеиибси ва баркъуди хІебарибси буфетчикла къяйдали, геройтала образуни гъаргдарахъес гІягІнитили урдулхъули сари. Илдала кумекличил саби мицІирти адамтала бутІакъяндешличилсигъуна сурат алкІусира. АнцІбукъуни сецад къалабали кадиркули диалра, гъарил бутІакъянчила имкантачила бурили саби. ВерхІѳибил бекІла бехІбихъудлизив партизанничи мешухІереси ухъна дубурлан сай чеахъибси, амма хІякъикъатлизив ил ГІядатла ахІенси баркъуди барес вирусиле увухъун: чай дихуси хъунул адам хІералтуси фашистлис къяйкбарес багъандан, илини тапанча бяхІчиули сай. Тапанча къяйкхІебухъунхІели, илини тапанча комендантла бекІлизи игъуб. «Ухънала» ил анцІбукъли фашист офицерти уркІбухъахъун ва гъузгъалдибиахъуб.

ГІядатла ахІенси, урехила агилизи бикиб советский партизанра немец гъармукабира. Цаибилла паргъатдешра гъабзадешра, кІиибтала урухтусдешличил кършидуцили сари. Партизанна гъабзадеш фашист гъармукабала урухкІудеш илдала куц-кабиз сипатдарнила гъуйчилра чебиахъули сай повестъла авторли.

Геройтала куц-кабизлизиб илди баянбирусни гІягІниахъалали бетарули саби геройтала хІулби суратдарни. Ца фашист офицерла хІулби унцІайчил мешудуцили сари. Илала балуй хІули тѳмхъбикІули саби. ЦархІил офицерла сакІубти ва хІунтІенти хІулбани ил хІиличи гъаргъси жаниварличил мешуиркахъули сай. Ахирлизив чейахъухІели, урухиубси фашистла хІулби рангагартиван,

гІярхубачи мешутиван сипатдирули сай. Партизан ГІялиевла хІулбазир биалли лямцІра сакІубдешра чедиули сари. Геройла баркьуди чебаахъни, илала куц-кабиз сипатдарни, пикруми дурни – лерилра илди къяйдурти дарган авторли халати устадешличил пайдаладарили. Ил дахъхІила гІядатунала бегІ литературала вакил сайлин кыматлаваряхъес имкан лугули саби.

Даргала литературализир биалли проза гъалабяхІ башнила гІядатуни камтири. С. ГІябдуллаев урусла литературала устнала опытличил пайдалавиубли виъни багъесли саби. Повестьлизиб Л. Толстойла у гъанбушнили, геройти баянбирес багъандан илала хІулби сипатдирнили, гІячихълигу, даргала автор урусла литературала классикла лукІнила къяйдуртачил тянишли виъни чебиахъули саби. Дергъ, ца декІарси гъужум, дявила балбуц къяянси бузери саблин чебаахънилизивра даргала автор урусла писательла асарлиув сай. Даргала авторла цархІилти предложениебани чула каргъни хІясибли А. Пушкинна проза гъанарахъули саби. КъантІли, гІячихъли лукІес ибси къасра, бурес виар, нушала писательлизиб дергъла дусмазиб илис гъалабричиб камли ахІи дарган мезличи шурбалтуси урусла прозала асарлиуб саби акІубси.

Ахтардили чебиахъули къяйда, С. ГІябдуллаевла повесть сунела художественный сархибдешуни хІясибли дергъла заманала игитдеш ва асилдеш чадаахъибти урусла ва дахъал миллатунар советская литературала бегІлара дурибти произведениебала къяйлизи кабатес виар. Дила мешубуцличил къабулхІейкесра асубиар, амма сипатбирусила гІячихъдеш сархнилизив дарган автор «Василий Теркин» бикІуси поэмала автор А. Твардовскийличи гъамиубли сай. ГІядатла гІямру сипатдирнилизив – бекІахъуди, дергъла аги-къяйда, адамтала бархбасуни чедиахънилизив С. ГІябдуллаев «Жагъил грардияла» автор А. Фадеевличира гъамли сай.

Дергъла дусмазиб Дагъиста прозализиб ва драматургиялизиб, Э. Капиевла очеркуни ва илала «Записные книжки» халхІедаралли, ишра или буреси произведение дакІухІебиуб. М. Хуршиловла, Э.Капиевла, Р. ДинмахІямаевла, А. Аджаматовла ва цархІилти автортала хабуртазир, очеркуназир ва пьесабазир убла манзилла анцІбукъуни (174І ибил дуслизир Надир шагъла хІурбунани барибси чябхъин, Дагъистайзиб граждан дергъ) советский адамтани дергълизир ва тыллизир дакІударибти асилдеш чедаахъили. Илдазирада дахъалгъунти «Дахъал миллатунар советская литературала историялизиб» (т.3.,бяхІ 39І-394) белкІи къяйда, анцІбукъуни ва баркьудлуми образуни гъаргдирнилизир лайикъли пайдалахІедарили, каргънилашала дурустили детхІеънили итхІелла заманала къадрила произведениебилицун калун. Ахтардили чебиахъули къяйда, С. ГІябдуллаевла повесть биалли, сунела художественный сархибдешуни хІясибли Э. Капиевла, илкъяйдали дергъла заманала урусла ва дахъал миллатунар советская литературала гъардизурти произведениебачил ца къяйлизи кабатес виар.

Повестьлизир адам сипатирнила ва хІякьикъат чебиахънила устадеш даргала литературализиб гъалаб хІебиубси даражаличи адикили сари. Гъарил геройла, ил никІаси Мусахъай яра гІямрули велкъунси, илди дагъурси ГІимран ГІялиев виаб, ургъан ЖабрагІилов виаб яра пионерка ХІяпсат риаб, баркьуди,

илала адам сайлин къасаначил ва историяла гІягІнидешличил бархбаси саби. Инсаниятла душмайчибад нушала халкъли сархибси чедибдешличи гъуни С. ГІябдуллаевли реалист тяхІярла произведениебазир дузахъути гІяниахълумала кумекличил чебаахъиб. Ил анцібукъли саби произведениела жанр - фронтла очеркуні – белгибарибсира.

Дергълис гьаларти хабуртазибад декІарли «ВагІан багъандан» бикІуси повестьлизив адам ишбархІила гІямрула умцлабачил сай сипатируси. ИлхІе-лира адамлизир ил игитси, чевяхІси адамли ветарахъути къиликъуни декІар-дирули сари. Гьарли-марли игит баркъудлума дирули сай ГІялиев ГІимрай. УркІи гьаргси, рухІлашал давлачевси адам сай солдат ЖабрагІилов. Илис тІабигІятла жагадешуницун ахІен гІяхІдилзути, адамличи дигили виціили сай ил. Дергъла заманала произведениебазир Дагъиста писательтани, даргала автортаниван, ургъанна хІял-тІабигІят художественный гІягІниахълумачил ахтардихІедариб. Илиниван дергълизивси солдатла бузерила къияндешуни гІячихъли чехІедаахъиб. ЧебяхІси ВагІа дергъла дусмазир С. ГІябдуллаевли дарибти художественный уцІлабала къадри имцІабирахъули саби чузиб ит яра ишил баркъуди дураберкІес гІягІнидеш ахъибти геройтачилти В. Быковла «Сотников», «Шаладикайчи хІебкІес», «Укъес ва гІелавяхІ чарухъес» бикІути повестуни 70-ибти дусмазир дакІудиънили. К. Симоновли хІябал повестьлизибад («Авал ганз», «Дергъ агарли гьал бархІи», «Нуша цали ца чехІейэхІе») цалабикібси «Сай аринни ирути гІямру» бикІуси, сунезир ублара ишхІеллара дахдасахъунси роман белкІун.

ЧебяхІси ВагІа дергъла дусмала даргала поэзиялизирра хІякъикъат сипат-барнила гьалар агарти тяхІурти ва къяйдурти дакІудухъун. Илди дузесаибси автор сайри баягъи С. ГІябдуллаев. Даргала цархІилти авторти-фронтловикуни ГІ. ГІябдуллаевла, М. Разакъовла, ГІ. ГІумаровла, тыллизибти Адам МуртазагІялиевла, Къ. МяхІяммадовла, М. Мусаевла произведениебани дергъла манзиллизиб бургъантани ва зяхІмагчибани дакІудирути игитдеш ва асилдеш чедиахъутири. Амма илди автортала произведениеби дусмала манзиллизир калун, сенкІун гІямру сипатдирнилизиб илдани селра сагаси ибси атхІекІахъ-уб. С. ГІябдуллаев биалли, сунела белкІаначивли машгъуриуб.





Э. Капиевлис - 110 дус

ISSN 0235 - 0149

Индекс годовой 31176
Индекс полугодовой 73892

